

Nafsi Zilizo Kifungoni Sasa

Jeffersonville, Indiana, USA

Novemba 10, 1963A

1 Asanteni. Hebu na tuinamisha vichwa vyetu kwa muda kidogo. Baba wa Mbinguni, tunakushukuru Wewe, leo, kwa majaliwa haya ya kukusanyika pamoja wakati mmoja zaidi, tukijua ya kwamba siku moja tutakusanyika kwa mara yetu ya mwisho, kama wanadamu, na ndipo tutakusanyika katika utukufu pamoja Nawe, na wote waliokombolewa wa nyakati zote watakusanyika pale.

Loo, mioyo yetu inadunda kwa nguvu sana, ya ... na kwa shauku kuu, tusingojea ile saa ifike! Kwa hayo, hofu yote inatoweka kwetu. Hatuna cha kuogopa, hakuna cha kuhofya. Tunatazamia ahadi ambayo Mungu wa Milele ametufanyia, nasi tunajua ya kwamba ni Kweli. Hiyo ndiyo sababu tunaishi. Tunaishi kwa ajili ya jambo hilo, saa hiyo, wakati huo, wakati mwanadamu huyu atakapobadilishwa, nasi tutafanywa kama Yeye, wala hakutakuwako na magonjwa tena, hakuna huzuni tena, hakuna majonzi tena. Loo, yote yatakwisha wakati huo. Na kwa furaha ya moyo, sisi, katika imani na ujasiri, tunaitazamia Siku hiyo.

2 Hiyo ndiyo sababu tumekusanyika hapa leo, Bwana, kukiri makosa yetu na kuomba rehema. Hiyo ndiyo sababu tunakabiliana na madhabahu hii asubuhi ya leo, kwa sababu tunajua sisi ni wanadamu, na kuna makosa mengi ndani yetu, na tumejaa makosa. Bali tunakuja kukiri makosa yetu, kisha tumwangelie Baba yetu wa Mbinguni kwa mioyo mikunjufu, kwa ajili ya baraka na kufanywa upya nguvu na imani, ambayo angetupa katika saa hii, kwa kuwa tumekusanyika hapa kulingana na ile ahadi, "katika ulimwengu wa Roho katika Kristo Yesu." Kwa kuwa tunadai ya kwamba tumepita kutoka mautini kuingia Uzimani, kwa ahadi Yake, nasi tumeshikwa katika hali ya Kimbinguni, tukiketi pamoja Naye sasa. Jalia atufundishe asubuhi ya leo mambo ambayo angetutaka tuyajue, na atupe Mkate wa Uzima, ili tupate kudumishwa kwa ajili ya wakati ujao ulio mbele yetu. Tujalie, Bwana. Haya ndiyo maombi yetu tunayoomba katika Jina la Yesu Kristo. Amina.

Mnaweza kuketi.

3 Habari za asubuhi, kwa kila mtu. Na ni vizuri sana kukusanyika hapa pamoja nanyi tena asubuhi ya leo, katika mazingira haya ya Mbinguni ya kuabudu.

Tumechelewa kidogo tu, tulipata si-...simu mbaya, mbaya sana dakika chache zilizopita; mvulana amelala pale, anakufa. Na kwa uhakika kama ninavyosimama hapa, Bwana aliugusa mwili wake na kumwachilia aenda zake. Kwa hiyo ...

Na m—m—mvulana anayesimama hapa, ambaye ni mtoto wa binamu yangu. Wao kweli walikuwa Wakatoliki, kwanza, bali walienda kwenye misa asubuhi ya leo na kitu fulani kiliwaambia waje hapa. Na kwa hiyo wao ... Kuna badiliko. Kwa hiyo wao wana—wanakuja sasa nyumbani, na kujiandaa kwa ajili ya ubatizo wa maji. Kwa hiyo basi wao ni—wao ni ... mambo mazuri sana ambayo Bwana wetu hufanya kila wakati. Yeye daima anafanya tu mambo. Walikuja kuingia, nao hawakuweza kuingia. Walisema wao hawana njia tu ya kuingia.

4 Nikasema, "Vema, unataka kuzungumza nami," nami nikasema, "vema, njoo tu nyumbani, nasi tutazungumza hayo tena, pale."

Kwa hiyo nikawazia, nikiwa njiani kwenda New York sasa, kwenye mkutano huu unaokuja, ya kwamba lingekuwa ni jambo zuri sana ... Najua ningeburudika nikija na—na kusaidia kuwasha moto wangu kutokana na moto mliokuwa nao ninyi nyote, nasi tukasimama kwa siku moja, asubuhi ya leo. Nasi tuliingia jana, juzi, aduhuri.

5 Na basi hatuna budi kuondoka. Nilikuwa niondoke, alasiri ya leo, bali nafikiri nitaenda... Nasi tunaanza asubuhi, mapema, mapema sana ya ... Huenda tukawa na theluji barabarani, na kadhalika, kati ya hapa na New York. Hatuna budi kupitia Virginia, kupitia milimani, na pia kupitia kwenye ile ya Allegheny, halafu basi sehemu tu ya chini ya—ya Adirondack.

6 Kwa hiyo tunaanza, ninasahau, ni uwanja wa michezo pale, mpya. Waliuvunja ule uwanja wa kale wa Mt. Nicholas, nasikia. Walijenga huu mpya. Basi kadiri nijuavyo mimi, tunapata kama baadhi ya siku za kwanza usiku ambazo ziko...ambazo zilikodishwa. Kwa hiyo tunashukuru kwa ajili ya jambo hilo, kwa Wapentekoste wa New York. Nami nafikiri tuna makanisa kadhaa yanayoshirikiana, na tunatarajia wakati mzuri sana.

Nasi tutarudi, Bwana akipenda, wakati mwingine juma lijalo. Na—na kama ni mapenzi ya Mungu, mbona, tunatumaini kupatembelea kwa ajili ya Jumapili, juma lijalo, kwa—kwa ajili ya ibada ya Jumapili asubuhi.

Halafu nilimvamia mchungaji wetu tena, kama ninavyofanya daima, mnaona, nami—nami nikafikiri labda kama ningeingia, na hata bila kuomba. Na kisha kwa kuwa kuna kundi zuri hapa, na watu ninaowaona kutoka nje ya mji, wako hapa; nilifikiri labda, usiku wa leo, kama mchungaji hana kitu

maalumu, kwamba tungekuwa na ibada ndogo usiku huu, fupi tu, na, vema, labda tuwaombe wagonjwa. [Ndugu Neville na kusanyiko wanafurahi — Mh.] Asanteni.

7 Tunatarajia kuwaombea wagonjwa usiku wa leo, kuzungumza juu ya uponyaji wa Kiungu na—na kuwaombea wagonjwa. Tuanze mapema ili tuweze kutoka mapema. Na kama mchungaji akitaka, nini ... Kwa kawaida mnaanza saa moja na nusu. Hiyo ni kweli? Vipi kuhusu kuanzia saa saba usiku wa leo, saa saba? [Ndugu Neville anasema, "Amina." — Mh.] Halafu hebu nianze kwenye saa moja na nusu, na hiyo itaniwezesha kutoka kwenye saa mbili ama mbili na nusu, halafu inawapa watu wakati basi wa—wa kutoka, kama jambo hilo ni—hilo ni—ni sawa. Kila mtu alicheka wakati ni—niliposema saa mbili, ama saa mbili na nusu. Ni—ni—ninatumaini kutoka ifikapo wakati huo. Kuwaombea wagonjwa, mnajua, hatujui kamwe.

Kwa hiyo tumekuwa na—na wakati mzuri sana tangu tulipowaacha kwenye msimu huu uliopita, mapema, naye Bwana ametubariki katika mambo mengi makuu. Kwamba ... Na usiku wa leo, kama Bwana akipenda, ninataka kuwaambia juu ya kuzuriwa kwa mwisho nilikozuriwa, kutoka kwa Mungu, huko Colorado, majuma machache yaliyopita. Na hilo ndilo nililifikiria ningaliwaleteni sasa, labda kuchochea imani kwa ajili ya ibada nzuri ya kuponya usiku wa leo, kwa ajili ya wagonjwa na wanaoteseka.

8 Sasa, asubuhi ya leo, kuingia moja kwa moja kwenye ibada, mimi ... Kitu fulani kiligusa moyo wangu kama mwezi mmoja uliopita. Na huenda ikawa, sasa, nafikiri wao ni ... Je! Wananasa haya? Je! Wananasa haya? Naam. Vema. Ili niweze kujua ni wapi, kama kanda hii itawafikia wengine. Siwezi kusema ya kwamba yale nitakayozungumzia asubuhi hii ... Siwezi kusema ya kwamba ni—ni—ni ... Ninajua ni kweli, mnaona, sehemu ya Ujumbe itakuwa sahihi. Lakini jambo ninalotaka kufanya, ni swali moyoni mwangu. Inaonekana halisi sana. Na hata hivyo tangu nilipoingia, na kwa kuwa mimi ... ilifunuliwa kwangu, nimeogopa sana kwamba ningesema jambo baya na huenda nikaacha mtazamo mbaya kwa watu. Na ni ninii ... Na mimi ...

9 Yale niliyokuwa nimeandika muhitasari, juu ya yale niliyokuwa niseme, niliondoa sehemu yake, ili kwamba nisilifanye zito sana. Kwa sababu, mnaona, kama—kama mtu ... Ni—ninampenda Bwana Mungu, na, namna pekee ninayojua kuwa ninampenda, ni kwa sababu ninawapenda. Mnaona? Hiyo ndiyo njia pekee ninayojua. Na hata hivyo mimi—mimi sitaki nifunuliwe jambo lo lote halafu nisiwaambie, kama ni la kuwaambia. Halafu ninahofu ya kwamba kama nikisema jambo ambalo ni zito sana, huenda likamuudhi mtu fulani. Na, mwajua, ni ... Karibu inakubidi kufika tu jukwaani halafu usikie ukiongozwa kusema unalotaka kusema. Hivyo tu. Na halafu wakati mwingine unaweza kusema kitu fulani, ndipo mtu fulani angepata... mwelekeo mwingine kwenye kitu hicho, nao wangeenda upande *ule*; na halafu mtu fulani angesema, "Loo, hii ni *hili*, mnaona."

10 Lakini nawatakeni mjue ya kwamba ninachotaka kusema ni kuthubutu tu, nalo neno *kuthubutu* maana yake ni "kufanya bila mamlaka." Kwa hiyo mimi ... Si—sisemi kwamba jambo hili ni kweli, bali ni wazo dogo tu ambalo huenda nikawaachia, ili kwamba mpate kulipima na kuona mnalowazia juu yake. Na halafu itakuwa, bila shaka, ita—itakuwa ni ya Kimaandiko, kwa sababu singehubiri cho chote ...

Lakini je, huo ndio wakati bado? Je! jambo hili limefikia kwenye saa hii, na hivi mambo haya yamamaanisha jambo hilo? Ninaomba, kwa yote yaliyo ndani yangu, ya kwamba siyo. Mnaona? Ninaomba kwamba si kweli, ya kwamba siyo ile saa. Itakuwa, bali hivi imefikia wakati huo sasa? Mnaona, hilo ndilo ninaloshangaa. Sasa, kila mtu anafahamu, kabisa, kwamba mimi sijui? [Kusanyiko linasema, "Amina." — Mh.] Ninaninii tu ... Je, ni wakati huu? Kama ndivyo ilivyo, Mungu aturehemu. Lakini, kama si wakati huo, hebu ... utakuja.

11 Sasa, haraka tuwezavyo, tuna ratiba kubwa mbele yetu, Bwana akipenda. Nami sina budi kwenda nchi za ng'ambo, mara baada ya Krismasi, huko Ulaya na Asia; Ulaya, hasa. Na halafu ninarudi hapa Marekani, kwa ajili ya ibada chache, halafu ninarudi kule Afrika Kusini. Nitaanza tarehe mbili Se—Septemba, huko Durban, kisha niondoke kwenye tarehe mbili, nadhani, mpaka mnamo yapata tarehe kumi, halafu nina siku mbili kutoka huko kwenda Johannesburg na kuanza tena. Lakini nadhani ni mwezi wa Aprili, tutaanzia kwenye nchi za Scandinavia, huko Norway na Sweden na—na Finland, na—na Uholanzi na Uswisi na Ujerumani, na—na kupitia Ulaya kule. Kwa hiyo iweni katika maombi kwa ajili yetu.

12 Tuna mikutano michache hapa, wakati wa Krismasi sasa, mara baada ya Krismasi. Jambo lingine, tunataka kuwa hapa kupitia Krismasi, nyumbani. Watoto wanataka kuja nyumbani, kwenye Krismasi. Nasi tu—tunapenda Arizona, bali mnajua kile—kile kitu tunachokosa, wala hatuwezi kabisa, ni kanisa hili na ninyi watu. Haidhuru tuendako, tunachofanya, ni ninii tu ... Watoto, mimi, mke na kadhalika. Hakuna mahali kama hapa. Hiyo ni kweli. Hakuna mahali hata kidogo.

Nimesafiri bahari saba, nami ni—nimekuwa kila mahali, lakini hakuna mahali panapoonekana wakfu kwangu kama mahali hapa padogo papa hapa. Hapa ni penyewe. Wewe ondoka tu mahali hapa siku moja, kama unataka kujua. Kuna kitu fulani tu hapa. Nimehubiri kote ulimwenguni, kwa kweli, na sijawahi, wakati wo wote, mahali po pote, kumhisi Roho wa Mungu, kwa uhuru na kadhalika, kama ninavyosimama papa hapa. Hapa ni penyewe.

“Mungu, pajalie...” Kama ile siku niliyoweka jiwe la pembeni kule, nilisema, “Bwana Mungu, usipaache paanguke.”

Watu walisema, “Katika muda wa miezi miwili, itakuwa gereji.”

Nikasema, “Usipaache paanguke, Bwana. Hebu pasimamishe, na watu humu ndani wawe wanakusifu wakati atakaporudi Yesu.” Natumaini itakuwa hivyo.

13 Sasa hebu na tufungue Biblia sasa, na—na kumtarajia Bwana atupe baraka Zake. Nasi tunataka kusoma Maandiko machache. Nina Maandiko yaliyoandikwa hapa ambayo ninataka kuyarejea, na mihitasari fulani. Nami ninataka kusoma kutoka sehemu tatu kutoka kwenye Biblia, nami nitawapa hayo, kwanza. Ninataka kusoma katika Yuda 5 na 6. Yuda ni Kitabu kimoja tu, mnajua. Na halafu nataka kusoma Petro wa Pili sura ya 2, 4 na 5. Ndipo nataka kusoma 1 Petro, 3:18 hadi 20.

Na somo langu asubuhi ya leo, Bwana akipenda, ni: *Nafsi Zilizo Kifungoni Sasa*. A-ha. *Nafsi Zilizo Kifungoni Sasa*, zimefungwa, zimehukumiwa milele. Kamwe, hazina njia ya kuokolewa, mnaona, nafsi zilizowekwa kifungoni sasa.

14 Sasa hebu na tusome katika Kitabu cha Yuda, kwanza. Ninaamini nimeandika hapa kwa mara ya kwanza, katika Yuda; halafu tena katika Petro wa Pili, halafu—halafu tena katika Petro wa Kwanza. Sasa, Yuda, ningetaka kusoma yote; lakini ili tu kuokoa wakati, kwa sababu tayari ni saa nne na nusu, nitaanza na kifungu cha 5. Sasa, Yuda alikuwa ni ndugu, ndugu mlezi, wa Yesu Kristo, kama sisi sote tunavyojua. Mnaona? Yeye alikuwa mwana wa Yusufu.

Tena napenda kuwakumbusha, ijapokuwa ninyi mmekwisha kujua haya yote, ya kwamba Bwana, akiisha kuwaokoa watu katika nchi ya Misri, aliwaangamiza baadaye wale wasioamini.

Aliwaokoa, kwanza, akawatoa Misri, kisha ikabidi awaangamize kwa sababu hawakuendelea na ujumbe wao, mnaona.

Na malaika wasioilinda enzi yao wenyewe, lakini wakayaacha makao yao yaliyowahusu, tayari amewaweka katika ninii...vifungo vya milele chini ya giza kwa hukumu ya siku ile kuu.

Malaika ambao siku moja walikaa Mbinguni, wala hawakuilinda enzi yao na hali waliyokuwa, wakaanguka, na sasa wamo katika vifungo vya Milele na Milele vya giza, vifungo vya milele vya giza, wamewekwa katika hali hii mpaka kwenye ile Hukumu ya ile Siku kuu wakati watakapohukumiwa pamoja na wasioamini wengine.

15 Sasa katika Petro wa Pili, mlango wa 2, kuanzia kifungu cha 4, ambacho kitakuwa ni kitabu kimoja ama viwili nyuma yake, mnaona.

Kwa maana ikiwa Mungu hakuwaachilia malaika waliokosa, bali aliwatupa shimoni, akawatia katika vifungo vya giza, walindwe hata ije hukumu;

Wala hakuuachilia ulimwengu wa kale, bali alimhifadhi Nuhu, na watu wanane, mjumbe wa haki, hapo alipoleta Gharika juu ya ulimwengu wa wasiomcha Mungu;

Hakuwaachilia Malaika; akawaweka katika vifungo vya giza, kisha akauhukumu ulimwengu wote kwa maangamizi, ya—ya Nuhu.

16 Sasa katika 1 Petro, sura ya 1 na ... Petro wa Kwanza, mlango wa 3, na kuanzia kifungu cha 18, tunasoma tena. Sasa, sikilizeni kwa makini sasa.

Kwa maana Kristo naye aliteswa mara moja kwa ajili ya dhambi, mwenye haki kwa ajili yao wasio haki, ili atulete kwa Mungu; mwili wake akauawa, bali Roho yake akahuishwa, ... mwili wake ukauawa, bali Roho yake akahuishwa,

Ambayo kwa hiyo aliwaendea roho waliokaa kifungoni, akawahubiri watu hawa waliokuwa kifungoni;

Watu wasiotii hapo zamani, uvumilivu wa Mungu ulipokuwa ukingoja, siku za Nuhu, safina ilipokuwa ikitengenezwa; ambamo ndani yake wachache, yaani, watu wanane, waliokoka kwa maji.

... Mfano wa mambo hayo ni ubatizo, unatuokoa sisi pia siku hizi; (siyo kuwekea mbali uchafu wa mwili, bali jibu la dhamiri safi mbele za Mungu), kwa kufufuka kwake Yesu Kristo.

Naye yupo mkono wa kuume wa Mungu, amekwenda zake mbinguni, malaika na enzi na nguvu zikiisha kutiishwa chini yake. Hebu tuombe tena.

17 Sasa, Baba wa Mbinguni, m—mstari wa Maandiko hapa, mashahidi watatu, mahali patatu katika Maandiko wakitoa ushuhuda. Nawe umesema katika Neno Lako, ya kwamba, “Kwa vinywa vya mashahidi wawili ama watatu, kila neno na lithibitishwe.” Sasa ninakuomba, Ee Mungu, ya kwamba Wewe utawajia watu na utalifasiri Neno hili, Ujumbe huu, katika nuru itakayopaswa kuwa ndani yake, ili kwamba kila mwanamume, mwanamke, mvulana, ama msichana, apate kufahamu jinsi ambavyo Umewaamuru wapate kufahamu, na sasa wakijua ya kwamba mashahidi hawa watatu wanashuhudia Kweli.

Nami ninaomba ya kwamba utamtuma Roho Mtakatifu juu yetu sasa. Nami ninaomba ya kwamba utamtuma Roho Mtakatifu juu yetu sasa. Nasi tutamwangalia Yeye aliye Mfalme wetu, kati yetu asubuhi ya leo, Bwana Yesu Kristo; ambapo tumeinuka sasa kwa imani, tukiketi katika sehemu hizi za ulimwengu wa Roho katika Yeye. Tunangojea Ujumbe Wake. Uzungumze kupitia kwetu, Bwana, uusikilize kupitia kwetu, tunapokuomba Wewe uitahiri midomo inayonena na maskio yanayosikia, ili kwamba iwe kwa ajili ya heshima na utukufu wa Yeye aliye Maandiko. Kwa kuwa tunaomba katika Jina Lake. Amina.

18 Sasa, kumbukeni ibada usiku wa leo, ibada ya uponyaji. Sidhani ingekuwa muhimu kutoa kadi za maombi, kwa hiyo tunawaomba tu wagonjwa. Nina jambo fulani ambalo ninataka kuwaambia, nami na—natumaini ya kwamba litalileta tu kusanyiko mahali ambapo kutakuwa na kila namna ya uponyaji. Ninajua itakuwa kama tutaamini tu namna hiyo.

Sasa hii, nafsi zilizoko kifungoni, nafsi zilizo kifungoni sasa!

19 Sasa, nafsi ya mwanadamu si mwili wa mwanadamu, ni nafsi. Mnaona? Na nafsi ni kitu ambacho ni—ni tabia ya roho. Na halafu wakati tabia ya mwanadamu ... Wakati aliposema, “Tumekufa,” Maandiko yanatuambia dhahiri ya kwamba, “tumekufa, na maisha yetu yamefichwa katika Mungu kwa njia ya Kristo, tumetiwa muhuri pale na Roho Mtakatifu.” Naam, si kwamba mwili wako ulikufa; si roho yako iliyokufa. Ilikuwa ni tabia ya roho yako iliyokufa; mnaona, asili, ambayo ni nafsi. Tabia ya nafsi yako ni—ni Mungu, kama umezaliwa mara ya pili. Kama hujazaliwa, ni ya ulimwengu. Chochote kinachoanza hakina budi kukomeshwa, kwa hiyo basi njia pekee unayoweza kupata Uzima wa Milele ni kuwa na Uzima ambao haukuanza kamwe. Na ndipo uhai wako ulianza ulipozaliwa, wakati Mungu alipopulizia pumzi ya uhai puani mwako na ukawa nafsi hai, ndipo ukaanza basi. Lakini wakati wewe ...

20 Tabia hiyo iliyokuwa ndani yako, kwa asili ulikuwa wa ulimwengu, umetengwa na Mungu, kwa kweli ulikuwa mnyama. Hiyo ni kweli kabisa. Kila mtu anajua ya kwamba sisi ni mamalia. Ni wangapi wanaojua jambo hilo? Sisi, sisi ni mamalia, sisi ni wanyama wenye damu-joto, bali hivyo ndivyo tulivyo kwa uumbaji wetu wa duniani. Lakini, mnaona, kile kilichotufanya tuwe tofauti na mamalia wengine, ya kwamba—ya kwamba Mungu aliweka nafsi juu yetu. Mnaona? Sasa, mamalia wengine si lazima wavae nguo. Hakuna mnyama mwingine anayepaswa kuvaa nguo kuficha aibu yake, ila sisi. Sisi ndio tu tunaofanya hivyo, kwa sababu tuna nafsi. Lakini, mnaona, Mungu, hapo mwanzo, alijua jinsi mtu angekuwa. Naye aliumba dunia, na akaleta wanyama wa kila namna, kutoka walio wa chini sana hata wa juu sana; na mnyama aliye juu sana aliyejitokeza, alikuwa ni mwanadamu.

21 Halafu basi, kwanza, mwanadamu aliumbwa, alikuwa ni mtu wa roho, katika mfano wa Mungu.

Ambapo, “Mungu ni Roho,” Yohana Mtakatifu 4. Sasa, “Yeye ni—ni Roho. Nao wamwabudu Yeye, wanamwabudu katika Roho na katika Kweli. Na Neno Lako ndilo Kweli.” Sasa, tunamwabudu katika Roho na Kweli. Yeye ni—ni Roho aliye Hai.

Ndipo hapakuwa na mtu wa kuilima ardhi, na ndipo Mungu akamfanya mtu kwa mavumbi ya ardhi.

Ndipo akatoa ubavuni mwake, kitu kilichotokana na kingine, ubavu; na, kutokana na huo, akamtenganisha mtu huyu aliyekuwa na asili mbili, ambazo zilikuwa ni ya kike na ya kiume. Basi Yeye akatoa ile ya kike, maana ilikuwa ni upendo, ndipo akaiweka katika mtu aliyeitwa Hawa, ambaye Adamu alimwita Hawa, ambaye alikuwa mkewe. Hapo ndipo upendo wake, wa kawaida, upendo wa kibinadamu, ulishikilia mkewe. Hivyo ndivyo mtu anapaswa kuwa leo, naye mwanamke amrudie mumewe. Mwanamume, wa kiume; mwanamke, wa kike.

22 Na halafu, mnaona, baada ya Yeye kumfanya mtu kwa mfano Wake, “akawaumba, mwanamume na mwanamke,” hapakuwapo na mtu wa kuilima ardhi. Naye akamweka katika mavumbi ya nchi, na kwa hiyo akawa ... alikuwa ndiye mtu huyo. Mtu huyu wa kibinadamu alikuwa jamii ya wanyama wanyonyeshao watoto, mnaona, alikuwa mnyama; lakini Yeye akaiweka roho hii ya Mungu, uhai, ndani yake, ndipo akamfanya katika msingi kwamba yeye angeweza kujichagulia. Na basi wakati mtu huyu ...

23 Sasa tunafikiri sisi ni kitu fulani. Kumbuka tu, sisi ni nini? Donge la udongo. Hivyo tu. “Na kwa kuwa u mavumbi, mavumbini utarudi.” Kwa hiyo unapomwona mtu huyu akitembea barabarani, anafikiri yeye ni mtu fulani, mwajua, na ana elimu kidogo na kadhalika; kumbukeni, ni bongwe la mavumbi ya Indiana. Hivyo tu. Basi mwanamke huyu aliyevalia kaptura, huku anavuta sigara na kukosa adabu barabarani, akikatika katika kama kwamba nchi nzima ni mali yake, ni donge la mavumbi ya Indiana, na hivyo ndivyo linavyorudia. Kwa hiyo wewe si kitu kikubwa sana kwanza, mnaona. Kwa hiyo, hiyo ni kweli, hivyo ndivyo

ulivyo.

24 Lakini, nafsi hiyo iliyo mle ndani, mnaona, nafsi hiyo ndiyo Mungu anayotenda kazi nayo, mnaona. Kama tu anaweza kuifanya tabia hiyo, roho hiyo, ikubaliane Naye, basi tabia hiyo inakufa, hiyo tabia pamoja na kuipenda dunia vinakufa, tena mambo yaliyomo katika dunia yamekufa. Mnaona? Kwa sababu, "Ukiipenda dunia, ama mambo ya ulimwengu, kumpenda Mungu hakumo ndani yako." Mnaona? Na mtu hana budi kuzaliwa mara ya pili. Kwa hiyo, asili hii haina budi kufa, na tabia ya Mungu inakuja na kuishi ndani yako. Naye Mungu ndiye kitu tu kilichopo ambacho hakikuanza wala hakiwezi kukoma.

25 Basi, kwa hiyo, Yeye ameshirikisha, mnaona, na kumchukua mtu huyu, wa duniani, na Roho hii ya Milele, na kuviweka pamoja. Kwa sababu, Mungu alijionesha Mwenyewe katika jambo hilo, ya kwamba Yeye alifanyika Mwanadamu wakati alipofanyika Kristo Yesu, Naye alikuwa Mungu, mnaona. Mungu alikuwa ndani ya Kristo; ambaye, mnaona, aliishi ndani Yake, akiupatanisha ulimwengu kwa nafsi Yake. Na, kupitia kwa Mtu huyo mkamilifu, kila mmoja wetu asiye kamilika anayemwamini Mungu na amelikubali Hilo, anakuwa ukamilifu Wake.

26 Wala hakuuacha mwili Wake kamwe kuona uharibifu, wala hakuiacha nafsi yake kuzimu, bali alimfufua katika siku ya tatu, Naye yu hai milele. Nasi tutakuwa na mwili kama mwili Wake wa utukufu.

Hiyo ndiyo sababu tunabatizwa katika Jina Lake, ili tupate kufufuka katika Jina Lake, katika mauti Yake, katika kufufuka Kwake, ili kwamba tupate kufufuka tena, tukishuhudia kwa ulimwengu ya kwamba tuna Uzima mpya, ya kwamba yule mtu wa kale amekufa. Tulizika asili hiyo ya kwanza. Mnaona? Tabia hiyo ya kwanza imeondoka, na sasa sisi ni tabia Yake. Yeye anaishi ndani yetu, nasi hatufanyi mapenzi yetu wenyewe. Tunafanya mapenzi Yake. Hutuwazii mawazo yetu wenyewe. Ile nia, nia ndiyo inayowaza. Nia iliyokuwa katika Kristo Yesu iko katika kila mwamini. Mnaona, hiyo—hiyo hapo ile nafsi, na hiyo ndiyo tunayonena habari zake. Basi, hiyo ndiyo ile sehemu ninayowazia sasa, ya kwamba hiyo imo ndani yetu, ile nafsi.

27 Sasa, kama tukiangalia, katika hili, kuna mambo mengi yanayotukia wakati mwingine, nasi tunashangaa ni kwa nini yanatukia, nasi tunajiuliza wenyewe, na tunawauliza wengine. Lakini hatimaye, baada ya kitambo kidogo, tunaona kwamba, kama sisi ni Wakristo, yote yanatendeka vema kabisa, kwa namna fulani. Mmeona jambo hilo. Wakristo wote wanaona jambo hilo. Tunashangaa ni kwa nini tulifanya hivyo.

Nilishangaa wakati mwingine, wakati niliposoma Biblia kwa mara ya kwanza, "Kwa nini Mungu alimruhusu Ibrahimu, yule mtu mashuhuri, kupata kusimama pale na kusema ya kwamba Sara hakuwa mke wake?" Na jinsi alivyomfanya asimame pale na kusema uongo juu ya jambo hilo, na mambo yale aliyofanya, na halafu jinsi ambavyo alipata kumwacha Ibrahimu aondoke kwenye nchi ya ahadi ambayo alimwambia asiache. Myahudi ye yote anayeondoka kwenye nchi ya ahadi amerudi nyuma, kwa maana Mungu aliwapa hiyo wao na kuwahidi kukaa humo, mnaona, nao wakaiacha. Kwa hiyo akashuka akaenda Gerari. Lakini kama isingalikuwa hivyo ...

28 Na halafu Abimeleki, yule mfalme kule chini katika nchi ya Wafilisti, alimpenda Sara na alikuwa anataka kumwoa, naye alikuwa ni mtu mzuri, mtu mwenye haki. Na baada ya yeye labda ... Jambo hili linasikika la kuchekesha, bali kulifanya dhahiri sana kwenu. Baada ya kuoga jioni na kuvaa pajama yake, na kusema sala zake kisha akaenda kulala, Bwana alimtokea akasema, "Wewe ni kama tu mtu aliyekufa," na yule mtu hakuwa ametenda jambo lo lote. Mnaona? Yeye alikuwa amedanganywa kabisa, na Ibrahimu pamoja na Sara. Hiyo ni kweli. Akasema, "Una mke wa mtu mwingine, mnaona. Na si—sitayasikia maombi yako, hata uombe namna gani. Wewe ni kama mfu. Lakini mtu huyo ni nabii Wangu." Mnaona?

29 Mnaona, ni vigumu kuelewa hilo, mnaona. Lakini kama haikuwa hivyo, tusingejua neema ilikuwa nini.

Kwa nini alienda na kumwoa Hajiri, baada ya kuwa na mke mzuri kama Sara? Wala yeye hakutaka kufanya jambo hilo, mnaona, bali Sara alimwambia. Na ndipo Bwana akamwambia, "Sikiliza yale Sara aliyokuambia." Kwa nini? Ilibidi kuwe na Ishmaeli, "ili kwamba mjakazi huyo na mwanawe wasingerithi pamoja na mwanamke huru pamoja na mwanawe." Mnaona ninalomaanisha?

Mambo haya yote ni mifano. Kwa nini ilimbidi nabii yule kuoa malaya na kupata...pamoja na watoto hawa, kupata watoto wawili kwake? Kama ishara. Kama ishara. Kwa nini mmoja akalala kwa mkono wake wa kulia kwa siku mia tatu na arobaini, kisha akalalia upande ule mwingine kwa siku kama hizo namna hiyo? Kama ishara. Mmoja alivua nguo zake na kutembea mbele ya Israeli. Na, sasa, mambo haya yote, yalikuwa ni mifano na vivuli, mnaona; nasi hatuna budi kuwa na mambo haya, kujaza.

Na, mara nyingi, mambo hutukia ambayo tunashangaa ni kwa nini yanatukia. Ni Mungu akitangulia kutuonyesha kitu fulani.

30 Naam, kama mvulana mdogo, nanyi mnajua hadithi ya maisha yangu, daima ni—niliamini, tangu ninapoweza kukumbuka... Moja ya mambo ya kwanza ambayo ninakumbuka ... Sasa hili, sasa, huenda uliniambia jambo fulani jana, nami ningelisahau ifikapo leo. Bali kuna mambo fulani, kule nyuma,

yaliyotukia katika siku za ujana wetu, wengi wetu tuko namna hiyo, ambayo daima tunayakumbuka. Na jambo hili linasikika kama la kichekesho kusema hivi, lakini nakumbuka nilipokuwa nikitambaa, nikiwa nimevaa nguo ndefu. Watoto wachanga, sasa baadhi yenu watu wa rika yangu mngokumbuka jambo hilo, watoto wachanga walikuwa wanavaa nguo ndefu. Nami ninakumbuka nikitambaa, na kutoa theluji kwenye miguu ya mjomba wangu na kuila, wakati alipoingia na alikuwa amesimama jikoni.

31 Na halafu jambo lingine ninalokumbuka likitendeka maishani mwangu, lilikuwa ni ono, lile la kwanza nililopata kuwa nalo, na akaniambia ningeishi sehemu kubwa ya maisha yangu karibu na mji ulioitwa New Albany. Nami nilikuwa mtoto mchanga wa milimani kule juu, hata hapakuwepo na daktari nilipozaliwa. Na —na mimi—mimi ... Mnajua, wao ... Nimeishi hapa karibu miaka hamsini, papa hapa; ono.

Halafu jinsi daima nilivyojua kulikuwa na Mungu mahali fulani, na nilipokuwa mvulana mdogo akazungumza nami, “usivute sigara, wala kunywa pombe, wala kuchafua” mwili wangu, hiyo ni kuzurura kizinifu na wanawake na kadhalika. Sikuzote nilikuwa na hofu juu yake, na nilikuwa kijana.

32 Halafu basi nilikuwa huko nje nikiwinda wakati mmoja, ambayo inaonekana kuwa ni tabia ya pili kwangu, kupenda kuwinda. Nami nilikuwa huko nje nikiwinda na mvulana fulani, Jim Poole, mtoto mzuri. Nafikiri mvulana wake huja kanisani hapa, Jim mdogo, na familia nzuri ya watu. Ninawajua akina Poole. Mimi na Jimmy tulilala pamoja na kuishi pamoja tangu tulipokuwa wavulana wadogo shuleni. Tuna tofauti ya miezi sita, katika umri. Basi Jimmy aliachilia bunduki yake ikafyatuka, nayo ikanipiga risasi katika miguu yote miwili, akiwa karibu sana nami, kwa bunduki. Nilipeleka hospitalini, na, kule, nikilala kule nikifa, hakukuwa na penicilini wala cho chote katika siku hizo. Naam, sasa, wao waliniwekea kitambaa cha mpira chini, nami najua usiku huo... Walikuwa wanifanyie upasuaji asubuhi yake.

Walichukua tu na kulisafisha lile jeraha, huku vipande vikubwa vya nyama vimelipuliwa, nao wangechukua mkasi na kuvikata, nami ilinibidi kushikilia mikono ya mwanamume fulani. Nao walikuwa na Frankie Eich, alijiua tu hivi majuzi, nao iliwabidi kushikilia, kukwatua mikono yangu kutoka kwenye viwiko vyake, walipo—walipomaliza. Nilipaza sauti na kulia, huku nimeshikilia namna hiyo, nao wakikatilia mbali sehemu hiyo ya mguu. Nilikuwa na umri wa miaka kumi na minne, mvulana tu.

33 Na usiku huo nilijaribu kulala, nao ... Niliamka, kitu fulani kama maji kilianguka. Basi damu ikatoka, karibu nusu galani, nakisia, ilitoka kwenye hizo vena. Nao walikuwa na...walipiga X-ray, nao wakasema ile risasi ilikuwa imekaa karibu sana na mshipa wa damu, pande zote mbili, hata mkwaruzo mdogo tu ungeukata moja kwa moja sehemu mbili, nami ningeanza kutokwa na damu. “Vema,” nikawaza, “huu ndio mwisho wangu.” Ndipo nikaweka mikono yangu chini namna *hii* na kuinua, huku damu inatiririkia mikononi mwangu, nilikuwa nimelalia damu yangu mwenyewe. Nikaita, nikapiga kengele. Nesi akaja, naye akaipanguza tu kwa taulo kwa maana wasingeweza kufanya kitu.

34 Basi asubuhi yake, katika hizo hali za kudhoofisha, hawakuwekea damu siku hizo, mwajua, kwa hiyo wao—wao wakanifanyia upasuaji. Ndipo wakanipa nusukaputi. Na wakati mimi ... Ile nusukaputi ya kale, nadhani mnakumbuka, ilikuwa nusukaputi ya kale. Basi nilikuwa kwenye nusukaputi hiyo, nilipopata fahamu, nilikuwa ninatoka kwenye nusukaputi hiyo baada ya masaa manane. Iliwabidi kunipa nyingi sana, walifikiri nisingeweza—nisingeweza kuamka. Wasingeweza kuniamsha.

35 Ninakumbuka Bibi Roeder alisimama karibu nami, huko nje hospitalini. Kamwe sitamsahau mwanamke huyo. Haidhuru lolote litakalotukia, nisingeweza kumsahau kamwe. Alikuwa tu kijana mwanamke wakati huo. Mumewe alikuwa msimamizi hapa chini kwenye kazi za magari. Nami na— namkumbuka akisimama karibu nami, yeye na Bibi Stewart. Nao ndio ambao kwa kweli walilipia gharama yangu ya hospitali. Mimi ... Hatukuwa hata na chakula cha kula, nyumbani, kwa hiyo tungeliwezaje kugharimia gharama ya hospitali, mamia ya dolla? Lakini yeye, kupitia shirika la kanisa lake na Ku Klux Klan, wakalinilipia gharama ya hospitali, ya Mason. Siwezi kuwasahau kamwe. Mnaona? Haidhuru wanafanya nini, ama nini, mimi bado ... kuna jambo fulani, na hilo linabaki kwangu, mnaona, yale waliyonifanyia. Nao wakalipa ile gharama kwa Daktari Reeder. Yeye angali anaishi, anaishi hapa Port Fulton, angeweza kukuelezea hadithi hiyo.

36 Nilipotoka kwenye nusukaputi hiyo, kuna jambo fulani lililonipata pale. Daima nimeamini kuwa ni ono. Maana, nilikuwa dhaifu sana, nami ... Walidhani nilikuwa nakufa. Alikuwa analia. Nilipoyafungua macho yangu kuangalia, niliweza kumsikia akizungumza, ndipo nikarudi usingizini, kisha nikaamka, mara mbili tatu. Halafu basi nikapata ono wakati huo. Na ndipo nilikuwa ...

Yapata miezi saba baadaye, ilinibidi kwenda na kutolewa pamba kwenye jeraha za risasi na nguo za kuwindia zenye grisi miguuni mwangu; yule daktari hakuzitoa. Na kwa hiyo damu ikapata sumu, miguu yote miwili ilikuwa imevimba na kukunjamana chini yangu, nao walitaka kuikata miguu yote miwili kwenye viweo vyangu. Nami ninaninii tu ... Nikasema, “La, sogeeni juu zaidi mkaikatie *hapa* juu.” Singeweza kuvumilia jambo hilo, mnaona. Na kwa hiyo hatimaye, Daktari Reeder na Daktari Pirtle, kutoka Louisville, waliniwanyia upasuaji, wakaikata mle ndani wakaitoa; na siku hizi nina miguu mizuri sana, kwa neema ya Mungu.

Lakini chini ya lile—lile ono la mwisho nililokuwa nalo ...

37 Ono la kwanza, nilipojirudia, halafu nikaingia katika njozi hii. Nami nilifikiri nilikuwa kuzimu, dhahiri tu ...

[Ndugu fulani katika kusanyiko anasema, "Samahani, bwana." — Mh.] A-ha. ["Kuna mwanamke hapa ambaye amezirai, papo hapo."] Vema, mtu fulani na amwekee mikono, naye...labda ampeleke kwenye hewa. Sasa kila mtu anayesimama pale, weka mikono yako juu yake.

Hebu na tuombe.

Mpendwa Bwana Yesu, naomba kwamba dada yetu ambaye ni mgonjwa asubuhi ya leo, na amezirai chumbani, neema Yako na nguvu na mamlaka...kuna mkono uliowekwa juu yake sasa, ukikuwakilisha Wewe. Na Maandiko yamesema, "Ishara hizi zitafuatana na hao waaminio. Wakiweka mikono yao juu ya wagonjwa, watapata afya." Na sasa naomba dada yetu atoke kwenye ugonjwa huu, na aponywe kwa ajili ya utukufu wa Mungu. Katika Jina la Yesu Kristo tunaomba, na kumkabidhi Kwako. Amina.

38 Sasa mtoeni kwenye hewa. Kuna—kuna msongamano sana. Ninaweza kuhisi hilo hapa, mbaya kweli, kweli. Unasikia tu kama kuzirai, hapa jukwaani. Nilikuhisi, mara nne ama tano hapa. Kama kuna...mara atakapojisikia vizuri zaidi, mbona, mpeleke mahali anapoweza kupata hewa. Hilo ni zuri. A-ha. Mnaona, kuna msongamano sana, mnajua. Binadamu hutoa, kila mmoja wetu, futi nyingi za miraba ya ugonjwa tu. Kama mna, mtu fulani ana maji pale, ama kitu fulani kummwagia huyo dada. Yeye—yeye atakuwa, ni mzima sasa. Mnaona? Vema. [Ndugu fulani katika kusanyiko anasema, "Hebu na tufungue milango, Ndugu Branham." — Mh.] Naam, labda kama mngfungua milango, labda, ama kutoa hewa kidogo tu, nyingi tuwezayo, kwa njia fulani, mnaona.

39 Sasa katika wakati huu, kama nilivyokuwa na ono hili, na nikifikiri ya kwamba ni—nilikuwa nimepita kutoka maisha haya nikaingia katika mateso.

Na miezi saba baadaye, hapa katika Hospitali ya Kumbukumbu ya Kaunti ya Clark, nilifanyiwa upasuaji wa pili. Na wakati huo, nilipotoka, nilifikiri nilikuwa nimesimama huko Magharibi. Nilikuwa na ono lingine. Na kulikuwa na msalaba mkubwa wa dhahabu angani, na Utukufu wa Bwana ukitiririka kutoka kwenye huo msalaba. Nami nilisimama nimeinua mikono yangu hivi, na huo Utukufu ulikuwa ukiangukia kifuani mwangu. Nami ... Ono hilo liliniacha. Baba yangu alikuwa ameketi pale akiniangalia, wakati lile ono lilipokuja.

40 Daima nimejisikia, ninyi ... Watu wote wanaonijua miaka hii yote, wanajua daima nimetaka kwenda Magharibi. Unajua jinsi ilivyo. Daima limekuwa jambo fulani kuelekea Magharibi. Lakini kwa sababu mtaalam wa nyota aliniambia wakati mmoja, jambo lile lile, ya kwamba ninapaswa kwenda magharibi ... Nyota, wakati zinapovuka duara zao na kadhalika, nilizaliwa chini ya ishara hiyo, wala sitafanikiwa kamwe Mashariki; sina budi kwenda Magharibi. Basi mwaka uliopita nikaondoka nikaenda, Magharibi, kutimiza kile kimekuwa hamu yangu maishani, mnaona, ku— kufanya jambo hilo.

41 Kwa nini niko huko? Ni jambo la kuchekesha sana. Kuketi kule jangwani, nikilipa dolla mia moja na kumi kwa mwezi, malipo ya nyumba, na hii hapa nyumba imekaa hapa, nyumba ya mchungaji, nimepewa mimi, mnaona. Lakini ni kumfuata Bwana, mnaona, hilo—hilo tu ndilo ninalojua kufanya. Nanyi mnajua maono na yale yaliyotukia huko nje. Sasa—sasa katika hili nataka kuwaambia ...

42 Sasa kama dada yetu anasikia mdhaifu kidogo, Ndugu Roy, naye ange-...ukitaka kumtoa nje mahali fulani na kumweka chumbani huku, mahali anapoweza kupata hewa zaidi ama cho chote kile, basi hilo ni sawa kabisa, kwa sababu, naona kwamba atakuwa mzima sasa, mnaona. Ni sawa. Yeye amezimia tu, ni mgonjwa. Ana hali ya kuzirai tu, mgonjwa. Na kwa hiyo na—nawaambia, kama yeye...kama unataka kumleta hapa ambapo hewa... fungua madirisha haya, Ndugu Roy, na iwapo huyo dada anataka kupitia hapa, hilo—hilo litakuwa jema. Mnaona, kama yeye anataka ku—kuja hapa, vema, usiogope jambo hilo kamwe.

Ninataka kumwekea mikono wakati anapopita hapa. Ninyi nyote mnisamehe kwa dakika moja tu. Na Mungu anisamehe kwa ... Hiyo, hiyo ni kweli, ndugu.

Baba wa Mbinguni, huyu binti Yako hapa ameketi hapa asubuhi ya leo, naye alikuja kusikia Ujumbe, na akapata ... Shetani anajaribu kumshinda kwa jambo hilo, bali hawezi kufanya hivyo. Hawezi kufanya hivyo. "Shetani hawezi, katika Jina la Yesu Kristo."

Vema. Vema, mlango ule, ninafikiri kama chache...?... ndugu, halafu hewa inaweza kupitia hapa, kwenu.

43 Loo, mnazungumza juu kusongamana, mnapaswa kuingia katika baadhi ya nchi hizi za ng'ambo ambapo wao wanalundikana tu mmoja juu ya mwingine, wakiwa na ukoma na kansa. Na, loo, jamani, ni vigumu kupata hewa, wajua, katika vitu kama hivyo. Wanalala kwenye hayo majengo makubwa mno, wameambukizwa tu na—na magonjwa. Nanyi mnajua jinsi ukoma ungekuwa. Pale, wamelala pale bila maskio, na nusu ya uso wao umeliwa, hawana mikono, na vingi vidogo badala ya miguu, na vitu kama

hivyo, wamelala, wamelundikana mmoja juu ya mwingine. Na wengi wao wakifa wakati uo huo, wamelala kule nje, kutokana na kulundikana mmoja juu ya mwingine, wakijaribu kuingia ndani mahali fulani, mwajua, kusikia Ujumbe.

44 Basi sasa—sasa katika jambo hili, nawaambia kilichotukia. Katika lile ono nililopata, nitarudi nyuma, maana niliingiza hayo, hayo maono mawili, kuwaonyesha juu ya moja ya hayo. Nilikuwa niende huko Magharibi. Daima nimetamani jambo hilo.

Basi sasa, kusudi la huu Ujumbe asubuhi ya leo ni kulijulisha kanisa, katika kila kitu ambacho ataniruhusu nilijulisha kanisa, kadiri niuavyo mimi, mpaka ile... ninapoendelea. Basi hili liliinjia, kwa hiyo nilitaka kulijulisha kanisa. Naam, hii ni kwa ajili ya Maskani haya peke yake, mnaona, mahali hapa. Naam, basi katika ono hili, la kwanza, haya ndiyo yaliyotukia.

45 Basi baada ya hilo ono kunijia, nami nilikuwa mdhaifu sana, na nilikuwa nimepoteza damu hiyo yote, kisha nikaenda... Nilifikiri ninatumbukia katika Umilele usio na mwisho. Wengi wenu mmenisikia nikisimulia jambo hili hapo kabla, huku—huku ninatumbukia katika Umilele usio na mwisho. Kwanza, nilikuwa nikipitia kwenye kitu kama mawingu, kisha katika giza, halafu nikazama chini, chini, chini. Basi muda si muda, nikafikia kwenye nchi ya waliopotea, ndipo mle ndani ni—nikalia kwa sauti kuu. Ndipo nikaangalia, na kule, kila kitu tu, hapakuwepo na msingi juu yake. Nisingeweza kamwe kuacha kuanguka. Iliyoonekana, ningeendelea kuanguka Milele. Hapakuwepo na kikomo, mahali po pote.

46 Halafu basi ilikuwa ni tofauti jinsi gani na lile ono nililokuwa nimeona hapa, si muda mrefu uliopita, la kuwa Utukufuni pamoja na wale watu, ile tofauti! Lakini katika jambo hili, nilipokuwa ninaanguka, hatimaye, ni—nikamlilia baba yangu. Bila shaka, nikiwa mtoto tu, hivyo ndivyo ningefanya. Nikamwita baba yangu kwa nguvu, naye baba yangu hakuwa kule. Nami nikapaza sauti kwa ajili ya mama yangu, "Mtu fulani anishike!" Hakukuwa na mama pale. Nilikuwa tu nikienda. Nami nikamfokea Mungu kwa sauti kuu. Hakukuwako na Mungu pale. Hakukuwa na kitu pale.

47 Ndipo baada ya kitambo kidogo nikasikia sauti ya maombolezi sana niliyopata kusikia, nako kulikuwa ni kujisikia kubaya sana. Hakuna njia ... Hata moto wenyewe unaowaka ungekuwa ni faraja ukilinganisha na jinsi hali hii ilivyokuwa. Sasa maono hayo hayajakosea kamwe. Nako kulikuwa kumoja kwa kujisikia kubaya sana nilikowahi kujisikia, na kile...

Nikasikia kelele fulani, ilisikika kama namna fulani ya hali ya—ya—ya kuzuriwa na pepo. Basi wakati iliposikika, nikatazama, wakija, na ilikuwa ni wanawake. Nao walikuwa wamejipaka rangi ya kijani kibichi, ningeweza tu kuona nyuso zao, nao walikuwa na vitu vyenye rangi ya kijani kibichi chini ya macho yao. Na macho yao yalionekana kana kwamba yamerudi nyuma, kama vile wa—wanawake siku hizi wanavyoyapodoa macho yao, yakarudi nyuma namna hiyo, na ni macho yao tu na uso. Nao walikuwa wakisema "Uui, uui, uui, uui!" Loo, jamani!

Nikapaza sauti tu, "Ee Mungu, unirehemu. Kuwa na rehema, Ee Mungu! Uko wapi? Kama utaniruhusu tu kurudi na kuishi, ninakuahidi, kuwa mvulana mzuri." Sasa, hilo ndilo jambo pekee ningeweza kusema. Sasa, Mungu anajua, na kwenye Siku ya Hukumu, Yeye atanihukumu kwa ajili ya tamshi hilo. Hivyo ndivyo nilivyosema, "Bwana Mungu, hebu nirudi, nami nitakuahidi nitakuwa mvulana mzuri."

48 Basi nilipopigwa risasi, nilikuwa nimesema uongo, nilikuwa nimefanya karibu kila kitu kinachoweza kufanywa, ni jambo moja tu ninalosema... Afadhali niliseme wazi wakati niko papa hapa sasa. Basi nilipoangalia kule chini na kuona nilikuwa nimelipuliwa nusu vipande viwili, karibu vipande viwili, nilisema, "Mungu, nirehemu. Unajua kamwe sikufanya uzinzi." Hilo ndilo jambo pekee nililoweza kumwambia Mungu. Sikuwa nimekubali msamaha Wake, na mambo haya yote. Ninasema tu, ningeweza kusema, "Sikufanya uzinzi kamwe."

Na ndipo wakanipeleka kule. Halafu basi, katika jambo hilo, nililia, "Mungu, unirehemu. Nitakuwa mvulana mzuri, kama tu utaniruhusu kurudi," kwa kuwa nilijua kulikuwa na Mungu mahali fulani. Na kwa hiyo nisaidie, hao viumbe wa kutaabisha walikuwa kila mahali, mimi nilikuwa mgeni aliyewasili hivi punde tu. Basi kujisikia kwenye kuchukiza kupindukia, kuogofya kupindukia, uovu mbaya kupindukia ambao... Ilionekana kama macho makubwa mno, kope kubwa zimetokeza namna *hiyo*, na zimerudi nyuma kama za paka, nyuma namna *hii*; na vitu vya rangi ya kijani kibichi, kama kwamba vilikuwa vimeoza ama cho chote kile.

Nao walikuwa—walikuwa wanasema, "Uui, uui, uui!" Loo, ni kujisikia kulikoje! Sasa wakati mimi ...

49 Basi katika dakika moja, nilikuwa nimerudi kwenye maisha ya kawaida. Kitu hicho kimenisumbua. Niliwaza, "Loo, hebu iwe kwamba sitaenda mahali kama hapo tena; pasitokee mwanadamu mwingine atakayelazimika kwenda mahali kama hapo."

Miezi saba baadaye, nilipata ono la kusimama kule Magharibi, na kuona msalaba ule wa dhahabu ukinishukia. Nami ni—nikajua ya kwamba kulikuwa na nchi ya waliolaaniwa mahali fulani.

50 Naam, sikuona jambo hilo sana mpaka yapata majuma manne yaliyopita. Mke wangu... Kamwe sikuwazia jambo hilo katika masharti haya. Yapata majuma manne yaliyopita, mimi na mke wangu tulishuka kwenda Tucson, kufanya manunuzi. Na tulipokuwa tumeketi ... Mke wangu, tulishuka kuingia kwenye orofa ya chini, na—na kulikuweco na kundi la wavulana walioonekana kama dondoadume waliokuwa wamesokota nywele zao, mwajua, kama wanavyofanya wanawake, na—na kukatwa nywele mraba kwenye paji la uso, wamevalia hizi suruali ndefu walizopandisha juu sana, kwa namna fulani, nafikiri ni bitiniki, ama cho chote kile mnachoziti. Nao walikuwa kule ndani, na kila mtu alikuwa anawaangalia, nazo nywele zao zikuwa kubwa *hivi*, kama wanawake wanaokata nywele zao mtindo wa "kichwamaji", mwajua. Nao walikuwa kule chini.

Ndipo kijana mwanamke akapita pale, naye akasema, "Unafikiri juu ya jambo hilo?"

Nikasema, "Basi unapaswa kujionea aibu, kama unaweza kuwazia jambo hilo." Nikasema, "Yeye ana haki ya kutosha kufanya jambo hilo kama ulivyo nayo wewe. Hakuna mmoja wenu aliye na haki."

51 Kwa hiyo nikaenda kwenye orofa ya juu, na nikaketi chini. Basi nilipofanya hivyo, kulikuwa na kipandio, ilikuwa ni duka kubwa la J.C. Penny, nacho hicho kipandio kikiwapandisha watu. Vema, kweli nilichefuka tumboni mwangu, kuona hao wanawake wakipanda kuja kule; vijana, wazee, na wasiojali, wenye makunyanzi, vijana, na kwa kila njia, wamevalia vikaptura vidogo; miili yao najisi, na hao wanawake waliovalia kizinifu, wakiwa na nywele hizo kubwa mno namna hiyo, basi hawa hapa wanakuja. Basi mmoja anakuja moja kwa moja kutoka kwenye kipandio hicho, akija tu moja kwa moja namna hiyo, mahali nilipokuwa nimeketi kule nyuma kitini, nimeketi kule huku nimeinamisha kichwa changu.

52 Ndipo nikageuka na kuangalia. Na mmoja wao alipokuwa anakuja kwenye vile vipandio alikuwa anasema, "Uui," akizungumza Kihispania, na mwanamke mwingine. Alikuwa mwanamke mweupe akinena na mwanamke wa Kihispaniola. Na nilipoangalia, [Ndugu Branham anadata kidole chake — Mh.] Mara nikabadilishwa. Hapo, nilikuwa nimeona jambo hilo hapo awali. Macho yake, mnajua vile ambavyo wanawake wanafanya siku hizi, kupodoa macho yao, hivi majuzi tu, kama paka, mnajua wanajipaka juu namna *hii*, huku wanavaa miwani ya paka na kila kitu, mnajua, huku macho yao yako *hivi*, na kitu kile cha kijani kibichi chini ya macho yao. Hicho hapo kile kitu nilichoona nilipokuwa mtoto. Huyo hapo yule mwanamke vile vile ilivyokuwa kabisa. Nami nikafa ganzi mwili mzima, kisha nikaanza kuangalia kila mahali, na palikuwepo na watu wale wakinong'oneza, mnajua, wakiongea juu ya bei na kadhalika katika lile jengo. Nami ninaninii tu ...

53 Ilionekana kana kwamba nilibadilika tu kwa muda kidogo. Nami nikaangalia, na nikawaza, "Hilo ndilo nililoona kuzimu." Hao hapo, kuoza kule. Nilifikiri kilichowafanya wawe namna hiyo ni kwa kuwa walikuwa kuzimu, kitu fulani cha kijani kibichi na samawati chini ya macho yao. Na hapa kulikuwa na wanawake hawa waliopakwa rangi ya kijani kibichi, jinsi tu lile ono lilivyosema yapata miaka arobaini iliyopita.

Mnaona, yapata miaka arobaini iliyopita, ndivyo ilivyokuwa. Nina umri wa miaka hamsini na minne; Nilikuwa na umri wa miaka kumi na minne. Kwa hiyo yapata miaka arobaini iliyopita, mimi ... Na hiyo ni ninii —ninii ... Hiyo ndiyo namba, hata hivyo, ya hukumu, mnaona. Sasa kulikuwa na ...

54 Nilikuwa nimeona jambo hilo na hata singeweza kuzungumza na mke wangu wakati alipokuja. Yeye alikuwa kule akijaribu kumnunulia Sara na hao watoto kitu fulani, namna fulani ya—ya nguo ama cho chote kile kwa ajili ya shule, nami—nami hata nisinge-... Hata nisingeweza kuzungumza naye. Akasema, "Bill, una nini?"

Nikasema, "Mpenzi, mimi ni kama ... Mimi karibu ni mtu aliyekufa."

Naye akasema, "Kuna nini? Je, wewe ni mgonjwa?"

Nikasema, "La. Kitu fulani kimetokea."

Sasa yeye hajui. Anangojea kanda hii irudi. Sijawahi kumwambia mtu ye yote. Nami nilifikiri afadhali ningojee, kama nilivyoahidi, kulileta kanisani kwanza. Mnaona? Kulileta kanisani. Hiyo ilikuwa ndiyo ahadi yangu. Nanyi mtatambua, baada ya usiku wa leo, sababu ya mimi kujaribu kutimiza ahadi yangu. Mnaona?

55 Niliwaza wakati huo, nilipoyatazama hayo macho yanayoonekana yameoza ya wanawake hao. Kulikuweco na Wahispania, Wafaransa, na Wahindi, na watu weupe, na wote pamoja, lakini hizo nywele kubwa mno, mwajua, zilizochanuliwa, na vichanuo hivyo, jinsi wanavyozilaza kwa nyuma, kubwa mno, kisha zinatokeza nje. Mwajua, mnajua jinsi wanavyofanya jambo hilo, kuzitengeneza kama wanavyofanya. Halafu macho hayo yanayoonekana kana kwamba yameoza, na yale macho yaliyopodolewa, yanayorudi nyuma kama macho ya paka. Nao wakizungumza, nami huyo pale tena, nikisimama pale katika duka kubwa la J.C. Penney, nimerudi kuzimuni tena.

Ni—ni—niliogopa sana. Nikawaza, "Bwana, hakika sijakufa, na Wewe umeniacha nije mahali hapa hata hivyo."

Basi hao hapo, wakifanya...wanazunguka namna hiyo, kama vile katika ono lile, ilikuwa tu ni vigumu kusikia kwa maskio yako, mnajua. Kunong'ona tu na kuendelea, kwa watu, na hao wanawake wakipanda kwa kipandio hicho na kwenda kila mahali pale, na ile "Uui, uui!" Hayo hapo macho ya kijani kibichi, ya kuchekesha, na ya maombolezo.

56 Ndipo mke wangu alipokuja. Nami nikasema, "Niache tu peke yangu kidogo, mpenzi." Nikasema, "Kama ni sawa kwako, na—na—nataka kwenda nyumbani."

Naye akasema, "Unaumwa?"

Nikasema, "Hapana, endelea tu, mpenzi, kama unataka kununua bidhaa zo zote."

Yeye akasema, "Hapana, nimemaliza."

Nami nikasema, "Hebu nikushike mkono." Mnaona? Ndipo nikaondoka.

Akasema, "Kuna nini?"

Nikasema, "Meda, ni—ni—ni ... Kitu fulani kilitukia kule juu."

Na nilipokuwa chini ya jambo hilo, niliwazia jambo hili, "Tunaishi katika siku gani? Je, huu unaweza kuwa ule Mvuto wa Tatu?" Sasa nina maandishi hapa.

57 Yesu. Tunaona ya kwamba, Yesu, katika huduma Yake, baada ya kuwahubiria watu. Sasa tutakuwa wa Kimaandiko halisi juu ya jambo hili. Baada ya Yesu kumaliza huduma Yake, na huduma Yake ikakataliwa na watu. Sasa utasoma katikati ya mistari, chora dhana yako mwenyewe. Kumbukeni yale niliyowaambia hapo kwanza. Baada ya kuhubiri ...

Yeye alikuja kama Mmoja aliyeahidiwa kwa ajili ya siku hiyo. Sote tunajua jambo hilo. Maandiko yalimtambulisha Yesu Kristo kama Masihi. Hiyo ni kweli. Kabisa, imara, imethibitishwa na Mungu na Neno Lake, ya kwamba Yeye alikuwa Masihi. Hakuna swali. Kama mtu ye yote akihoji jambo hilo, kama ukiliuliza, basi unapaswa kuja madhabahuni, ya kwamba, "Yeye hakuwa Masihi." Yeye alitambulishwa dhahiri kama Masihi. Lakini baada ya Yeye dhahiri ... Mungu alimtambulisha.

58 Kama vile Petro alivyosema kwenye Siku ya Pentekoste, wakati alipozungumza na Baraza la Wazee kule, kwenye zile nne ... yapata siku nne baadaye. Yeye alisema, "Yesu wa Nazareti, Mtu aliyethibitishwa kwenu na Mungu kwa ishara na maajabu, ambazo Mungu alizifanya kwa mkono Wake kati yenu, ambazo sisi sote tu mashahidi wake. Mnaona? Mmemchukua, kwa mikono ya watu wabaya, na kumsulubisha Mfalme wa Amani; ambaye Mungu amemfufua, na kuwaonyesha mambo haya ambayo mmeyaona." Mnaona? Kristo aliendelea kuishi. Bila shaka, angali anaishi leo.

59 Sasa baada ya Yesu kuja dhahiri, alijitambulisha Mwenyewe; Mungu alimtambulisha, naye akatabiri. Na baada ya siku za unabii Wake, ingawa zilitambulishwa Kimaandiko, watu walimkataa. Hiyo ni kweli. Naye alihubiri basi baada ya wao kumkataa hapa, wale waliokuwa na uwezekano wa kuokolewa. Kumbuka, wakati alipokuwa akihubiri, kulikuwa na uwezekano wa mtu yeyote kuokolewa. Hatujui hao ni akina nani. Wamechaguliwa tangu zamani. Lakini Yeye aliendelea kuhubiri.

60 Lakini baada ya siku za mahubiri Yake, huduma Yake iliendelea, maana kundi la mwisho alilohubiri lilikuwa ni nafsi zilizokuwa kuzimu, ambazo hazingeweza kusamehewa. Nimesoma hilo dhahiri kutoka kwenye Biblia hapa, kutoka kwa Petro wa Pili. Mnaona? Yeye alienda na kuhubiria nafsi zilizokuwa kifungoni, ambazo ni kuzimu, zilizofungwa mpaka Siku ya Hukumu.

Maana, mnaona, Hukumu haipo sasa, wala hakuna kuzimu kunakowaka moto sasa. Mtu fulani anakwambia, "Jamaa huyo yuko kuzimu inayowaka moto sasa," hilo ni kosa. Mnaona? Hakimu wa ulimwengu ana haki vya kutosha kutomhukumu mtu mpaka ameletwa hukumuni. Wala Mungu kamwe hatamtupa mtu katika ile—ile tanuru inayowaka moto mpaka kwanza amehukumiwa kwa sheria za Mungu Mwenyewe. Alikataa rehema, kwa hiyo, mnaona, kwanza hana budi kuhukumiwa, nayo mahakama ni ile Hukumu ya Kiti Cheupe cha Enzi. Lakini sasa yeye yuko mahali panapoitwa gereza.

61 Kama nilivyoona ono la sehemu zote mbili, na kwa neema ya Mungu ... Ninasema jambo hili si kukufuru, na, kama ni kosa, Mungu anisamehe. Ninaamini nimekuwa katika sehemu zote mbili, mnaona, katika sehemu zote mbili. Nami nikawaona waliokombolewa, waliobarikiwa; nami nikawaona waliopotea, na mahali walipokuwa. Na hiyo ndiyo sababu ninasimama kama ndugu yenu, leo, kuwaonya kuikimbia njia hiyo ya chini. Usiende kamwe kwenye barabara hiyo. Nawe una kila kitu cha kuishia, ile njia iliyobarikiwa ya kwenda juu, mahali ambapo waliokombolewa wako katika raha na amani, wala hawawezi kufanya dhambi. Hawawezi—hawawezi kujuta. Hawawezi. Hapo, hakuna kitu; wao ni wakamilifu. Nimeona sehemu zote mbili! Ninajua hilo ni tamshi zito sana kwa mtu kutamka, lakini, Mungu akiwa Hakimu wangu, ninaamini kwa uchaji nimeona mahali pote pawili. Ni—ninaamini jambo hilo.

62 Na, lo, na iwe mbali na mtu ye yote kuingia kwenye hiyo nchi ya waliopotea! Kama ulikuwa

umesimama huku umechomekewa waya zenye moto, ukiteswa kwa kila hali, isingekuwa kama mateso hayo ya ibilisi yaliyo mahali pale. Kusingekuwako na kitu kingeweza ... Akili ya mwanadamu, akili ya mwanadamu isingefahamu jinsi nchi hiyo ya waliopotea ilivyo. Hakuna njia ya kulielezea. Wala hakuna njia ya kueleza jinsi nchi ya waliobarikiwa ilivyo, ni nzuri sana. Hiyo ni ya kutisha sana, nayo Hii ni—ni kuu sana, ni kutoka kwenye ya kuchukiza hadi yenye fahari sana. Kwa hiyo kama mtu ye yote ananisikia ...

63 Nami ninakuwa mzee. Sijui nina muda gani zaidi. Hivi karibuni nitakuwa na umri wa miaka hamsini na mitano. Nami si—sijui, kulingana na maumbile, huenda nisiwe na miaka mingi sana. Sijui kanda hii itaenda wapi. Lakini hebu kila mtu asikie, hapa na kwenye kanda, ama po pote inapoweza kwenda. Usiende kamwe kwenye nchi ya waliopotea. Huwezi kuwazia kuzimu kukiwa kubaya namna hiyo. Na lo lote ufanyalo, usithubutu kamwe kupata nini-hii...kusahau hili, ya kwamba nchi ya waliobarikiwa... Ningesema jambo hili, pamoja na Mtakatifu Paulo, "Jicho halijaona, sikio halijasikia, wala haingeweza kuingia moyo wa mwanadamu, kile Mungu amewawekea akiba hao wampendao Yeye." Kwa hiyo simama, kama unasikiliza kanda, zima mashine, na utubu kama hujaokoka, na uwe sawa na Mungu.

64 Ninasema jambo hili kwa tukio la kujionea, kama ninavyoamini moyoni mwangu. Nami nasema, kama haya, kama maono haya yamenidanganya, Mungu na anirehemu kwa kufanya tamshi kama hilo. Bali kwa uaminifu moyoni mwangu, nikijua ya kwamba hakuna moja la hayo maono lililopata kushindwa, ninaamini ya kwamba nimekuwa mahali pote pawili. Na iwe mbali na mwanadamu ye yote kupitia barabara hiyo ya mtelemko!

65 Sasa, Yesu, baada ya kumaliza huduma Yake, aliwahubiria hao watu waliokuwa hawawezi kuokolewa, ambao kamwe hawangeweza kuokolewa. Sasa Biblia inatuambia jambo hilo. "Yeye alienda akazihubiri nafsi zilizokuwa kifungoni, ambazo hazikutubu." Wakati rehema ilipotolewa kwao, wao waliikataa rehema, na sasa wanangojea Hukumu. Loo, huo ulikuwa ni wakati wa jinsi gani! Loo, laiti kungalikuwa na njia fulani ningeweza kuitikisa ulimwengu kwa jambo hilo, kuwafanya waone hali halisi ilivyo.

66 Naye Yesu alisema, Mwenyewe, "Kama vile Baba alivyomituma Mimi, mimi nami nawapeleka." Basi kama Baba alivyompeleka kuwahubiri wa—walio hai, kwa wale waliokuwa na matumaini, kisha apeleke Ujumbe ule ule kwa wale wasiokuwa na matumaini, inaonekana ni jambo jema, kwenye wakati huu, kwamba jambo hilo litapaswa kufanyika, maana Roho wa Kristo anayeishi ndani yetu habadilishi tabia Yake, ama habadilishi taratibu ya Mungu. Hana budi kuwa yeye yule katika kila kizazi. Hana budi kuwa ni yeye yule. Kasema, "Kama vile Baba alivyomituma Mimi, mimi nami nawapeleka."

67 Huduma hazina budi kuwa zile zile, hata Yeye alisema ... Ninaona baadhi yenu mnaandika Maandiko. Yohana Mtakatifu 14:12, "Yeye aniaminiye Mimi, kazi nizifanyazo Mimi yeye naye atazifanya." Mnaona, "zile kazi," kuwahubiria waliopotea, kuwaponya wagonjwa, halafu kwa wasiowezekana kuokolewa. Mnaona? Kazi iliendelea vivyo hivyo. Kazi iliendelea vile vile. Kwa hiyo, jambo hili limekuwa, (limekuwa?) naomba niliweke namna hii, huduma ya Yesu Kristo ikifanyika mwili katika Kanisa Lake katika siku hizi za mwisho. Hivyo ndivyo wengi wetu wanavyoamini. Ninaamini pamoja nanyi. Ninaamini jambo hili. Kama nisingeliamini, ningefanya jambo lingine kulihusu. Kwa sababu, hata hivyo, huyu ndiye mimi ninaye- ... ninayehusika hapa. Na kama Roho wa Mungu yuko ndani yako, unahusika juu ya watu.

Kulikuwa na Andiko ambalo daima lilingishangaza, jinsi ambavyo Musa angeweza kumwambia Mungu wazo zuri kuliko Mungu alivyokuwa nalo, mpaka nilipoona ya kwamba ilikuwa ni Roho wa Kristo ndani ya Musa. Mnaona?

Mungu alisema, "Musa, jitenge nao. Nitaharibu kitu hicho chote, na kuanza na wewe."

68 Akasema, "Bwana!" Yeye alijitupa katika pengo, kasema, "Nichukue mimi. Lifutilie mbali jina langu." Juu ya watu hawa hawa waliokuwa wameasi, moyo wake uliwahurumia. Mnaona?

Basi wakati mhudumu anayewahurumia watu... Ningewezaje kamwe kujisikia nimehesabiwa haki kwa nini-hii yangu...mbele za Mungu, na kwangu mimi mwenyewe, kuwaficha jambo lo lote watu unaowapenda kuliko unavyojipenda mwenyewe. Mtu angewezaje kumwingiza mtu kanisani kwa kujiunga kwa mkono, ama kunyunyizia fulani, ama ubatizo fulani wa uongo, ama cho chote kile, kisha awaache wakae chini ya —ya ushawishi wa uongo fulani na akijua ya kwamba Biblia iko pale, halafu aseme ati anampenda huyo mtu?

Ingawa inanibidi kuomba riziki yangu, cho chote kile, hebu niwe mwaminifu kwa Mungu na kwa watu, kuwaambia Kweli. Kamwe usiniache niwe mdanganyifu. Ninawezaje kumdanganya ninayempenda? Ingawa inanibidi kuwaudhi, hata hivyo ninawapenda. Hiyo ndiyo sababu unampiga mtoto wako, ni kwa sababu unampenda. Si kwa sababu humpendi; kwa sababu unampenda. Kama amekosea, atauawa kama hutamsahihisha.

69 Sasa, vivyo hivyo na huduma imekuwa. Kama ilivyokuwa, ndivyo ilivyo leo. Imehubiriwa, na kuthibitishwa kwelikweli kwa Neno la Mungu, ya kwamba isingekuwa ni mwanadamu, haina budi kuwa ni Mungu. Haina budi kuwa hivyo. Angalia, ishara zile zile za kiroho alizofanya Yesu, zimetukia duniani katika

siku za mwisho. Ishara ile ile ya kiroho ambayo alijitambulisha Mwenyewe kama Masihi, imemtambulisha leo. Yeye angali ni Masihi! Ishara zile zile za kimwili zimeonekana duniani, ambazo zilionekana kwa Yeye, kile alichokuwa. Nguzo ile ile ya Moto ambayo Mtakatifu Paulo aliona, Yule yule, yote hayo yamejitokeza tena na tabia ile ile ndani yake, ikifanya jambo lile lile.

70 Yesu alidai ya kwamba Yeye hajafanya kitu mpaka Baba alipomwonyesha. Naye Baba ni Roho Mtakatifu, tunatambua jambo hilo. Kama sivyo ilivyo, bas Kama sivyo, basi ni yupi kati yao aliye Baba wa Yesu Kristo? Yesu alisema Mungu alikuwa Baba Yake, na Biblia ilisema Roho Mtakatifu alikuwa ni Baba Yake. Sasa, huwezi kumfanya kuwa mwana haramu, kwa hiyo Roho Mtakatifu ni Mungu, vivyo hivyo Yesu alikuwa Mungu. Kwa hiyo, Mungu, Baba, Mwana, na Roho Mtakatifu ni ... Ni ninii ... Hizo ni ofisi tatu za Mungu mmoja. Ni sifa tatu, Mungu yule yule.

Wewe ni sehemu ya Mungu, nami ni sehemu ya Mungu, mnaona; lakini mimi si Mungu mzima, wala wewe si Mungu mzima. Mnaona? Mnaona? Ni sifa za Mungu juu yetu, kama wana waliochukuliwa na Yesu Kristo. Ambapo, Mungu Mwenyewe alifanyika mwili, apate kufa kwa ajili yetu.

71 Sasa, Roho Mtakatifu daima alimwonesha mambo yajayo, wala hakukosea kamwe. Ilikuwa daima ni kamilifu. Hiyo ni kweli? Yeye hakujisifu Mwenyewe. Yeye alimsifu Mungu. Yeye alisema, "Mwana hawezi kutenda neno Mwenyewe ila lile analomwona Baba akifanya jambo hilo." Naye Baba, Roho Mtakatifu, alikuwa ni Baba Yake. Hiyo ni kweli? "Yusufu, ewe mwana wa Daudi, usihofu kumchukua Mariamu mke wako, kwa maana mimba yake ni ya Roho Mtakatifu," ambaye alikuwa ndiye Baba Yake. Naye Roho Mtakatifu akamwonesha Yesu mambo yajayo, akamwambia mambo yaliyokuwako.

Naye alikuwa ni Mungu-Nabii. Kwa sababu, Neno la Bwana daima huja tu kwa nabii; ikionyesha ya kwamba Maneno yalikuja, katika hali ya chini, manabii waliandika kile alichowaambia Bwana. Lakini Yeye hakuandika kitu, kwa sababu Yeye alikuwa Neno. Yeye alikuwa Neno.

72 Angalia, Roho Mtakatifu yeye yule aliyeishi ndani Yake, "Bado kitambo kidogo, na ulimwengu hautaniona tena; hata hivyo mtaniona, kwa sababu nitakuwa pamoja nanyi, hata ndani yenu, hata ukamilifu wa dahari. Nitakuja kwenu," Yeye alisema. "Mimi," alikuwa ni Baba aliyekuwa ndani Yake, "atakayekuja kwako." Naye akasema, "Roho Mtakatifu atakapokuja juu yenu, Yeye atawafunulia mambo haya ambayo nimewafundisha, na kuwaonesha mambo yajayo." Haya basi.

73 Sasa tunaona, ya kwamba kama vile Roho Mtakatifu alivyotenda kazi Kanisani wakati huo, vivyo hivyo Roho Mtakatifu amefanya mambo yale yale siku hizi; akitangaza kwa ile Nguzo ya Moto, ilikuwa tu hasa hapo mwanzo, jambo lile lile. Na alipoona jambo hili likimjia Yesu, Yohana alitangaza kwenye mto Yordani. Na amethibitisha kila kitu, hata picha zake za kisayansi. Hakiwezi kukanushwa. Kilithibitishwa kisayansi. Kilikuwa kitu dhahiri. Halikuwa wazo la kubuniwa. Haikuwa saikolojia. Kama alivyosema George J. Lacy, "Jicho la kimitambo la kamera halitapiga picha saikolojia. Nuru iligusa lenzi."

74 Vipi kuhusu ninyi, enyi kanisa, ambao yapata miezi sita ama minane iliyopita hapa, nikisimama hapa, nikisema, "Ni BWANA ASEMA HIVI, ya kwamba ninaenda Tucson, Arizona. Kutakuwa na mlipuko, na Malaika saba watatokea." Mnakumbuka? [Kusanyiko linasema, "Amina." — Mh.] Wala hata... Mungu akilifanya jambo hilo halisi sana hata gazeti la *Look* likalipiga picha. Kiroho, nililiona kabla, likaonekana vile vile kabisa, wale Malaika saba, ambao walileta kumaliziwa kwa Maandiko yote. Maana, siri zote za Biblia nzima ziko katika ile Mihuri Saba. Tunajua ya kwamba hicho ni Ki— Kitabu, Muhuri Yake, pamoja na Kitu hicho kimekamalishwa. Ni siri za Kitabu kizima, zimewekwa katika Mihuri hiyo Saba, ambayo Bwana alituruhusu kuileta.

75 Na kuna mtu anayeketi hapa, leo, aliyekuweko pale pamoja nami wakati jambo hilo lilipotukia. Gazeti la *Look* lilithibitisha jambo lile lile, ya kwamba—kwamba kwa kweli ilitendeka. Kwa sababu, Mungu ndiye aliyesema jambo hilo. Alikuwa ni Mungu ambaye husimama nyuma ya Neno Lake, kulitimiza anaposema atalitenda. Kwa hiyo, si mtu fulani, mtu wa kimwili kama mimi, aliye miongoni mwenu. Ni Mungu wa Milele.

Yeye huwatumia watu. Hiyo ni kweli. Yeye hafanyi kitu nje ya jambo lile analofanya akimtumia mwanadamu. Tunatambua jambo hilo. Yeye, huyo ni—huyo ndiye mjumbe Wake. Hilo ndilo alilochagua. Sababu yake, sijui. Angeweza kulifanya jua lihubiri Injili. Angeweza kufanya upepo uhubiri Injili. Yeye angeweza kuufanya upepo ufanye mambo, bali aliwachagua watu.

Hilo lilikuwa ni wazo Lake, kwamba mwanadamu angezungumza na mwanadamu; si mwenyewe, bali, "Neno la Mungu liliwajia manabii," watabiri, wahubiri. Na mtabiri anayelikana Neno la asili, anawezaje kuwa nabii wa kweli? Mnaona? Hawezi kuwa, kwa sababu anakana Kweli ya Neno. Na halafu kama halipo, basi Neno hili, Lenyewe, kwa kuwa linahubiriwa kwa uaminifu wa Neno na kwa uaminifu wa Roho Mtakatifu, litadhihirisha kila ahadi lililoahidi. Hivyo ndivyo tunavyojua kama ni kweli ama si kweli. Hivyo ndivyo Yesu alivyosema, "Kama sifanyi yale yaliyoandikwa juu Yangu kufanya, basi msiniamini Mimi." Mnaona? Sasa tunaona mambo haya.

76 Kumbukeni, ile Mihuri Saba ilikuwa imemalizika, na wakati hizo Kweli saba zilizofunuliwa ...

Moja ya hizo, Yeye asingeturuhusu kujua. Sisi ... Ni wangapi waliokuwa hapa kwenye ile Mihuri Saba, na kusikia? [Kusanyiko linasema, "Amina." — Mh.] Ninyi nyote, nadhani. Mnaona, ule—ule Muhuri wa Saba, Yeye hangeruhusu jambo hilo.

Yeye alisimama pale pale chumbani na kufunua kila moja ya hizo. Na kama nilipata kuhubiri jambo lote maishani mwangu, lililokuwa limevuviwa, lilikuwa hilo. Nalo halina budi kuwa ni kweli, kwenu. Kasimama hapa na kawaambia ya kwamba litatukia, kisha kwenda moja kwa moja kule, na hata sayansi na cho chote kile, utafiti wa sayansi na kila kitu, siri kwa watu, ulithibitisha ya kwamba lilitukia pale pale. Kisha tunarudi moja kwa moja na kulisikia likifunuliwa, na kulifanya kila Neno kweli kabisa. Tunaishi siku gani? Tuko wapi?

77 Basi kumbukeni, katika hiyo Muhuri ya Sita, ambapo, Baragumu zote zinalia katika Muhuri ya Sita. Tutakapoufikia, mtaona jambo hilo. Kila (saba) Baragumu ilitukia katika Muhuri hiyo ya Sita.

Ile saba daima ni siri. Angalia hiyo saba, hiyo ni kumalizia. Hiyo ilikuwa ni kule Kuja kwa Bwana. Mbingu zilitulia, zilikuwa kimya, hakuna mtu aliyesogea. Kwa maana, Yesu alisema Mwenyewe, "Hata Malaika wa Mbinguni hajui wakati nitakaporudi. Wala Mimi hata sijui, Mimi Mwenyewe, ni wakati gani. Baba ameweka jambo hilo katika nia Yake." Mungu peke Yake anajua, Roho. Kasema, "Sikujua jambo hilo." Halafu, haukufunuliwa. Wakati hiyo Baragumu ya Saba ilipotoa sauti...ama yule Malaika wa Saba, Mu—Muhuri ilifunguliwa, kisha ikawa kimya Mbinguni. Mnaona, haikueleza, kile kingetukia.

78 Lakini kwenye ile Muhuri ya Sita, mahali ambapo Baragumu hizi zilifunguliwa. Kumbukeni, kwenye huo, tunaona ya kwamba Mwana-Kondoo alikuja, akajitokeza hadharani. Alikuwa ameondoka kwenye Kiti cha Rehema. Kazi Yake ya ukombozi ilikuwa imekwisha. Naye akaja na kukitwaa kile Kitabu kutoka katika mkono wa kuume wa Yeye aliyeketi juu ya kile Kiti cha Enzi, na "wakati haukuwako tena." Na mara malaika akatokea katika sura ya saba, ama sura ya 10 na kifungu cha 7, akisema ... Malaika huyu alishuka na kuapa, ya kwamba, "wakati haukuwako tena."

Lakini, mnaona, katika Kitabu hiki kulikuwa na kile kilichokombolewa. Kilikuwa ni Kitabu cha Ukombozi. Na kila kitu alichokuwa amekomboa kiliandikwa katika Kitabu hicho. Na yote aliyofia yalikuwa yameandikwa katika kile Kitabu, wala Yeye hangeweza kuondoka kwenye Kiti Chake cha maombezi mpaka Yeye amekomboa kabisa. Wala Yeye asingeweza kukikomboa pale msalabani, kwa maana wao walichaguliwa tangu awali katika Kitabu cha Uzima cha Mwana-Kondoo, naye ilimbidi kukaa Mle kufanya maombezi hata mtu yule wa mwisho amekwisha. Utukufu!

79 Lakini siku moja Yeye alifufuka kutoka Kule, akaja. Kitabu hicho kilikuwa wapi? Kilikuwa bado kiko kwa Mwenyewe asiyeonekana, Mwenyezi Mungu. Ndipo Yohana akaangalia kila mahali, kisha akalia, kwa maana hapakuwepo na mtu aliyekuwa anastahili hata kukiangalia kile Kitabu na, hasa sana, kuzifungua zile Muhuri, kufunua ile siri iliyofichwa ni nini.

Zile siri zilikuwa katika zile Muhuri Saba. Wakati Mihuri hii Saba ilipofunguliwa, hiyo ilifungua Biblia nzima. Ile Muhuri Saba; kilikuwa kimetiwa muhuri kwa Siri Saba, na katika hii Muhuri Saba kulikuwemo na siri Yake yote. Na kilikuwa ni Kitabu cha Ukombozi, Agano Jipya.

Si la Kale. Lilitangaza tu Agano Jipya. "Wao wamefanywa...hawawezi kukamilishwa pasipo sisi," Mnaona? Mnaona? Sasa, ukombozi ulikuja tu wakati Mkombozi alipokufa. Nao walikuwa kwa uwezekano chini ya damu ya wana-kondoo, si Mkombozi; wao hawakuwa wamekombolewa bado, mpaka yule Mkombozi alipokuja.

80 Angalia sasa wakati huyu Mkombozi ... Yohana aliangalia kila mahali, naye huyu hapa Mungu ameketi kwenye Kiti cha Enzi, ameshika kile Kitabu katika mkono Wake, ambacho kilikuwa kimetiwa muhuri kwa Mihuri Saba, na mpango wote wa ukombozi ulikuwa ndani yake.

Nacho kilikuwa kimepoteza na jamii ya binadamu, Adamu. Na Mungu ... Kilirudi wapi? Shetani asingeweza kukichukua; yeye alimsababisha tu akipoteze. Lakini kile Kitabu kilienda wapi wakati huo? Hakikuwa mali ya jamii ya binadamu. Zile baraka hazikuwa za pale; hapa jamii ya binadamu ilikuwa imekipoteza. Kwa hiyo kilirudi moja kwa moja kwa Mwenyewe wa asili, huyo alikuwa ni Mungu.

Huyu hapa ameketi Nacho, ndipo akaita mtu fulani, mtu mmoja, aje akidai Hicho.

81 Yohana akaangalia kila mahali, wala hapakuwepo na mtu Mbinguni, wala mtu duniani, hamna mtu, hakuna Malaika, hakuna kitu kingaliweza kukichukua kile Kitabu wala kuzifungua zile Muhuri, wala hata kukitazama. Hakuna mtu aliyestahili. Yohana alisema alilia kwa uchungu.

Ndipo Malaika akamjia, kasema, "Usilie, Yohana, kwa maana Simba wa kabila la Yuda ameshida, Naye anastahili. "

Ndipo Yohana akaangalia apate kumwona mwana-kondoo...ama kuona simba, naye aliona kitu gani? Mwana-Kondoo, naye alikuwa Mwana-Kondoo aliyejaa Damu, Mwana-Kondoo aliyekuwa amechinjwa. Kwa

muda gani? Tangu kuwekwa misingi ya ulimwengu.

Yule Mwana-Kondoo akaja, akaenda moja kwa moja kwa yule aliyekuwa na kile Kitabu katika mkono Wake wa kuume, akakipokea kile Kitabu; akapanda kwenye Kiti cha Enzi akaketi. Hivyo ndivyo ilivyo. Ilikuwa imekwisha (lini?) wakati zile Muhuri zilipofunuliwa. Wakati yule wa mwisho, hayo yalikuwa ndiyo kila kitu alichokuwa amekomboa, hapakuwepo na kitu...

Yeye alikuja kukomboa.

Sema, "Kwa nini hakuwakomboa miaka arobaini iliyopita? Miaka elfu mbili iliyopita?"

82 Mnaona, majina yao yako kwenye Kitabu cha Uzima, katika Kitabu hicho. Naye ilimbidi kusimama hapa, kwa sababu lilikuwa kusudi la Mungu kuwakomboa. Majina yao yaliandikwa kwenye Kitabu cha Uzima cha Mwana-Kondoo kabla ya kuwekwa misingi ya ulimwengu. Mwana-Kondoo aliwekwa pale pamoja nayo, apate kuchinjwa. Huyu hapa Mwana-Kondoo anakuja, wakati alipochinjwa, alirudi kufanya upatanisho.

Mtazame! Kutakuwa na kuiga kwingi sana, wingi wa cho chote kile, bali kulikuwa hasa na mtu ambaye angeokolewa, kwa kuwa Yeye... Kanisa lilichaguliwa tangu awali kuwa lisilo na waa wala kunyanzi. Litakuwepo kule. Naye Mwana-Kondoo alikufa kwa kusudi hilo. Halafu tena wakati lile jina la mwisho katika kile Kitabu lilipokombolewa, Mwana-Kondoo alitokea akakichukua kile Kitabu, "Mimi Ndimi niliyefanya jambo hili!"

83 Wale Malaika, Makerubi, wale Wazee ishirini na wanne, wale Wenye Uhai, kila kitu, walijivua taji wenyewe, wakaanguka mbele ya Kiti cha Enzi, wakasema, "Umestahili!"

Yohana akasema, "Kila kitu Mbinguni na duniani kilinisikia mimi nikipiga makelele, 'Amina,' nikipaza sauti, 'Haleluya,' na sifa kwa Mungu. Makelele yakapigwa. Kwa nini? Majina yao yalikuwa kwenye Kitabu kile, kufunuliwa, naye Mwana-Kondoo alikuwa amefunua jambo hilo.

84 Mwana-Kondoo alikuwa amekikomboa, bali hangeweza kuja mpaka kila jina limefunuliwa, na jambo hilo lilikuwa likitendeka chini ya Muhuri ya Sita, kabla ile ya Saba haijavunjwa. Ndipo yule asiye na waa... Ndipo Mwana-Kondoo akaja kwa ajili ya kile alichokuwa amekomboa. Yeye alikuja kudai kile alichokuwa amekomboa. Tayari anacho, papa hapa katika kile Kitabu, akakichukua kutoka mkononi Mwake. Sasa Yeye anakuja kupokea kile alichokomboa. Hiyo ni kazi Yake. Amemaliza. Amekuja kukipokea. Loo, ni—ni wakati ulioje! Amehakikisha jambo hilo, Muhuri ya Saba imehakikisha jambo hilo. Akarudi akaja akachukua Kitabu cha Ukombozi!

85 Angalia, ilikuwa ni Ujumbe wa malaika wa saba ambao ulikuwa ufunue ule wa saba, ile Mihuri Saba. Ufunuo 10:7, sasa, mtaona jambo hilo. Mnaona?

"Naye akaona Malaika huyu akishuka, akaweka mguu Wake juu ya nchi na juu ya bahari," huyu alikuwa ni Kristo, "alikuwa na upinde wa mvua juu ya kichwa Chake." Mwangalie Yeye, utamwona katika Ufunuo 1, tena, "akiwa na upinde wa mvua juu ya kichwa Chake; alionekana mithili yake kama yaspi na yakiki," na kadhalika. Huyu hapa anakuja, akaweka mkono mmoja... "Mguu mmoja juu ya nchi, mmoja juu ya maji; akainua mkono Wake. Alikuwa na upinde wa mvua juu ya kichwa Chake," bado. Hilo ni agano. Yeye alikuwa Malaika wa Agano, ambaye alikuwa ni Kristo; aliyefanywa punde mdogo kuliko Malaika, apate kuteswa. Huyu pale anakuja, "Naye ameinua mikono Yake hata Mbinguni, akaapa kwa Yeye aliye hai milele na milele," Yule wa Milele, Baba, Mungu, "ya kwamba hapatakuwa na wakati baada ya haya," wakati jambo hili linapotukia. Umekwisha. Umetimia. Umemalizika.

86 Halafu Maandiko yanasema, "Na kwenye—kwenye Ujumbe wa malaika wa saba wa duniani," yule mjumbe wa duniani, wakati wa saba na wa Mwisho wa Kanisa, "katika mwanzo wa huduma yake," itakapoanza duniani, kwenye wakati huo, "siri ya Mungu, ya hizi Muhuri Saba, inapaswa kujulikana kwenye wakati huo." Sasa tunaona mahali tulipo. Je! ingeweza kuwa, enyi marafiki, ingeweza kuwa? Angalia, yote yawezekana.

87 Wote wale waliokuwa wamekombolewa kwenye kile Kitabu, Yeye alikuja kwa ajili ya ukombozi. Wote waliokuwa wakombolewe walikuwa kwenye kile Kitabu, waliochaguliwa tangu awali kabla ya kuwekwa misingi ya ulimwengu. Yeye alikuja kuwakomboa. Wote aliokuwa amewakomboa walikuwa wameandikwa mle.

88 Ninataka kuwaulizeni swali sasa. Nanyi watu mlio kwenye kanda, sikilizeni kwa makini. Hayo macho ya kuchukiza, kichwa hicho cha kuchukiza sana, hivi hiyo ingekuwa ndiyo sababu Ujumbe huu umekuwa ukiwapinga sana wanawake wa wakati huu wa kisasa? Je! Huu unaweza kuwa ni ule Ujumbe wa malaika wa mwisho? Yeye alisema nini kule chini mtoni, yapata miaka thelathini na mitatu iliyopita? "Kama vile Yohana alivyotumwa," mnaona, "kutangaza kuja kwa kwanza kwa Kristo, Ujumbe wako utatangaza Kuja kwa pili." Kila mahali ulimwenguni, na hivyo ndivyo umefanya, basi kule Kuja hakuna budi kuwe karibu. Angalia kile kinachotukia sasa.

Kwa nini? Nimekikuna kichwa changu. Nimegaagaa kwenye mto wangu. Nimetembea sakafuni. "Una nini?"

89 Siku chache zilizopita, niliwauliza watu wawili niliokuwa nimepanda nao kwenye gari. Nilimwuliza Jack Moore wakati mmoja. Nanyi nyote mnamjua Jack Moore. Ninaenda kwake Shreveport. Nikasema, "Ndugu Jack, umekuwa rafiki msiri wangu kama niliyepata kuwa naye duniani." Na kabla sijamwuliza, nilimwuliza mke wangu.

Kama mtu ye yote anajua lo lote juu yangu, ubaya wangu na—na kila kitu, ni mke wangu, mnaona, mtu mpendwa. Nami nikamwambia siku moja, nikasema, "Mpenzi, mimi kama mume wako, ni mhudumu wa Injili. Sitaki kuleta shutuma lo lote juu Yake yule ninayempenda. La. Sitaki kukuudhi. Nisingeleta shutuma yo yote kwako. Mungu anizuie nisifanye jambo lo lote ambalo lingekudhuru. Basi ni zaidi sana namna gani unafikiri lingemduru Mungu, jinsi ninavyompenda! Wewe ni mke wangu; Yeye ni Mwokozi na Mungu wangu. Ninataka kukuuliza swali. Usisitesite. Niambie ukweli." Nikasema, "Je! Nimesoma sana ..."

90 Nami nimeshangaa. Mimi, mi—mimi ni wa kujifanya, wa kuchekesha, wa kipekee. Ninajua jambo hilo. Kila mtu alisema, "Ni mtu wa namna gani!" Vema, mnaona, huwezi kujifanya mwenyewe. Wewe u kile ulicho, kwa neema ya Mungu.

Nami ni—ni—nikasema, "Hivi nimerukwa na akili kidogo tu, mwajua, na—na kwa namna fulani kuingia kichaa?" Nikasema, "Kwa nini ninawahukumu hao wanawake, daima, wakati ninawapenda?"

Wao hupiga simu, wanasema mimi nilikuwa "mchukia wanawake," mimi wala sichukii tu kamwe... Mimi "ninachukia tu wanawake." Mnaona? Hilo ni kosa. Ninawapenda wanawake, namaanisha, kama dada zangu.

Sitawapeti mgongoni, kwa kuwa mmekosea. Ninaweza kuwaambia jambo hilo. Ninawapenda mno kiasi kwamba siwezi kufanya jambo hilo. Mwanamume fulani ambaye angefanya hivyo, ni upendo wa namna nyingine. Mnaona? Ninakupenda wewe kwa sababu ninapenda ulicho wewe; wewe ni msaidizi wa mwana fulani wa Mungu, nawe u sehemu yake. Mnaona? Nami na—nakupenda kwa kuwa—kuwa ulifanywa katika mfano wa mwanamume, naye mwanamume alifanywa katika mfano wa Mungu, kwa hiyo basi, nyote pamoja, ninyi ni mmoja katika Kristo. Hiyo ndiyo sababu nawapenda. Jambo jingine lo lote, hamna kitu kwake. Mungu anajua jambo hilo, maishani mwangu mwote. Mnaona? Hiyo ni kweli. Ninawapenda. Kwa nini nisimame na daima ...

Wakati wao wanaposema, "Waambieni wanawake wote, wanaposema watakuja kumsikiliza Ndugu Branham akihumbi, wachanue nywele zao vinginevyo. Wavae kofia ama cho chote kile, maana yeye ataanza kuwakemea juu ya nywele fupi, na nini-hii yenu... Msijipodoe hata kidogo," na kadhalika namna hiyo. Hivyo ndivyo walivyofanya. "Yote aliyonena habari zake!"

91 Mtu fulani alisema, "Mbona usininii ..." Kasema, "Watu wanakuamini wewe kuwa nabii. Kwa nini usiwafundishe wanawake jinsi ya kupokea karama kuu za kiroho, na mambo kama hayo, badala ya kujaribu kuwafundisha upuuzi kama huo?"

Nikasema, "Kama hawatajifunza ABC zao, watajuaje aljebra?" Mnaona? Jiweke sawa, kwanza.

Na nilivyozi kuhumbi, ndivyo wanavyozidi kuwa wabaya. Ndipo unasema, "Kwa nini usiache?" La, bwana. Hapana budi kuwoko na sauti, shahidi dhidi yake.

Mmoja wa watu mashuhuri sana katika huduma leo, aliweka mikono yake juu yangu si muda mrefu uliopita, kasema, "Nitakuombea, Ndugu Branham, kama utaniruhusu kufanya jambo hilo, kwamba Mungu ataliondoa jambo hilo moyoni mwako." Kasema, "Waache hao wanawake, katika mambo hayo."

Nikasema, nikasema, "Je! Unaamini jambo hilo, bwana? Wewe ni mhubiri wa utakatifu."

Yeye alisema, "Hakika. Siliamini, lakini," kasema, "hiyo— hiyo ni juu ya..."

Nikasema, "La."

Akasema, "Hiyo ni juu ya wachungaji."

Nikasema, "Hawafanyi hivyo."

92 Mtu fulani hana budi kufanya hivyo. Ule mto hauna budi kuvukwa. Ngozi haina budi kuchunwa. Mimi sitaki kufanya jambo hilo. Mungu anajua sitaki kufanya hivyo. Wengi wa hao wanawake huwalisha watoto wangu, nao wangeyatoa maisha yao kwa ajili yangu mimi, karibu wangeyatoa. Mnafikiri, na neema ya Mungu imekwisha kumiminwa na Roho Mtakatifu, mnafikiri ningeweza kusimama kimya na kuona maskini mtu huyo akitumbukia kule ng'ambo katika Umilele bila tumaini, kama sitapaza sauti dhidi yake?

Siyo kuwa mjuvi; bali roho ya taifa hili, roho wa kanisa, si Roho wa Kristo, sasa; roho ya kanisa, madhehebu, imewatupilia wanawake hawa kwenye uchafu ule huko ng'ambo. Nami ni sauti tu, nikilia,

“Tokeni kwake. Ukimbieni huo uchafu.” Usimwache Shetani akufanyie jambo kama hilo. Ni kosa!

Na ninyi Waassemblies of God, mnawaacha hao wanawake, mnawaacha wakate nywele zao, lakini mnawakataza kujipodoa. Kweli hakuna Andiko dhidi ya kujipodoa, lakini lipo linalokukataza kukata nywele zako. Yeye hata hafai kuomba mbele za Mungu, Biblia inasema. Mumewe ana haki ya kumpa talaka na kumwacha. Sawa. Anajiwakilisha kwa ulimwengu kama mwanamke mchafu. Biblia ilisema hivyo. Yeye humvunjia mume wake heshima anapofanya jambo hilo. Hivyo ndivyo hasa Biblia ilivyosema. Mnaona?

Vema, lakini mwanamke anayejipodoa, tunaona mwanamke mmoja aliyefanya jambo hilo katika Biblia, mmoja tu. Ilikuwa ni Yezebeli. Huyo ndiye aliyejipodoa. Mtu pekee katika Biblia aliyepata kujipodoa, alikuwa Yezebeli, na Mungu mara moja akamlisha kwa—kwa mbwa mwitu. Amekuwa aibu, na hata yeye ... Kila kitu, kila kitu kilicho kiovu kinaitwa Yezebeli.

Si lazima ufanye jambo hilo. Si lazima ulifanye. Ni kitu gani kinachokufanya ufanye hivyo basi? Roho ya ibilisi.

93 Hutambui jambo hilo. Ninajua hutambui. Ninyi ni—ninyi ni watu wazuri sana. Ninyi ni wazuri. Mnanipa mkono, mnazungumza nami.

94 Nami nawapenda. Hiyo ni kweli. Lakini nikiona jambo hilo, hivi nisingekuwa mnafiki... Paulo alisema, “Mimi sijajiepusha katika kuwatangazia Shauri lote la Mungu.” Damu ya mwanamke ye yote isiwe juu yangu kwenye Siku hiyo, wala ya mwanamume ye yote. Nimewaambia Kweli. Nami nimechukia kufanya jambo hilo; si kuchukia kwa sababu sitaki kufanya yale Mungu aniambiayo nifanye, lakini ninawapenda. Sitaki kuwaudhi, kwa hiyo nitafanya nini? Bali Upendo safi wa Kiungu utakusukuma kufanya jambo hilo.

Yesu hata aliomba kuupea msalaba. “Inawezekana kwamba kikombe hiki kipite?” Kasema, “Hata hivyo, si mapenzi Yangu, Yako.”

95 Hivi itanilazimu kuwa jamaa yule anayesema jambo hili? Je! itanilazimu kuwachukua hao wanawake wa thamani ambao ni wazuri sana na kila kitu, na kuwararua vipande-vipande tu? Itanilazimu kufanya jambo hilo? Itanilazimu kuwachukua ndugu zangu wahudumu, na kusimama pale na kuwaambia ya kwamba wao wanapenda pesa na ma—madhehebu zaidi ya wanavyompenda Mungu? Mimi, kwa ndugu zangu wa thamani wanaoweka mkono wao... Loo, inanibidi kufanya hivyo? Ee Mungu, usiniache nifanye jambo hilo.

Bali mimi sijajiepusha na kuwatangazia ninyi Shauri lote. Ni Upendo halisi ulionisukuma kwenye jambo hilo.

96 Je! hiyo ndiyo sababu Ujumbe huu umekuwa namna hii? Hauko mahali pengine po pote ulimwenguni. Uko wapi? Vema. Wanaogopa. Mnaona? Bali imekuwa ni bila woga. Kweli kabisa. Mungu daima yuko hivyo, mnaona. Vema. Je! Hii ndiyo sababu wanawake wamekemewa sana na Ujumbe huu? Bila kujua, halikufunuliwa. Nilioneshwa hilo, bali halikuja kwangu mpaka tu hivi juzijuzi. Mnaona? Angalia kule. Vema. Hakika linafaa huduma hii.

97 Sasa ngoja kidogo. Kumewahi kuwa na wakati ambapo umekuwa ni ulimwengu wa wanawake huko nyuma? Naam. Kulingana na historia, katika siku za Eliya, kulikuweko na mwanamke jina lake Yezebeli. Basi alipata utawala juu ya kanisa la Mungu, jambo ambalo Biblia inasema atafanya tena katika siku za mwisho; roho yake, kupitia kwa kanisa, madhehebu. Naye atakuwa kahaba, na makanisa mengine yote pamoja naye watakuwa makahaba, kama tu yeye alivyo. Hiyo ni kweli? [Kusanyiko linasema, “Amina.” — Mh.]

Ufunuo 17, ilisema, “Yeye ni kahaba, naye ni MAMA WA MAKAHABA.” Hao hawawezi kuwa ni wanaume. Hao ni wanawake. Mnaona? Nao wote wakaturupwa, wakiwa hai, katika Ziwa la Moto, na kuteketezwa. Hiyo ni kweli? Haya basi.

98 Angalia, wakati huyo Yezebeli alipojitokeza, kulikuweko na mwanamume aliyeinuka dhidi yake. Mungu alimleta mtu. Hata hatujui alikotoka. Hakuwa na msingi wa huduma. Yeye kamwe hakuwa kasisi wala cho chote. Alitokea, mtu mkali wa mwituni jina lake Eliya, naye akaweka shoka kwenye shina la mti, nao walimchukia. Si hilo tu, bali kusanyiko lake lote lilimchukia.

Na wakati mmoja alifikiri alisimama peke yake. Akasema, “La, ninao elfu saba bado walio pamoja nawe.” Mnaona? Hilo lilikuwa lile kundi lililoteuliwa, mnaona. Daima kuna kundi hilo. Kasema, “Usiogope, Eliya. Ninajua unafikiri umefukuzwa, kwa maana madhehebu yalikufukuza mpaka kwenye kilele cha kile kilima. Lakini,” kasema, “nina elfu saba ambao wanaamini jambo lile lile unalohubiri. Mnaona, ninao.”

99 Halafu baada ya zamani zake, Rumi ikatawala, kisha ukafikia wakati ikawa ni ulimwengu wa mwanamke tena, mitindo yote ya—ya wanawake, jinsi walivyotoka wamevalia kofia zao na kadhalika, mnaona. Ndipo Mungu akamwinua mwingine akiwa na Roho yule yule juu yake, Roho wa Elisha. Hiyo ni kweli? Naye akasema, “Shoka limewekwa kwenye shina la mti.”

Basi kulikuwa na maskini mwanamke mchokozi mle ndani, aliyekuwa ameolewa na nini-hii yake... akamwacha mumewe, akaolewa na ndugu yake, Herode. Herodia, naye alikuwa mcheshi aliye—aliyejipodoa wa zamani hizo, akacheza dansi. Yeye alimfundisha msichana wake jinsi ya kucheza dansi. Alikuwa na binti, kwa baba yake wa kambo, ba—baba wa kambo; kwa baba, ndugu yake. Herodiya! Huyu alikuwa ni binti wa—wa—wa mwanamke huyo. Basi akamfundisha kucheza dansi, naye akawa mcheza dansi halisi wa kuvua nguo, kama mama yake. Naye alifikiri angeweza kuolewa mara nne ama tano, afanye lo lote alilotaka.

100 Basi huyu hapa Herode anatoka nje. Wote walikuwa ni Wayahudi, sasa kumbukeni. Walikuwa ni watu wa kanisa. Huyu hapa Herode anatoka nje, na kanisa lake, kumsikiliza nabii huyu, ambaye watu waliamini alikuwa ni nabii.

Akaenda moja kwa moja mbele ya uso wa hao wawili, akasema, "Si halali kwako kumchukua." Basi hivi hilo lilimfanya ashikwe na hasira kali! Mnaona?

Naam, mtu wa kawaida angalisema, "U hali gani, Herodia? Tunafurahi kweli kuwa pamoja nawe katika kusanyiko letu leo." Lakini si Yohana.

Yesu alisema, "Mlienda kumwona nani, mlipotoka kwenda kumwona Yohana? Mlienda kumwona mmoja aliyevaa kama kuhani?" "La, huyo anaweza, wa namna hiyo hubusu mtoto mchanga na kuzika wafu." Mnaona? Yeye alisema, "Mlikwenda kuona nini? Upepo, mwanzi unaotikiswa na upepo wo wote? Wanasema, 'Njoo huku, Yohana. Tutakulipa zaidi kama ukituhubiria. Na, sisi, sisi ndio shirika kubwa kuliko yote?'" Siyo Yohana. La, yeye hakwenda kuona jambo hilo.

Kasema, "Mlienda kuona nini, basi, wakati mlipoenda kumsikia na kumwona Yohana, nabii?" Yeye akasema, "Nami nasema, kwenu, zaidi ya nabii!... mnaweza kulipokea, huyu ndiye nabii alinena habari zake kwamba anakuja, 'Nitampeleka mjumbe Wangu mbele ya uso Wangu, naye ataitengeneza njia ya Bwana.'" Yeye alikuwa mjumbe wa Agano. Akasema, "Hapajakuwa na mtu, aliyezaliwa na mwanamke, aliye mkuu kama yeye alivyo." Mnaona?

101 Mtu wa namna hiyo ndiye Mungu aliinua kwa ajili ya siku hiyo, Eliya, mtu wa mwituni. Yohana, jambo lile lile. Mnaona? Roho wa Eliya alikuwa juu ya Yohana. Naye anasema, itakapofikia siku ya mwanamke tena, Roho huyo atainuka tena, "Kabla ya kuja kwa Bwana, wakati dunia itakapochomwa moto, nao wenye haki watatoka watembe juu ya—ya majivu ya wasio haki, kama majivu chini ya miguu yao." Yeye aliahidi jambo hilo, tena, katika siku hizi. Angalia, Roho Mtakatifu aliahidi jambo hilo. Linafaa kwa siku tunayoishi.

102 Hapana budi kuwe na mtu fulani atakayeinuka. Ambaye hana budi kuja, kwa maana ni BWANA ASEMA HIVI, Malaki sura ya 4. Hiyo ndiyo hasa Yeye aliyosema ingekuwa ishara, "Kabla tu haijaja ile Siku iliyo kuu na ya kuogofya ya Bwana, nitawapelekea Eliya." Naye atafanya nini? "Kuigeuza mioyo ya watoto ielekee Fundisho la baba zao, kurudi kwenye Biblia," kutoka kwenye tofauti hizi za madhehebu, "na kurudi kwenye Biblia, kumrudia Mungu." Hilo ndilo Yeye angefanya. Angalia ni wakati mkuu namna gani tunaishi.

103 Hao manabii waliwakemea hao wanawake wa kisasa wa siku zao, na wote wawili wakalipia jambo hilo kwa maisha yao. Historia inathibitisha ya kwamba kila moja ya nyakati hizo zilikuwa ni ulimwengu wa mwanamke, wakati wanawake walipotawala.

104 Angalia kuhusu siku hizi. Tutakuwa na Rais mmoja moja ya siku hizi, inaonekana kana kwamba ingeweza kutendeka sasa hivi. Kwa kweli, yeye ni Rais. Mnaona? Yeye ni kiongozi tu. Hapa si muda mrefu uliopita, katika moja ya mataifa yale mengine, mwanamke huyo alikuwa akisifiwa sana na kadhalika toka kwa watu wote, hata Rais, mwenyewe, akasema, "Mimi ni mumewe." Rais wa Marekani, mnaona. Yeye ndiye anayeongoza kwa mitindo, wanawake wakimfuata, kama tu alivyofanya Yezebeli. Mlisikia mahubiri yangu juu ya *Dini ya Yezebeli*. Mnajua. Mnajua habari zake. Mnaona mahali tulipo sasa?

Mnaona kile kilichotukia hapa, juma moja ama mawili yaliyopita, hapa mjini? Mhudumu wa Imani ya Kiluteri alimwalika kasisi wa Kikatoliki wa Moyo Mtakatifu kuja apate kuhubiri badala yake, naye akahubiri, halafu huyo mhudumu wa Imani ya Kiluteri akashuka akaenda kwa yule kasisi wa Kikatoliki akahubiri badala yake.

105 Baraza la Mkanisa kule sasa, linalokutana huko Rumi. Barua ya waraka ambayo rafiki yangu mzuri, David du Plessis; nilipoketi pale na kumlilia juu yake, Kwenye Fourteen-Mile Creek, si muda mrefu uliopita; bila kutambua alilitupilia kanisa moja kwa moja Babeli, wakati kila mtu anasema, "Loo, makanisa yote yatakuwa moja sasa." Naam, ninajua jambo hilo, mnaona, ni vile vile hasa ilivyoandikwa katika kitabu changu cha unabii katika mwaka wa 1933, kwamba jambo hilo lingetukia. Mbona, hivi hamtambui huyo ni Shetani akiunganisha pamoja? Biblia inasema hivyo. Na baada tu ya muda kidogo, baada tu ya muda kidogo, mara tu watakapokuwa mmoja, ndipo wasio wa kimadhehebu wamekwisha, mnaona. Hiyo ndiyo itakayokuwa alama yako ya mnyama, sawa. Mnaona?

106 Ni vile sina wakati wa kuendelea na jambo hili, lakini, karibu saa sita kasorobo. Mnaona, ninataka

kumalizia jambo hili, kupata pointi hili. Ninaweka tu Maandiko haya humu ndani ambapo mnaweza kuona uwezekano wa mahali tulipo, kisha tutafunga katika dakika chache tu.

107 Sasa angalia tu kile kilichotukia. Ma—manabii waliwakemea hao wanawake katika siku hizo nao waliitwa “wachukia wanawake.” Hiyo ni kweli. Historia inathibitisha ilikuwa hivyo.

Sasa ngoja kidogo. Mnaandika Maandiko, mnataka kuandika Timotheo wa Kwanza 5:6. Biblia ilisema, “Mwanamke anayeishi maisha ya a—anasa za dunia.” Haiwezi kuwa ni anasa za mapenzi ya Mungu; kwa hiyo haina budi kuwa hivyo, mnaona. “Mwanamke anayeishi maisha ya anasa za dunia huyo amekufa ingawa yu hai.” Hivyo ndivyo nabii alivyosema, Mtakatifu Paulo, “Mwanamke anayeishi katika hali hii ya kilimwengu amekufa ingawa yu hai.” Basi kama akiikataa rehema, anaweza kuvuka mstari wa kutenganisha ambapo hakuna nafasi kwa ajili yake tena. Na kisha yuko wapi, akiwa na macho yake yaliyopodolewa, nywele zake zilizokatwa? Naye amevuka mstari, bila ya njia ya kurudi, na hapana budi kuwe na huduma itakayomhubiria Lakini kumbuka, wakati huo, yote yamekwisha. Imekwisha. Ni kuzuriwa tu na pepo.

108 Kutakuwako na huduma itakayoonesha ishara za ajabu sana, Yoeli alisema hivyo, bali hakutakuwa na wakati wa ukombozi. Yote yamekwisha. Mwana-Kondoo tayari amekichukua Kitabu Chake, na kukomboa Kwake kumekwisha. Kama vile Yesu alivyohubiri kwanza kisha akakataliwa, kisha akawaendea wale waliokuwa mle, akawahubiri hao waliokuwa kifungoni, hawakuweza kutubu, hamna wakati wa wokovu, huduma iyo hiyo itapaswa kurudi tena. Vipi kama jambo hilo lingekuwa ndio ule Mvuto wa Tatu, kwa waliopotea Milele. Vipi kama umekwisha kuwepo? Natumaini sivyo ilivyo. Vipi kama ndivyo ilivyo? Wazia jambo hilo kwa dakika moja tu sasa. Vipi kama ndivyo ilivyo? Mungu apishe mbali. Nina watoto. Mnaona? Lakini hakika inaonekana upo karibu mno hapa.

Kwa nini ono hilo lije nilipokuwa mtoto? Kwa nini mimi sijapata kuliwazia hapo kabla? Kwa nini hiyo njozi ikaja mle chumbani hivi juzijuzi, kasema, “Hili hapa”? Iko moja kwa moja katikati ya nini-hii...zile—zile nafsi zilizopotea. Naye Yesu aliwahubiri, akawashuhudia, lakini wao—wao hawakutubu kamwe. Na kadiri ninavyohubiri zaidi, ndivyo wanavyozidi kuwa wabaya. Hakuna toba. Hakuna nafasi kwake.

109 Mwana-Kondoo alichukua Kitabu wakati ambapo, zile Muhuri Saba zilikuwa tu tayari kufunguliwa, ile Muhuri ya Sita. Kumbukeni, Yeye alituficha ile Muhuri ya Saba. Asingefanya jambo hilo. Wakati yule Malaika aliposimama, siku baada ya siku, akisimulia habari hiyo, lakini basi asingefanya hivyo kwa ajili ya hiyo moja. Kasema, “Kukawa kimya Mbinguni.” Hakuna mtu aliyejua. Ilikuwa ni Kuja kwa Bwana.

“Loo,” mnasema, “haiwezekani.” Natumaini sivyo.

Hebu tu twende mbele kidogo hapa. Nina kitu fulani kilichoandikwa, mnaona. Vema.

110 Kumbukeni, “Yeye anayeishi katika anaza za dunia,” kuhusu mambo ya ulimwengu, akitenda kama walimwengu. Angeweza kwenda kanisani na kutenda kama mtakatifu, hilo halina uhusiano wo wote na jambo hilo, mnaona, lakini, “huyo amekufa ingawa yu hai.”

Angalia yale ambayo madhehebu yamemfanyia. Yalimfanya mhudumu wa Neno Takatifu, ambalo ni kinyume cha Biblia. Walimfanya mhubiri. Hilo limekatazwa katika Maandiko. Hata yanamfanya sasa kuwa mtawala, meya, maliwali, kila kitu nchini, na mtumishi katika nyumba ya Mungu.

Wakati, yeye ana hatia ya kila dhambi ambayo ilipata kutendwa, yeye ndiye mwenye kuisababisha. Sawa. Sasa, mimi, mimi sizungumzii juu ya haki. Yeye ana hatia. Yeye ndiye alisababisha kila mtoto mchanga kuzaliwa kipofu. Yeye ndiye aliyesababisha kila kaburi kuchimbwa. Yeye ndiye aliyesababisha dhambi, magonjwa, huzuni. Gari la kubebea wagonjwa haliwezi kulia isipokuwa mwanamke alilisababisha. Hakuna uhalifu unaoweza kufanywa, hakuna dhambi, hakuna mauti, hakuna huzuni, hakuna mateso, bali ni mwanamke aliyetenda jambo hilo. Na Mungu anamkataza kwenda mimbarani kuhubiri, bali hata hivyo wanafanya hivyo. Madhehebu, mnaona yalipo?

111 Yeye ni mungu wa kike. Jinsi ibilisi anavyofanya kazi! Mbona, Wakatoliki wanawafanya, wanawake, miungu, wanaomba kwao; hiyo ni kweli, mungu wa kike Mariamu, na kadhalika. Ninaona ambapo katika Baraza la Ekumeni wao walisema ya kwamba ingetukia kwamba wao wangeomba zaidi kidogo kwa Yesu kama jambo hilo lingewasaidia Waprotestanti kuingia. Mnaona? Mnaona? Loo, hilo limefunikwa na sukari! “Halibadiliki,” wao walisema. Mnaona? Ingali ni ibilisi yule yule wa kale. Biblia ilisema, ya kwamba, “aliwafanya wote kupokea alama kwenye vipaji vya nyuso zao, ambao hawakuandikwa majina yao kwenye Kitabu cha Uzima cha Mwana-Kondoo.”

Ni Kanisa lililochaguliwa tangu awali ninalozungumzia, si hao kule nje. La, bwana. Kutoka kwenye kila kundi, Yeye aliwatoa aliowachagua tangu awali. Hiyo ndiyo sababu ya Yeye kuja, katika kila wakati.

112 Lakini huyo hapo amesimama. Huyo hapo. Ndiye huyo; kuhubiri Neno, kuhudumu Neno, kuwa mungu wa kike, na chanzo cha kila dhambi. Biblia ilisema, “Simruhusu mwanamke kumfundisha, wala kuchukua mamlaka yo yote, bali awe mtiifu kama inavyosema—inavyosema torati.” Mnaona? Naye hawezi kufanya

hivyo. Lakini wanamfanya mtawala wa nchi, meya, gavana; hivi karibuni yeye atakuwa Rais. Hakika. Haya basi. Hivyo ndivyo ilivyo, hivyo ndivyo inavyoendelea, mnaona. Na watu hufanya hivyo kwa sababu hawajali Neno hili. Kamwe hawataliona.

Waangalie hao Wayahudi waliosimama pale, wasomi, watu wazuri. Naye Yesu akasema, "Ninyi ni wa baba yenu, Ibilisi."

113 Vipi kama nilimleta mahakamani sasa hivi mbele yenu? Hebu tujaribu tu jambo hilo kwa dakika moja, na Mungu anisamehe kwa kuchukua msimamo dhidi Yake; lakini kwa dakika moja tu, kuwaonyesha jambo fulani.

Vipi kama ukisema, "Vema, Mimi, Mungu atukuzwe, nilinena kwa lugha! Haleluya! Ninajua. Mimi, naam, ni—nimelipata. Mungu abarikiwe. Naam!" A-ha, ulifanya hivyo?

Wakumbukeni hao watu wa Israeli. Biblia ilisema, baada ya kuwaita watu watoke, na kuwaokoa kutoka Misri, Yeye aliwaangamiza kwa sababu hawakuufuata Ujumbe. Mnaona? Wanakula mana kutoka Mbinguni. Wao walikula mana ambayo Mungu alishusha duniani wapate kula, nao wakasimama mbele ya mjumbe, na kuona ile Nguzo ya Moto, na kuisikia Sauti ya Mungu, na kuiona ikithibitishwa. Halafu basi, kwa sababu wao walitaka kumwamini Kora, "Kunaweza kuwapo na watu wengi watakatifu. Kunaweza kuwa na *hiki, kile*, ama *kinginecho*. Hatuna budi kuwa watakatifu, pia. Hatuna budi kufanya *haya* yote. Watu wote ni watakatifu."

Mungu alisema, "Jitenge nao. Ondokeni hapo."

Musa akasema, "Wote walio upande wa Bwana, nifuateni." Hiyo ni kweli. Mnaona? Naye akaifungua tu nchi akawameza. Mnaona?

114 Walikuwa watu wazuri, pia. Hakika, walikuwa. Walikuwa watu wazuri. Naam, bwana, lakini hilo halikufanya hivyo. "Si wote wasemao, 'Bwana, Bwana,' bali ni yeye afanyaye mapenzi ya Baba Yangu." "Si yeye anayeanza; ni yeye atakayemaliza." Kwamba, hakuna njia za mkato; umekataliwa mwishoni mwa mbio. Hakuna njia za mkato. Huna budi kuja jinsi Maandiko yalivyosema.

Kama yakisema, "Tubuni mkabatizwe katika Jina Lake Yesu Kristo, nanyi mtapokea kipawa cha Roho Mtakatifu," hakuna njia ya mkato, kupeana mikono, kujiunga na kanisa ama dhehebu. Unakuja kwa Njia hiyo! Isipokuwa ufe kwa nafsi yako, na kuzaliwa na Roho wa Mungu, u—u—umepotea. Hivyo tu. Hakuna njia za mkato.

Unasema, "Vema, mimi ni mfuasi wa kanisa." Ninajua. Hilo ni jambo zuri. "Vema, mama yangu ..." Sishuku jambo hilo, bali huyu ni wewe ninayezungumza naye. Mnaona? Huna budi kupitia Njia hiyo, kwa sababu hakuna njia za mkato; wewe umekataliwa ifikapo kwenye ile Hukumu. Unakuja kwa Njia moja.

Kuna Njia moja tu, na Kristo ndiye Njia hiyo. Na Kristo ndiye Neno linaloishi ndani yako, linalothibitisha kila kitu alichohidi katika majira yake. Mnaona? Je! Mlipata hilo? [Kusanyiko linasema, "Amina." — Mh.] Vema. Angalia sasa.

115 Wengine husema, "Watu hawa ni wazuri." Hakika. Sisemi wao si watu wazuri. Sisemi Mtakatifu Cecilia na hao wengine hawakuwa wanawake wazuri; vivyo hivyo mama yangu pia, lakini hakika mimi simwombi yeye. Bila shaka sivyo. Hakika, nimeona watu wengi wazuri, bali wao si miungu wa kike. Wao ni wanawake, wanaume. "Kuna Mpatanishi mmoja tu kati ya Mungu na mwanadamu."

Basi kwa nini, kwa nini mtu, Mpentekoste, mtu wa ulimwengu...ile barua ya kupashana habari ambayo Ndugu duPlessis, ndugu yetu mpendwa, amesambaza. Labda baadhi yenu mmelipata. Aliketi... Naam, mnayo. Katika Baraza la Ekumeni, karibu na papa, naye akasema, "Lilikuwa ni jambo la kiroho sana." Huo ni upambanuzi wa roho, sivyo? "Loo, Roho wa Bwana alikuwa pale, la kiroho sana." Naam. Haya basi.

116 Kwa nini? Kwa sababu ni nafasi ya kuwaunganisha Waprotestanti pamoja nalo, jambo ambalo tumepiga vita kwa miaka kadha wa kadha, nayo Biblia imelitetea na kutwambia kwamba jambo hilo lingekuja. Ndipo nini hii yetu...mmoja wa viongozi wetu walio wakuu sana anaingia moja kwa moja, kasema, "Hiyo ni kweli. Hivyo ndivyo tunafanya," na kanisa lote la Kiprotestanti linadanganywa na jambo hilo.

Na barabara kabisa, kama ukitazama pale juu, BWANA ASEMA HIVI. Kwanza, Neno lilisema jambo hilo. Kisha Roho wa Bwana akasema, katika mwaka wa 1933, ambaye alisema mambo haya mengine yote kuhusu mataifa yakiingia vitani, na jinsi ambavyo mitambo ingekuwa, na kadhalika namna hiyo, kasema hivyo ndivyo hasa ingetukia mwishoni. Na ndilo hili hapa. Halijashindwa kamwe. Basi hapa tunalionga likijiandaa.

117 Mnakumbuka mahubiri yangu juu ya *Dini ya Yezabeli* si muda mrefu uliopita? Mnakumbuka Elisha akishuka kuja barabarani asubuhi hiyo, kuwaambia? Kwamba, nilihubiri juu ya jambo hilo. Mnaona? Na jinsi nilivyobashiri wakati huo ya kwamba wakati ungekuja ambapo hii Halmashauri ya Ekumeni hatimaye

ingefanyika alama ya mnyama, kwa maana ingeungana na yule mnyama. Inafanya jambo hilo. Katika wakati wangu, nimeishi kuona jambo hilo. Na hapa Waprotestanti, kwa mamilioni, wanadanganywa na jambo hilo. Kwa nini? Hilo ndilo wanalotafuta.

Wao ni vipofu! Yesu aliwaambia hao Mafarisayo, "Enyi viongozi vipofu wa vipofu. Kama kipofu akimwongoza kipofu," Yeye alisema, "si wote wataanguka shimoni?" Na hapo ndipo wanapoanguka. Ningewezaje kuamini ya kwamba mtu aliyesimama pamoja nami na kuzungumza nami, angeweza kuketi na kutoa tamshi kama hilo! Mnaona, "Limefichwa, macho, kutoka kwa wenye hekima na wenye akili, na kufunuliwa watoto wachanga wanaoweza kujifunza."

118 Ninajua siku moja hilo litanigharimu maisha yangu. Hiyo ni kweli. Litanigharimu, lakini hapa Ukweli unajulikana. A-ha.

Wa kwanza kufa kwa ajili ya mpango huu wa Roho Mtakatifu,
 Alikuwa Yohana Mbatizaji, bali yeye hakutoroka; alikufa kiume;
 Ndipo Bwana Yesu akaja, wakamsulibisha,
 Yeye alihubiri kwamba Roho angemwoko mwanadamu kutoka dhambini. (Hiyo ni kweli?)
 Kisha wakampiga Stefano kwa mawe, alihubiri dhidi ya dhambi,
 Aliwakasirisha sana, wakakipondaponda kichwa chake;
 Lakini alikufa katika Roho, akatoa roho,
 Ndipo akaenda kuungana na wengine, lile jeshi litoalo uhai.
 Kuna Petro na Paulo, na Yohana mtawa,
 Waliyatoa maisha yao kusudi Injili ipate kung'aa;
 (Walifanya nini?) Waliichanganya damu yao, pamoja na manabii wa kale,
 Ili Neno la kweli la Mungu lipate kusimuliwa kwa uaminifu.
 Nafsi zilizo chini ya madhabahu, zilikuwa zikilia, "Hata lini?"
 Bwana awaadhibu wote waliofanya makosa;
 Lakini kutakuweco na wengi watakaotoa damu ya maisha yao (naam, hiyo ni kweli)
 Kwa ajili ya Injili hii ya Roho Mtakatifu na mafuriko yake mekundu.

Inaendelea kudondoka damu! Naam, itafanya jambo hilo siku moja, bali ninangojea saa hiyo wakati itakapomalizika.

119 Dada fulani aliota tu ndoto. Akaituma kwangu, kasema, "Niliwaona, kanisa hilo likijiandaa jinsi litakavyoua" mimi, kisiri, siku moja wakati nitakapokuwa nikitoka kwenye motokaa yangu, nikiingia, nipigwe risasi kutoka... Lakini kasema, "Ndipo Roho akasema, 'Si kwenye wakati huu, lakini litatukia baadaye.'" A-ha.

Mungu anizuie nisipatane juu ya cho chote. Sijui kitu ila Yesu Kristo naye amesulubiwa. Tunaishi katika siku ya kutisha. Dhambi ndiyo iliyofanya jambo hili. Naam. Wao—wao walimpiga Stefano kwa mawe. Walikikata kichwa cha Yohana, mwanamke alimkata. Sijui jinsi tutakavyoyatoa yetu, bali yatatatolewa, siku moja. Vema, angalia.

120 Katika Yohana Mtakatifu, kama ulitaka Andiko hilo juu ya jambo hilo. Yohana Mtakatifu 6:49, ndipo walipokula mana, naye Yesu alisema, "Nao, kila mmoja wao, amekufa."

Unasema, "Vema, da—dada yangu, nilimwona mwanamke huyu akicheza katika Roho." Loo, naam. A-ha. "Ninawaona wakifanya hivyo. Nimemwona akinena kwa lugha. Nimemwona ..." Naam.

Yesu alisema, "Wengi watakuja Kwangu katika siku ile, na kusema, 'Nimefanya mambo haya yote.'" Mnaona? "Walikula mana jangwani," Yesu alisema, "nao, kila mmoja, ametengwa Milele. Wamekufa." Hiyo ni kufa Milele. Waliangamia papo hapo jangwani.

121 Mnakumbuka Waebrania sura ya 6, "Hao waliopata ujuzi wa ile Kweli, kisha wakakataa kutembea katika Hiyo, hakuna tena toba kwa ajili yao." Mnaona, mwamini wa mpaka—... mtu ameonyeshwa ile Kweli kwa wakati wa mwisho, nao wanakataa kuipokea; wkulingana na Kitabu cha Waebrania, mnaona, wao watanini hii...hakuna hata kitu cho chote ulimwenguni kinachoweza kuwoko.

Wao wamekwisha. Hamna toba, hamna ukombozi, hamna kilichosalia kwa ajili yao. Wametengwa Milele. Biblia ilisema jambo hilo, "Wakiutazamia ukali wa moto na hasira itakayowaangamiza hao wapingao." Basi wakati Kweli ya Injili imehakikishwa, imethibitishwa kwelikweli, kisha wanageuka na kuondoka Kwake, wao wamekwisha. Hivyo tu. Ni jambo baya sana, bali sina budi kulisimulia.

Kumbukeni wale Malaika ambao hawakukaa mahali pao, bali waliachwa pale katika nyumba hiyo ya jela katika giza, ambamo ulimwengu unatembea leo katika kifungo hicho hicho, hapana toba.

122 Kumbukeni miaka michache iliyopita, nilisema, niliposhuka kutoka Chicago, "Aidha Marekani itaupokea mwaka huu, au haitaupokea kamwe." Mnaona mahali limekwenda? Naam.

Sasa nashangaa kama ule Mvuto wa Tatu ungeweza kuwa? Ee Mungu, jalia iwe mbali na jambo hilo! Je! Huo ndio ule Mvuto wa Tatu? Ingewezekana kuwa ni huo? Loo, jamani! Wazia jambo hilo, enyi marafiki. Wazia jambo hilo; Sipendi kufanya hivyo.

Yesu alisema, "Unafiki wa namna hii ..." Ukitaka kuandika hayo, Mathayo 23,-saba. Ni—nimeliandika hapa, "soma hilo," lakini mnaweza kuona. "Enyi Mafarisayo vipofu!" Hebu ...

123 Mna dakika zingine chache? [Kusanyiko linasema, "Amina." — Mh.] Hebu tuone. Hebu tufungue tu hapo, maana nilisema "soma hilo." Kuna jambo fulani hapo ninataka kusoma kabla tu... Sasa labda nitakata jambo lingine, lakini hebu—hebu tupate hili kwa dakika moja tu. Mathayo 23, kwa dakika moja tu, vema, nasi tutaanzia kwenye kifungu cha 27. Sikilizeni tu sasa. Soma jambo hilo lote unapoenda nyumbani, tafadhali. Dakika chache tu zaidi.

Sasa angalia hapa. Mathayo 23, na kuanzia kwenye kifungu cha 27, "Ole wenu, waandishi!" Sasa, kumbukeni, hawa ni watu watakatifu anaozungumza nao.

Ole wenu, waandishi na Mafarisayo, wanafiki! kwa kuwa mmefanana na makaburi yaliyopakwa chokaa, (hiyo ni watu waliokufa, mnaona), makaburi yaliyopakwa chokaa, nayo kwa nje yaonekana kuwa mazuri, bali ndani yamejaa mifupa ya mtu aliyekufa, na uchafu wote.

Unafiki na wivu na ugomvi, ndani yao; nje, "Mimi ni Daktari Fulani."

Vivyo hivyo ninyi nanyi, kwa nje mwaonekana kwa watu kuwa wenye haki, (angalia lile Baraza la Ekumeni na hao Wapentekoste wameketi pale), bali ndani mmejaa unafiki na maasi.

Uovu ni nini? Jambo unalojua kwa kweli ni kweli wala hutalifanya. Yesu, sasa angalieni kile Yeye...ni kizazi gani anamoliweka jambo hili sasa.

Ole wenu, waandishi na Mafarisayo, wanafiki! kwa kuwa mnayajenga makaburi ya manabii, na kuyapamba maziara ya wenye haki, mnaona, "Loo, hao manabii!"

Na kusema, Kama sisi tungalikuwako zamani za baba zetu, hatungalishirikiana nao katika damu ya manabii.

"Tungaliliamini Neno la Bwana kama tungaliishi kule nyuma." Hebu angalieni. Angalia.

Hivi mnashuhudia wenyewe, ya kwamba ninyi ni wana wao walioua manabii.

Kijazeni basi kipimo cha baba zenu.

Hilo tu ndilo linalotukia. Sasa angalia yale anayosema hapa.

Enyi nyoka, na wana wa majoka, mtaikimbiaje hukumu ya jehaum?

124 Unawezaje kufanya jambo hilo? Sasa Yeye anazungumza na wahudumu, mnaona, hiyo ni kweli, watu watakatifu. Unawezaje kusimama na kujua Biblia inabashiri na kuwaambia watu wasifanye jambo hilo, nawe unaweza kusimama na kupatana kwa ajili ya dolla chache chafu na zinazonuka, kwa ajili ya kupendwa na watu fulani, na mtu fulani kukupigapiga mabegani na kukuita "Daktari"? Unawezaje kusema unawapenda watu hao?

Ninahubiri kwenye kanda, pia. Mnaona?

Unawezaje, unawezaje kusema unawapenda watu hao, na kuacha jambo kama hilo litendeke? Mnaona? Enyi—enyi Mafarisayo, enyi vipofu, enyi nyoka, enyi kizazi cha majoka, mtaikimbiaje hukumu ya jehaum? Wakati ninyi... Mtu anawezaje leo, anayejua ya kwamba mambo haya ni makosa, na kusimama pale kushikilia kusanyiko lake, kuyaendeleza madhehebu yake, kisha ashindwe kuwaambia wanawake na wanaume? Mtaepukaje ile hasira ya jehaum, na huku ilifanywa kwa ajili yenu? Utafanyaje jambo hilo? Mnaona?

Sikilizeni, sikilizeni hapa. Itakuwaje? "Kwa hiyo ..." Aya ya 34.

...angalieni, Mimi nitatuma kwenu manabii...

"Mimi nitatuma," siku za usoni. Hao hapo Mafarisayo wako wakirudi tena. Mnaona?

...wenye hekima na waandishi; na wengine wao ninyi mtawaua na kuwasulibisha, na wengine wao mtawapiga katika masinagogi yenu, na kuwasaka katika kila mji;

125 Yeye alitabiri angewatumia manabii, pamoja na Neno la Bwana. Nao wangepanya nini? Jambo lile lile baba zao walilofanya, maana ndivyo mliyvyo. Mnaona, roho hazifi. Watu waliopagawa nao hufa, bali roho

hawafi. Yeye alisema, "Ninyi ni watoto. Ninyi ndio." Na hebu angalieni tu jinsi mambo haya yalivyo.

126 Jinsi ambavyo Mtakatifu Paulo alisimama pale (mnaamini yeye alikuwa ni nabii?) na kuwahukumu hao wanawake, kukata nywele zao; akayahukumu madhehebu yao; akatangaza ya kwamba kila mtu ambaye hakubatzwa katika Jina Lake Yesu Kristo hana budi kuja na kubatzwa tena. Hiyo ni kweli.

Na siku hizi wao wanapatana na kulitia sukari kila mahali. Hawajui tofauti, hata hivyo. Ni jambo la huzuni. Kama ile saa imekwisha, huenda nikasema jambo hili, mnaona: wao walikuwa vipofu, walichaguliwa tangu awali kuwa vipofu. Mungu na aturehemu. Wasingeweza kuliona.

Yesu alisema, "Ninyi ni vipofu. Enyi waandishi na Mafarisayo vipofu, enyi wanafiki! Wakati mnaposoma Neno lile lile ambalo hao wote wamesoma, na hapa mnakuja na kunihukumu Mimi. Nami ni vile vile kabisa Neno lilivyosema kwamba ingekuwa katika zamani hizi. Nilikuwa niwe Mjumbe wa siku hii. Mimi ni Masihi," Yeye alisema, kwa maneno mengi sana. "Mimi ni Masihi. Je! Nimeshindwa kuthibitisha jambo hilo? Kama sijafanya yale yaliyoandikwa juu Yangu, basi nihukumu Mimi. Na ninyi Mafarisayo vipofu mnawaongoza watu wenu moja kwa moja kwenye kitu kama hicho, na kuwatumia kundi zima." Kasema, "Vema, kipofu humwongoza kipofu." Kasema, "Ninyi mtaninii ..."

127 Mlisema, "Loo, kama tungaliishi kule nyuma katika siku za Mtakatifu Paulo, naam, ningalisimama pamoja na Mtakatifu Paulo."

Enyi wanafiki! Mnaona? Kwa nini usichukue upande wa Mafundisho yake? Mngelifanya jambo lile lile wakati huo basi ambalo mmefanya sasa, kwa maana ninyi ni watoto wa baba zenu, baba zenu wa kimadhehebu: Mafarisayo, Masadukayo, na wenye kujiona wana haki. Hivyo—hivyo ndivyo ilivyo. A-ha. Nitawaambia, na—na kwa majira tunayoishi, sijui kama hii ingeweza kuwa ndiyo ule Mvuto wa Tatu? Hebu kidogo sasa, mnaona, Yesu alisema, "Watu wa namna hii wanapata hukumu iliyo kubwa zaidi." Mnaona? Si ni jambo baya sana?

128 Kama Mmarekani mkuu, wakati mmoja, wakati adui alikuwa karibu kuiteka nchi hii, kuna mtu katika usiku wa manane, aliyeruka juu ya farasi akaenda shoti barabarani, akilia kwa sauti kuu, "Adui yuaja!" Ilikuwa ni Paul Revere.

Mimi ni Mmarekani, pia. Mimi ni Mmarekani, pia. Nami nimepanda farasi, usiku huu wa manane, si nikisema adui yuaja, lakini yuko hapa! Yeye haji; tayari yupo hapa! Yeye ameshinda tayari. Ninasikitika imekwisha; akishinda, usiku huu wa manane.

129 Kumbukeni, kule Tucson, wale Malaika saba, kile Ujumbe ulichokuwa, "Kumalizia kwa ile siri ya Mungu." Mara baada ya jambo hilo, akishuka kilimani...

Nyote mlisikia kuhusu milima. Angalia. Ndugu Fred ana picha zake, na Ndugu Tom. Nami nina baadhi ya hizo picha, sinema fulani, kila kitu. Tutazionyesha hapa siku moja, na kuwaonyesha ni mahali gani lilipokuwa. Nyote mnajua hadithi hiyo.

Angalia, vilele vitatu. Akasema, "Huo hapo ule wako wa Kwanza, wa Pili, na wa Tatu."

130 Na Ndugu Fred ana picha nzuri sana, wakati yeye na Dada Martha walipopita. Mawingu yalikuwa yametoka kwenye ukungu wa nchi, na yalikuwa yameficha hiyo mingine, na ilionyesha tu ile Mivuto Mitatu; mmoja *hapa*, mmoja *hapa*, na mmoja *pale*. Mnaona? Zile saba!

131 Angalieni, ule wa Kwanza, mitatu. Tatu ni ukamilifu. Hapo ndipo hii huduma ilipoanza.

Ule Mvuto wa Pili ulikuwa upambanuzi wa roho, ule unabii. (Kwanza ilikuwa ni kuwaponya wagonjwa.) Wa Pili ulikuwa ni unabii uliotoka, nao ulijua siri za mawazo, wakati Neno Lenyewe lilipodhihirishwa. Ambalo, hiyo ni neema.

Lakini, kumbukeni, ya saba ni kule kumalizia. Hivi huu ungeweza kuwa ndio ule Mvuto wa kumalizia, yote imekwisha? Inawezekana? Wazia jambo hilo sasa. Wazia tu. Uko wapi? Mnaona? Saba daima ni kumalizia. Mivuto Mitatu!

132 Huduma ya Yesu ilikuwa na Mivuto Mitatu. Je! Ulijua jambo hilo? Angalia! Na uwe mwaminifu, kama uliwahi kuwa maishani mwako, sasa kwa dakika moja, dakika chache.

Mvuto Wake wa Kwanza ulikuwa ni kuwaponya wagonjwa. Akawa mtu maarufu sana. Kila mtu alimwamini, ilionekana namna hiyo. Hiyo ni kweli? Alipotoka akaenda akiwaponya wagonjwa, kila mtu alimtaka Yeye aje kanisani mwao.

Lakini siku moja Yeye aligeuka akaanza kutabiri, kwa maana Yeye alikuwa ni Neno, Naye alikuwa Ndiye yule Nabii ambaye Musa alinena habari Zake. Basi alipoanza kuwaambia, na kuwaambia jinsi walivyokuwa wanaishi, na mambo waliyokuwa wanafanya, alichukiwa sana. Huo ulikuwa ni Mvuto Wake wa Pili.

Sijui kama imerudia huo mfano tena? Wazia tu kwa dakika moja. Ingewezekana? Ule wa Kwanza, kuponya, kila mtu. Wa Pili: "Loo, huenda ikawa ni Yesu Pekee. Huenda ikawa ni Beelzebuli, huenda ikawa ni nini hii..." Hilo ndilo jambo lile lile walilofanya pale. Mnaona? Roho zile zile zikiishi katika watu wa aina ile ile, hao waliohukumiwa wasioweza kuokolewa kamwe, kwa maana wao walihukumiwa hapo awali; wao, kama Yuda Iskariote, aliyezaliwa mwana wa upotevu.

Mnasema, "Yuda?" Hakika.

133 Kumbukeni, yeye alikuwa mtu wa dini sana, bali hangeweza kwenda umbali wote na Ujumbe. Aliweza kuukubali kwa sehemu, bali uliosalia asingeweza kuuvumilia. Wao wanaweza kuchukua kuponya na mambo kama hayo, lakini inapofikia Mungu kuwanena kindi waweko, basi hilo lina kilindi sana kwao. "Haiwezekani!" Huyo alikuwa ni Yuda. Roho yake inaweza kuishi moja kwa moja kufikia kwenye sehemu hiyo. Hawezi kuendelea baada ya jambo hilo. Mnaona?

Wangeweza kumchukua Musa vizuri wakati alipofungua Bahari ya Shamu, na kadhalika namna hiyo. Bali ilipofikia kuwaambia, hawakuwa, hao wengine wote hawakuwa wafanye jambo *hili* wala *lile*, wala *jingine*: "Yeye anajifanya Mungu, juu yetu." Mnaona, wasingeweza kufanya jambo hilo, Kora na hao wengine. Kwa hiyo, iliwabidi kuwa na madhehebu, kwa hiyo Mungu akawameza tu.

134 Huduma ya Yesu, wakati alipokuwa anawaponya wagonjwa, "Yeye alikuwa mtu mzuri sana, Nabii huyo kijana wa Galilaya! Mbona, Yeye huwafanya vipofu waone. Yeye hata amefufua wafu. Tuna visa vitatu vya jambo hilo. Kwa kweli aliwafufua wafu."

Lakini siku moja aligeuka, akasema, "Enyi wazao wa nyoka. Mnasafisha nje ya chano. Mnaonekana kuwa ni watakatifu, bali ndani yenu, ninyi si kitu ila kundi la majoka." Loo, wakati unabii huo ulipotolewa, ukiyahukumu madhehebu hayo, basi mambo yalibadilika. Wao walimgeuka. Hiyo ni kweli. Na hatimaye, kwa kumkataa, walimsulibisha.

135 Lakini huwezi kuiua Huduma. Inaendelea kuishi. Unaweza kumfanya mjumbe alale mauti, bali huwezi kuufanya Ujumbe ulale mauti. A-ha. Sawa. Yeye aliendelea kuishi. Na angalia wakati ule Mvuto wa Tatu wa huduma Yake ulipokuja. Wa kwanza ulikuwa ni kuwaponya wagonjwa.

Wa Pili ulikuwa ni kuyakaripia madhehebu, na kutabiri; yale waliyokuwa wamefanya, kile walichokuwa, na yale yaliyokuwa yanakuja. Kilichopo, kilichopo, kitakachokuja; na kile kilichokuweco, kile kilichopo, na kitakachokuja. Hivyo ndivyo alivyofanya. Hiyo ni kweli? [Kusanyiko linasema, "Amina." — Mh.]

Lakini Mvuto Wake wa Tatu ulikuwa ni wakati alipowahubiria waliopotea ambao hawangeweza kuokolewa tena. Walikuwa kule chini ambako hayo macho makubwa na yaliyopodolewa yalikuwa, "Uui, Uui!" Akawahubiri nafsi zilizokuwa jehanum, ambazo hazikukubali rehema, lakini zilikuwa zimetenganishwa milele na Uwepo wa Mungu. Lakini hata hivyo hizo ilizibidi kutambua jambo hilo, alichokuwa Yeye, kwa maana Mungu alimfanya Yeye pale.

Sijui kama huduma yake inapanda namna ile ile katika siku za mwisho, kama ilivyokuwa? "Kama vile Baba alivyonituma Mimi, mimi nami nawapeleka. Kazi nizifanyazo Mimi ninyi nanyi mtazifanya."

136 Waliopotea, wasingeweza kuokolewa kamwe. Walikuwa wameikataa rehema. Huo ulikuwa ni Mvuto Wake wa Tatu.

Sasa kuna swali lo lote? Mvuto Wake wa Kwanza, Yeye aliwaponya wagonjwa. Hiyo ni kweli? [Kusanyiko linasema, "Amina." — Mh.] Huduma Yake ya Pili, Yeye alikuwa akitabiri. Huduma Yake ya Tatu ilikuwa ni kuwahubiri waliopotea Milele. Ile Milima mitatu, na kadhalika; waliopotea, Milele!

137 Huduma ya Nuhu, huduma zote, zilifanya jambo lile lile. Nuhu alihubiri. Hiyo ni kweli kabisa. Yeye aliingia ndani ya safina. Na wakati alipoingia safinani, kulikuwa na siku saba ambapo hakuna kitu kilichotukia. Ushuhuda Wake uliwahubiria waliohukumiwa.

Sodoma na Gomora! Yesu alivitaja vyote viwili kama kuja. "Kabla ya kuja kwake Mwana wa Adamu, ndivyo itakavyokuwa kama ilivyokuwa katika siku za Nuhu, ndivyo itakavyokuwa kama ilivyokuwa katika siku za Sodoma." Yeye alimtaja Nuhu.

Nuhu alikuwa na Mvuto Mitatu, na ule wake wa Tatu ulikuwa kwa waliopotea baada ya mlango kufungwa. Kwa kuwa, Mungu aliiacha ikae pale, ambapo hakuna mtu angaliweza kuingia wala kutoka. Walikuwa ndani. Kwa kuwa, (kama ilivyo kwenye ule mlima wa saba) mlima ulio mrefu kuliko yote, hapo ndipo Yeye aliiweka ile safina, mlima. Mnaona? Hiyo ni kweli?

138 Katika siku za Sodoma, Mvuto wa Kwanza ulikuwa ni Lutu mwenye haki. Nayo Biblia ilisema, "Dhambi za Sodoma zilizihuzunisha sana nafsi yake yenye haki kila siku," jinsi hao wanawake walivyotenda na kufanya.

Mnakumbuka, "Kama ilivyokuwa katika siku za Nuhu." Walikuwa wakifanya nini? "Wakila, wakinywa,

wakioa, wakiolewa.” Wanawake, mnaona, wanawake. Ilikuwa katika siku za—za Sodoma? Wanawake.

Na ujumbe wa Kwanza ulikuwa ni Lutu. Walimcheka kwa dharau.

Ndipo wakawatuma wajumbe wengine, wawili wao, nao wakashuka wakaenda. Huo ulikuwa Mvuto Wake wa Pili kwa ajili ya Lutu...kwa ajili ya Sodoma.

Lakini mwangalie yule Mmoja aliyeenda mwisho, kuna rehema zaidi na zaidi. Ilikuwa imekwisha wakati huo, imekwisha wakati huo. Huyu Mjumbe wa tatu aliyeshuka akaenda kule chini, ule Mvuto wa Tatu, Yeye alikuwa ni nini? Alikuwa na huduma ya aina gani? Yeye aliketi pamoja na wateule, ndipo akawaambia kilichokuwa kinatukia nyuma Yake. Hiyo ni kweli? Lakini alipoingia Babiloni, ama Sodoma, Yeye alitaka kupata...

Hata Ibrahimu, akilia, “Kama ningalipata wenye haki hamsini?” Mpaka akafikia “wenye haki kumi.”

Mungu akasema, “Haya, tafuta kumi wenye haki.”

139 Hebu nikwambie jambo fulani, dada, kwa dakika moja tu. Huenda ukawa wa mtindo wa kale, bali una jambo fulani ambalo hawa malkia wa zinaa hawana. Una kitu ambacho asingeweza kupata kamwe. Sawa. Huenda ukawa wa mtindo wa kale katika mavazi yako, uvae kama bibi. Huenda wao wakasema, “Mwangalie yule maskini mtakatifu anayejifingirisha.” Msiwe na wasiwasi. Yeye ana kitu fulani ambacho maskini malkia huyo wa kale wa zinaa, anayeufanya ulimwengu wote umwangalie huko nje, hana kitu hicho. Hawezi kuwa nacho kamwe. Amepotea, Milele. Amepotea. Mnaona? Yeye kamwe ... Una uadilifu; una nguvu. Hana kitu. Yeye ana chambo kinachonasa nafsi zilizopotea kuingia kuzimuni. Kipofu anaingia ndani yake. Sasa, una kitu fulani.

140 Unajua, huenda hata usiwe kwenye kitabu cha kanisa, bali huenda ikawa ni maisha yako yenye haki yanayoishikilia hasira ya Mungu kutoka ulimwenguni leo. Ulimwengu hautaamini jambo hilo. Wewe mwanamke unayelitwa mtakatifu anayejifingirisha, ewe maskini mwanamume mdogo ambaye karibu hujui kitu, bali unamlilia Mungu, usiku na mchana, kwa ajili ya dhambi za nchi, huenda ikawa wewe ndiwe unayeshikilia ile hasira isianguke. “Kama ninaweza kupata kumi, nitaiacha. Kama ninaweza kupata kumi!” “Kama ilivyokuwa katika siku za Sodoma, ndivyo itakavyokuwa.” Mnaona ninalomaanisha?

Siyo, “Kama ninaweza kupata Wamethodisti kumi, kama ninaweza kupata Wabatisti kumi, kama ninaweza kupata Wapentekoste kumi, kama ninaweza kupata wana riadha kumi, kama ninaweza kupata wabunge kumi, kama ninaweza kupata wahudumu kumi.”

Lakini, “Kama ninaweza kupata kumi wenye haki!” Kuna Mmoja mwenye haki, huyo ni Kristo. Kristo akiishi ndani, Mmoja katika hao—hao kumi, mnaona, “Nitauacha.”

141 Lakini yule mjumbe wa mwisho aliwahubiri waliohukumiwa. Mnasema ... Alishuka akaenda kule. Maandiko hayasemi kilichotukia, bali moto ulishuka asubuhi yake, hiyo ni kweli, baada ya kufanya ishara hizo, mara baada ya kutimiza huduma yake ya kinabii. “Mbona Sara amecheka?”

Akasema, “Sikufanya hivyo.”

Kasema, “Naam, ulifanya hivyo.” Mnaona?

Sasa, mara baada ya hayo, Yeye aliingia Babeli, ama akashuka akaenda Sodoma. Hakuwapata, kwa hiyo moto ukashuka. Alimwona Lutu na binti zake wawili, kasema, “Ondokeni hapa sasa hivi.” Mnaona? Ikatoka. Alishuka akaenda kule. Kumbukeni, Yeye alikuwa akienda zake. Alikuwa amewatuma wajumbe mbele Zake, bali Yeye alishuka akaenda Mwenyewe, kweli, kuona kama jambo hili lote lilikuwa hivyo. Naye aliukuta huo umejaa nini? Wanawake waliojipodoa. Ujumbe kwa waliohukumiwa. Wangefanya nini? Waliucheka.

142 Wao wanafanya nini leo? Jambo lile lile. “Mimi ni mfuasi wa Assemblies. Mimi ni mfuasi wa Umoja. Mimi—Mimi... Nimecheza katika Roho. Utukufu kwa Mungu, nanena katika ...” Vema, endelea. “Nitakata nywele zangu nikitaka. Nitafanya jambo *hili*. Nita—nitasema tu jambo *hili*. Si lazima nibatizwe katika Jina la Yesu. Si—sijali kile kilichosemwa. Paulo ni mzee mchukia wanawake, hata hivyo. Hiyo ni ninii ...” Vema, endelea.

Moja ya siku hizi, kama hujafanya hivyo, utavuka mstari huo. Kamwe hutatamani tena kufanya yaliyo mema. Mlisikia nililosema? Ni jambo la ... Ndugu, dada, unatambua lililosemwa? Utavuka mstari huo, nawe kamwe hutataka kufanya jambo hilo. Bado utaisikia Injili, hakika, bali hutaikubali kamwe. Huwezi kuikubali. Lakini Injili itahubiriwa kwa waliohukumiwa, hao ambao wamepotea Milele, hawawezi kuokolewa, tena. Wewe tayari uko kwenye sehemu hiyo, nawe hujui. Unafikiri unaishi katika anasa, nawe umekufa ingawa unaishi.

143 Loo, sikilizeni. Wote wale ambao waliukataa Ujumbe wa zamani hizo, kabla ya hukumu, Injili ilihubiriwa kwa waliohukumiwa, kwanza, kabla wao hawajaondoka; bila rehema. Nuhu, alipofungiwa, alikuwa ni ushuhuda. Mungu aliufunga mlango, baada ya Mvuto wake wa Tatu. Baada ya ule Mvuto wa Tatu kule

Sodoma, milango ilifungwa. Hapakuwepo na rehema tena. Hao kumi hawakuweza kupatikana. Nao waliopotea walikuwa wamehubiriwa Injili, ambao hawangeokolewa, kwa sababu ilikuwa tu ... Imekuwa namna hiyo katika kila wakati, kila wakati unakataa Ujumbe kabla ya hukumu.

Je! Wamefanya hivyo tena? Jambo hilo linatukia katika Nguzo ya Moto hapa chini mtoni? Jambo hilo linatukia katika Ujumbe la kuwakemea wanawake, na kutupa mahali linapopaswa kuwa, na kuwakemea wahudumu wale wanaojiunga na madhehebu badala ya kukaa kwenye Neno? Ambapo, Mungu amethibitisha kwelikweli kwamba ni Yeye, wala si maskini mtu asiye na maarifa wala elimu kama mwanadamu. Ni Mungu! Na sasa tumefikia mahali ambapo ule Mvuto wa Tatu ungerudi tena kwa waliopotea, Milele?

144 Je! Hilo ndilo nililopewa ono hilo, kama mvulana mdogo huko ng'ambo? Nami nimekwenda Magharibi, na kuna ule Msalaba wa thamani wa Injili ukiangaza chini, umeitangaza ishara kutoka Mbinguni, barabara. Kumbukeni, ule Msalaba ulikuwa kwenye mandhari, kama—kama piramidi, pia, iliyojengwa. Mnaona? Ingeweza kuwa kwamba ni sehemu ya kichwa ambapo imeishia, na kuanza kutoka hapa na kufikia kifuniko?

145 Kama vile Piramidi, ilikuja kupitia Luther, Wesley, Pentekoste, kisha kule kufunikwa kwa lile jiwe. Ingeweza kuwa hiyo? Kama hiyo ndiyo, tuko wapi? Huenda, huenda ikawa ndiyo hii. Natumaini siyo, bali haina budi kuwa. Itakuwa. Kumbukeni tu, hizo huduma hazina budi, wakati wote huingiliana vivyo hivyo tu, moja kwa nyingine. Haina budi kuja. Wala Mungu habadiliki. Wazia jambo hilo!

Uma dhamiri yako kwa meno yako ya kiroho, kisha utafute kujua mahali tulipo. Vipi kama ndivyo ilivyo, nawe ungali jinsi ulivyo? Basi afadhali utembe ... Umekwisha, hao walio upande wa nje. Baada ya kile Kitabu kuchukuliwa na Mwana-Kondoo, Muhuri ya Sita inafunuliwa pamoja na Mihuri yote, imekwisha. Ingeweza kuwa. Ninatumaini sivyo ilivyo. Ingeweza kuwa. Vema.

Naam, hiyo ndiyo sababu Mvuto huu wa Tatu umekawia muda mrefu hivi?

146 Unaona, ule Mvuto wa Kwanza na Mvuto wa Pili ulienda kutoka mmoja hadi mwingine. Nilibashiri, mnakumbuka, wakati nilipoanza kwa mara ya kwanza, kuhusu ule wa Kwanza. Nami nikasema, "Utakuja wakati ambapo hata utajua siri za moyo." Mnakumbuka? Wangapi? Mbona, ninyi nyote mnakumbuka jambo hilo, katika mikutano yangu hapa. Basi usiku mmoja niliinda nikaingia tu Regina, kule juu, nikaenda jukwaani; naye Ndugu Baxter pale, watu elfu kadha. Ndipo mtu fulani akapanda jukwaani, [Ndugu Branham anadata kindole chake mara moja—Mh.] na hapo ukatukia. Na tangu wakati huo imekuwa vile vile.

147 Bali imekuwa ni miaka mingi tangu nisimamishe kazi ya nje, minne, yapata miaka mitano tangu nilipoisimamisha. Ni kitu gani? Nini kilisababisha jambo hili? Hivi hiyo imekuwa ndiyo sababu ilikuwa kama ilivyokuwa hapo mwanzo, katika Mwanzo, "Uvumilivu wa Mungu"?

Kumbukeni, wakati alipoufanya ulimwengu, siku ya saba hakuumba kitu. Yeye alipumzika. Mnaona? Mungu alikuwa anavumilia katika huo mwaka wa sita, hataki mtu ye yote apotee, bali wote wafikie toba. Mungu alikuwa anavumilia.

Tena, pia, katika Mwanzo 15:16, kama ukitaka kuliandika, 16, 15. Yeye alimwambia Ibrahimu, "Huko katika nchi ya Waamori, uovu wao," wao walikuwa Mataifa sasa. "Siwezi kuwapeleka kule ndani sasa hivi, maana uovu wa Waamori, Mataifa, haujatimia bado. Lakini nitawahukumu. Nitakuja katika kizazi hicho channe, kisha nitalihukumu taifa hilo kwa fimbo ya chuma." Hiyo ni kweli?

148 Imekuwa muda mrefu sana, hata uvumilivu wa Mungu, ile huduma daima, kupitia kwenye kanda na cho chote kile, umeenea kila mahali ulimwenguni, kuona kama kuna mmoja zaidi? Lakini labda huyo wa mwisho ameingia juzijuzi tu. Imekuwa uovu ambao ume—umekuwa kwa muda mrefu sana? Kama Yesu ni yeye yule, ambapo ndivyo alivyo, Waebrania 13:8, Ujumbe Wake hauna budi kuwa vile vile. (Ninakaribia kufunga.) Kutenda Kwake hakuna budi kuwa ni kule kule.

149 Kama ule Mvuto wa Kwanza na wa Pili hauna swali! Je! kuna swali moyoni mwako juu ya Mvuto wa Kwanza na wa Pili? Je! ulitimia kama tu alivyosema? [Kusanyiko linasema, "Amina." — Mh.] Basi kwa nini kutilia shaka wa Tatu? Mnaona? Kwa nini kuutilia shaka Huo? Ile miwili ya kwanza ilitambulishwa na Maandiko. Nimewathibitishia asubuhi ya leo ya kwamba ule wa Tatu umetambulishwa na Maandiko, pia.

Uangalieni ulimwengu, muone mahali ulipo. Angalieni jinsi walivyoikataa ile Kweli, na jinsi ulivyothibitishwa barabara, ile sehemu ya unabii. Sasa tuko wapi? Ee Mungu, turehemu! Hilo linaufanya moyo wangu kutokwa na damu ndani. Vipi kuhusu jambo hilo? Tuko wapi?

150, hivi vilele saba kule juu, wao wangekwambia. Ni ... Hakuna kilele kingine mbele ya hicho. Kiko kwenye milima ya Continental Divide. Inaendelea moja kwa moja hata jangwani, kutoka mahali pale na kuendelea. Umilele unaingia. saba, moja kwa moja kwenye Continental Divide. Hiyo ni kweli kati ya mema na mabaya. Na kwenye mwisho wake, ule Mvuto wa Tatu ulikuwa ndio Mvuto wa mwisho wa ile safu ya

milima. Hiyo ni kweli? Mnaona? Vema.

151 Nuhu aliingia, halafu baada ya siku saba, hakuna kitu kilichotukia, mnaona. Katika siku saba ile hukumu ilikuja. Laiti... Sikilizeni sasa, katika kufunga. Laiti, katika zamani za Nuhu, wanalijua ishara hiyo! Laiti wanalijua! Sasa nitafunga. Laiti wanalijua ishara ile, ulimwengu katika siku hiyo! Ambayo, Mungu alithibitisha hapa, kwa kusoma Maandiko, muda kidogo uliopita, Yeye aliwaangamiza hao watu.

Si bila rehema; rehema ilitumwa kwao na nabii. Wasingeamini. Mungu ni mwenye rehema, lakini, Yeye alituma neema bali wao wasingepokea. Yeye daima hutuma rehema, kwanza.

Vipi kama wanalijua ishara hiyo ilikuwa ishara ya wakati wa mwisho? Basi walipoona, mara moja, wokovu umeachilia. Hapana mtu, mnaona? Nini-hii tu, muda si muda, mlango ulifungwa. Kama wao ... Kulikuwa na mtu mmoja tu aliyejua ishara hiyo, huyo alikuwa ni Nuhu na kundi lake. Huyu ndiye pekee aliyejua. Wakati mlango huo ulipofungwa, Nuhu alijua jambo hilo. Nuhu alijua huo ulikuwa ndio mwisho. Yeye alijua jambo hilo. Hiyo ni kweli. Laiti ungalijua ishara hiyo!

152 Loo, laiti wanalijua tu ile ishara, wakati walipomwona Huyu akiingia mle, alikuwa kule juu pamoja na Ibrahimu!

Laiti wanalijua ya kwamba Billy Graham huyo wa kisasa wa siku hizo, alishuka akaenda kule, yeye na Oral Roberts, na kuhubiri ujumbe ule kwa hao watu waliopofushwa! Laiti wanalijua, hao Wamethodisti wa kale wenye haki na Wabatisti kule nyuma walikuwa ishara kwao ya siku hiyo, Lutu, wakati dhambi zilizichukiza nafsi zao. Basi Wamethodisti na Wabatisti waligeuka wakawa nini? Kama vile Lutu alivyofanya, jambo lile lile. Lakini wale wenye haki, kutoka pale, wakatoka. Hakika.

Vipi kama ingalikuwa wakati Billy Graham aliyeshuka akaenda, wakienda kule wakakate kauli, huku wanatafuna peremende, wakipigana makonde wao kwa wao, na kucheka, wamekata nywele, wamejipodoa nyuso, na hata wasipige hatua yo yote juu ya jambo hilo. Wanarudi kesho yake, naye Billy akasema, "Nina elfu thelathini; ninarudi katika mwaka mmoja, wala hata sina wanaotimia thelathini."

"Loo, nilifanya uamuzi. Si—si—sitaenda jehanaum; ninaenda Mbinguni," wakigaagaa moja kwa moja katika dhambi. Laiti wanalini-hii tu...

153 Halafu basi Injili ikihubiriwa katika Nguvu, na ishara na maajabu, pamoja na Nguzo ya Moto juu yake, na kila kitu kikiendelea vizuri kabisa, na kubashiriwa na kuwekwa wazi. Kama wangeninii ... Walisema, "Kundi la watakatifu wanaojivingirisha. Ni uwezo wa kushirikishana mawazo. Namna fulani ya roho wa kichawi. Ibilisi, hivyo ndivyo tu lilivyo Hilo. Msiliamini. Haliko katika madhehebu yetu. Hatuna uhusiano wo wote na jambo Hilo." Laiti wanalijua ishara hiyo! Laiti wanalijua!

Yesu alisema, alisema, "Laiti ungalijua siku yako, Yerusalemu. Laiti ungaliveza tu kutambua! Lakini," kasema, "sasa umeachwa peke yako." Mnaona? "Kama ungalijua tu. Ee Yerusalemu, Yerusalemu, ni mara ngapi ningewakusanya pamoja, kama vile kuku avikusanyavyo pamoja vifaranga vyake, kutokana na hukumu zitakazokuja! Lakini hukujua siku yako." "Ninyi mliwapiga mawe manabii, na kuwaua wenye haki, laiti mngalijua siku yenu! Laiti mngalijua, na mngalikuwa mnajua Maandiko yenu, na kujua ya kwamba kuja Kwangu kulikuwa ishara ya mwisho wenu. Sasa wewe ni kipofu. Sasa umekemewa. Wakati wako umekwisha." Na ilikuwa hivyo. Hiyo ni kweli. "Kama ungalijua tu wakati!"

154 Angalia, wakati Yesu alipotoa tangazo hilo, ulimwengu uliendelea moja kwa moja. Mnaona? Ulimwengu uliendelea moja kwa moja, kwa kawaida. Kwa nini? Kwa maana hawakujua saa yao.

Ulimwengu uliendelea moja kwa moja, wakati Nuhu alipoingia katika safina. Ulimwengu uliendelea moja kwa moja. Wenye kudhihaki, katika siku hiyo, bado walikuwa na karamu za ngono. Wao wanalijua wanakula, kunywa, kuoa, kufanya mambo wanayofanya leo. Ni kweli kabisa, kwa kawaida. "Ha-ha! Huyu mzee mtakatifu anayejivingirisha alifunga mlango. Naam, mlipata kusikia jambo kama hilo? Ha-ha! Mnajua anayosema? Sote 'tutazamishwa.' Upuuzi! Maji yako wapi?"

Wenye kudhihaki, katika siku za Nuhu. "Ndivyo itakavyokuwa katika kuja Kwake Mwana wa Adamu." Vema. Nuhu alijua ile ishara. Jambo lile lile katika siku za Lutu. Mambo yale yale katika siku za Yesu. Ndivyo ilivyo leo. Wanadhihaki wakati wao wa mwisho ...?...

Vivyo hivyo huko Sodoma, hawakujua kamwe. Wakati Mjumbe yule alipokuwa anasimama pale, Ujumbe kutoka kwa Mungu, wao waliwacheka tu na kujaribu kuwapotosha kwenye matendo yao wenyewe. Hiyo ni kweli? "Njoo ujiunge nasi. Kuwa mmoja wetu." Hiyo ni kweli? "Njoo ujiunge nasi, uwe mmoja wetu. Utakuwa mmoja wa wavulana. Njoo, ungana nasi." Mnaona? Hawakujua kamwe ishara yao.

155 Wao hawakujua ya kwamba wakati Ujumbe huo ulipokuwa ukiendelea, ya kwamba jambo lile hasa... Hawakuweza kuona jambo hilo, kwamba moto na ghadhabu ya hukumu, kama Mungu, miali ya moto wa kiberiti ilikuwa inawashwa angani. Wasingeweza kuliona. Wajumbe waliweza. A-ha. Lutu alijua jambo hilo, pia. Alijua ulikuweko. Hakika.

Ni vile vile ilivyo leo, jambo lile lile tu. Ghadhabu inawaka, mabomu ya atomiki yananing'inia, kila kitu kiko katika mwisho. Ni vivyo hivyo sasa.

Angalieni, enyi watu, sikilizeni. Je! Mlijua ... Unasema, "Ndugu Branham, loo, vipi kuhusu hayo yote?" Mnajua, watu wanaweza kuendelea kuhubiri Injili moja kwa moja kama walivyofanya daima, wanachoita Injili, ingeweza kuwa imekwisha. Walifanya hivyo katika siku za Nuhu. Walifanya hivyo katika siku za Lutu. Walifanya hivyo katika siku za Yesu. Hiyo ni kweli?

Hata Wayahudi, baada ya Yesu kuwaambia ya kwamba hasira ... "Umemaliza. Mmekwisha. Hakuna la zaidi. Mmekwisha."

"Loo," yeye alisema, "mtakatifu huyo anayejivingirisha. Alitoka shule gani? Alitoka wapi, huyo?"

Kumbukeni, Yeye alikuwa tayari wakati huo kwa ajili ya Mvuto Wake wa Tatu. A-ha. Hiyo ni kweli. Yeye alisema, "Ni mara ngapi ningewakusanya!"

156 Lutu alifanya mwito wake wa mwisho...ama, ninamaanisha, yule malaika alifanya, yule mjumbe, ye yote yule. Mungu akiwakilishwa kwa ajili ya siku hii, Mungu akiwakilishwa katika mwili wa binadamu, alifanya ishara ya mwisho, akafanya kazi yake ya mwisho. Yote yalikuwa sasa yamekwisha.

Nuhu alihubiri mahubiri yake ya mwisho; mlango ukafungwa nyuma yake. Hivyo tu. Wao walilicheka jambo hilo, na kulifanyia mzaha.

Fikirini, watu wanaweza kuendelea kuhubiri moja kwa moja! Baraza la Ekumeni linaweza kujiunga na kanisa Katoliki, kama tu walivyoahidi kufanya. Madhehebu yote yanaweza kuja, lakini ile alama ya mnyama iko pale tayari. Wao wanaichukua, katika jambo hilo. Mnaona? Nao wanasema, "Loo, haleluya, Mungu abarikiwe, kulikuwa na wengi sana waliookolewa jana usiku." Walifanya hivyo? "Walicheza katika Roho. Walinena kwa lugha." Hilo halimaanishi kitu. Mnaona? "Loo, wao ni wapole na watulivu na wanyenyekevu. Naam, bwana. Wana tunda la Roho." Hiyo si ishara. Hata kidogo.

Hebu niwapeni tunda la Roho, kati ya Yesu na Mafarisayo, muone ni yupi aliyekuwa na tunda la Roho. Vipi kama ningesimama, kama vile nilivyoanza kusema hivi punde, dhidi ya Kristo sasa kwa dakika moja? Mungu anisamehe hata kwa kusema jambo hilo, mnaona, bali ili niwaonyeshe tu jambo fulani.

157 Vipi kama nikija kwenu na kusema, "Aisee, enyi kusanyiko, ni yupi rafiki yenu? Ni nani anayeonesha tunda la Roho? Maskini kasisi wenu mwema. Ni nani anayekujia hospitalini wakati wewe ni mgonjwa? Maskini kasisi wenu mpole. Hiyo ni kweli. Ni nani huyo anayewakopesha pesa daima wakati mmefilisika, mna shida sana? Enyi wafuasi wa kusanyiko lake, si mnaenda kwa maskini kasisi wenu mwema naye anawakopesha pesa? Mnaona? Ni nani ambaye daima ana upendo na ni mwema, na anaonyesha tunda la Roho? Maskini kasisi wenu mwema.

"Ni nani huyo aliyesoma kwa miaka kadha wa kadha, katika masinagogi kule chini, mahali ambapo babu wa babu wa babu wa babu wa babu wa babu yake alikotoka, tokea huko nyuma? Ni nani aliyesoma na kupata...aliyejitahidi sana akapata digrii ya daktari na ma-PhD na ma-LLD, apate kulijua Neno hili, na kusimama hapa na kuwahubiri kila Jumapili asubuhi katika kusanyiko lake? Maskini kasisi wenu mwema.

158 "Basi haini huyu ni nani, anayeitwa, 'Yesu'? Alitoka shule gani? Yeye ametoka shule gani? Kadi Yake ya ushirika iko wapi? Yeye ni wa madhehebu gani?

"Yeye hufanya nini wakati ninyi nyote mnapokuwa na ugomvi wa kifamilia? Ni nani anayewatembelea? Maskini kasisi wenu mwema, kujariu ku-... Nawe una mabishano na jirani huyu hapa, ndipo maskini kasisi wenu mwema anakuja na kuwapatanisha. Kasema, 'Ninyi nyote ni watoto wa Mungu. Hupaswi kufanya hivyo.' Hivyo ndivyo yeye...

"Huyu Yesu wa Nazareti anafanya nini? Anararua jambo hilo. Yeye anafanya nini? Anayakemea madhehebu yenu. Yeye anafanya nini? Alimwita kasisi wenu 'kiongozi kipofu wa vipofu.' Alimwita 'nyoka nyasi.' Alichukua dhabihu ambayo Mungu aliagiza, na kuzipindua meza, kisha akutupa pesa nje, na kuwaangalia kwa hasira. Mlipata kumwona kasisi wenu akionekana namna hiyo?" Sasa tunda la Roho liko wapi? A-ha. A-ha.

159 Si kwa kunena kwa lugha. Si kwa kucheza katika Roho. Si kwa kujiunga na kanisa. Si kwa tunda la Roho; Christian Science linaweza kuwazidi wo wote wenu katika jambo hilo, unaona, hata na wakane kwamba Yesu Kristo alikuwa Mungu. Siyo hivyo.

Lakini ni Neno, lililo hai! Hilo hapo. Kama wanalitazama tu, Yeye alikuwa ni Masihi. Yeye alikuwa Neno lililo hai, lililodhihirishwa.

Basi mwanamume aliye na Roho wa Mungu ndani yake, ama mwanamke, anayeishi Neno hilo, anaishi moja kwa moja katika hayo. Hao ndio walio muhimu sana, hao waliochaguliwa tangu awali, kwa kuwa Neno la Bwana huwajilia wao, nao ni Neno kwa watu. "Nyaraka zilizoandikwa zinazosomwa na watu

wote." Hiyo ni kweli? Hivi ule Mvuto wa Tatu unaweza kuwa unaendelea?

160 Watu wa kanda, hao ni ninyi mnaosikiliza kanda hii, laiti mngaliliangalia kusanyiko hili wakati huu. Aha. Natumaini unajisikia vivyo hivyo.

Vipi kama ndivyo ilivyo? Angalia Maandiko yaliyorundikwa hapa. Je! ingewezekana kuwa ndio? Je! Mvuto wa Tatu ni wa kuwahubiri waliohukumiwa Milele ambao wameukataa Ujumbe wa wokovu?

"Vema," mnasema, "kanisa litaenda..." Naam, wao watafanya hivyo. Wataendelea moja kwa moja, vivyo hivyo.

Lakini, kumbukeni, wakati huu wote, Nuhu alikuwa katika safina. Bibi-arusi ametiwa muhuri pamoja na Kristo, mshiriki wa mwisho amekombolewa. Ule Muhuri wa Sita umejidhihirisha wenyewe. Ule wa Saba unamrudisha duniani. Mwana-Kondoo alikuja akakichukua kile Kitabu kutoka mkono Wake wa kuume, kisha akaketi chini na kudai yaliyo mali yake, ile aliyokwisha kukomboa. Hiyo ni kweli? Daima umekuwa huo Mvuto wa Tatu.

161 Tatu ni ukamilifu. Huduma ilifikia ukamilifu wake wakati ilipomdhihirisha Kristo tena katika maumbile ya asili, miongoni mwa wanadamu, kama ilivyotabiriwa, "Kama ilivyokuwa katika siku za Lutu."

Loo, wazeni, watu wangeendelea kuhubiri moja kwa moja, wakifikiri wanaokolewa, wakiadini wanafanya sawa, wakiadini madhehebu yao yanapanuka, hakika, wala hawana matumaini hata kidogo. Basi kama hilo ono lilikuwa ndio jambo hilo, na umekuwa mkali sana dhidi ya wanawake, tumefika kwenye saa hiyo. Mlango umefungwa, imekwisha, tayari kile Kitabu kimo mkononi Mwake. Wazia jambo hilo.

162 Hebu niwaambie jambo hili kabla tu ya kufunga sasa. Ninafunga. Ilisemwa, juu ya Ireland, kuelekea majini. Kulikuwa na miamba mikuu inayoelekea kando kando ya ukingo wa bahari, mpaka juu huku kwenye kilima hiki kikuu. Basi kulikuwa na mtu aliyekuwa anaenda, akitembea hapo siku moja, kwenye—kwenye wakati tu ambapo bahari hujaa. Basi kulikuwa na muungwana mmoja aliyeishi kwenye kile kilima, aliyejua kupwa na kujaa huku kwa maji. Yeye alijua ni wakati gani mchana maji yalipaswa kujaa. Alijua ni wakati gani maji yaliporudi. Jamaa huyu hakujali ni wakati gani. Yeye alikuwa mmoja wa hawa wajuvi. Alikuwa na wazo lake mwenyewe. Alikuwa mwana riadha, jamaa mwerevu, mwenye akili, bali yeye hakujua tu wakati wa maji kujaa. Hakujua nchi hiyo. Hakujua wakati gani ile ishara ilikuwa imewadia, wakati mwezi ulipokuwa umeshusha mgongo wake kutoka duniani.

163 Basi wakati Mungu anapoishusha Roho Yake kutoka duniani, ndugu, ulimwengu umekwisha, yote yamekwisha.

Kama mwezi huo ungalipata kuondoka mahali pake, maji yangeifunika nchi kama ilivyokuwa wakati Mungu alipolanzisha jambo hilo, katika Mwanzo 1. Lakini mwezi unakaa pale, na wakati hata unapogeza kichwa chake, maji yanaanza kujaa mbio.

Mzee huyu mwenye hekima aliyeishi kule katika uwepo wake, alijua jambo hilo lilikuwa ni wakati gani. Jamaa huyu hakujua. Yeye kamwe hakusoma jambo hilo. Hakujali jambo hilo. Ndipo mzee huyu mwenye hekima akatoka mbio, akasema, "Mtu wangu mwema, usithubutu kwenda mbali zaidi. Rudi nyuma, upesi. Kuna ukuta. Huwezi kupanda huo ukuta. Utaangamia. Ninii ... Ishara zinaonyesha, ule wakati. Maji—majia yatabubujika kwa nguvu mara moja, nawe huwezi kurudi. Usiende mbele zaidi."

Ndipo yule mtu akageuka, akamcheka, kasema, "Nenda zako ukashike lako. Ninajua kile ninachoweza kufanya na kile nisichoweza." Nayo mawimbi yakampata. Mnaona?

164 Huenda muda umeenda sana kuliko tunavyodhani. Mnaona? Mtashikwa. Msiende mbele zaidi. Msifanye hivyo, enyi watu. Kama daima mmeniamini mimi kama mtumishi wa Mungu, lishikeni neno langu asubuhi ya leo, kama mlipata kufanya jambo hilo. Huenda ikawa tayari muda umeenda sana. Maandiko mengi sana yanaonyesha jambo hilo namna hiyo. Sasa, kumbukeni, sisemi ndivyo ilivyo. Sijui. Lakini angalia tu.

Basi nimepunguza yapata kurasa kumi hapa, ambazo niliogopa kuwaambieni. Mnaona? Mnaona? Bibi Woods ni shahidi wa jambo hilo, na Bw. Woods. Niliposhuka kwenda kuwaona asubuhi ya leo, nilisema, "Si—siwezi kuwaambia hao jambo hilo, siwezi kwenda umbali huo. Nitaweka tu kiasi hiki cha Maandiko, na kuwaachia, maana utanaswa." Utasambazwa.

Basi watu wataucheka Ujumbe huu. Ni sawa, itakuwa haiwezekani kurudi nyuma, moja ya siku hizi. Endelea, kuwa tu mfuasi wa kanisa. Ukate nywele zako, upake rangi uso wako. Endelea, na uchukue "Baba, Mwana, na Roho Mtakatifu," kama ukitaka, hilo, lifanye Miungu watatu na uwe kafiri. Endelea, shikilia madhehebu yako. Fanya hivyo, kama ukitaka.

Sema, "Nilicheza katika Roho, nilinena kwa lugha; nimepokea."

165 Nimeona pepo wakifanya jambo lile lile. Nimeona wachawi wakinena kwa lugha na kufasiri; na

kuandika katika lugha zisizojulikana, wanazifasiri; waliokunywa damu kutoka kwenye fuvu la kicha chwa mwanadamu, na kumwita ibilisi, wakacheza katika roho.

Waislamu hucheza katika roho, namna hiyo, mpaka wanaweza kuchukua vibanzi na kuvichomeka chini ya vidole vyao; kisha wanachukua mkuki na kuuchomeka usoni mwao, namna hiyo, na kuutoa, wala hakuna hata tone la damu litakalotoka kwake.

Wahindi watatembea motoni, miguu mitupu, wenye kina cha futi tatu; na nne, tatu ama wenye upana wa futi nne; wanauchochea, wanayachochea makaa hata yanakuwa mekundu sana kwa joto; wala wasiungue miguu yao, kisha wanakana kwamba kuna kitu kama Yesu Kristo.

166 La, la, rafiki. Neno ndilo linalosema jambo hilo. Watu na Neno hawana budi kuwa mmoja. Mnaona? Yesu na Neno walikuwa kitu kimoja; Yeye alikuwa Neno. Na wakati Yesu anapoishi katika mwanadamu, hilo linamfanya yeye na Neno kuwa kitu kimoja. Msininii ... Maisha yako yanaonesha kile ulicho.

Sasa jiangalie tu katika kioo cha Mungu, useme, "Ninaonekanaje asubuhi ya leo?" Tunapoomba.

[Ndugu fulani ananena kwa lugha nyingine. Ndugu mwingine anatoa tafsiri. "Watoto wangu, leo, nawaambia. Naam, hata mimi, Mwenyezi Mungu, nimeiangalia nchi leo. Nimeona uovu ambao maumbile haya yamefikishwa kwake. Naam, ninaona dhambi ambayo mwanadamu, siku hizi anajizingira ndani. Naam, hivi unajua kwamba nimekufanyia jambo kuu? Naam, nime mtu katika siku hizi za mwisho, naam, ili aweze kuwa mnenaji kwa kizazi hiki. Bali nakuambia, siku hizi, watu Wangu, wengi wamelidhihaki jina hili. Naam, wameyageuzia migongo yao mambo ambayo amenena. Bali nakuambia, wale watakaoyasikia Maneno haya, nitasababisha baraka kuu ziwashukie. Mimi ni Mungu Mwenyezi. Nitawapa thawabu, siku hizi, wale ambao kwa unyofu watapokea Maneno haya, asema Bwana."—Mh.]

Nilitangatanga mbali na Mungu,
Sasa ninakuja nyumbani;

Ombeni, kama mliwahi kuomba!
Fungua kabisa mikono yako ya upendo,
Bwana, nakuja nyumbani.
Nakuja ...

167 Huku mkiendelea kuimba, nataka kuwaulizeni jambo fulani. Kuna mahali moyoni mwako ambapo panaonekana pametiwa giza na dhambi? Kama pako, wakati umewadia sasa kupaondoa, sasa hivi, kama kuna rehema iliyosalia.

Jambo hili, natumaini, sivyo lilivyo. Natumaini halipo. Lakini je! linaonekana kana kwamba ingeweza kuwa namna hiyo? Sikilizeni yale ambayo Roho Mtakatifu amenena kati ya watu, baada ya mimi kumaliza, "Ni Sauti kwenu."

Basi iwapo pako, una giza lo lote katika maisha yako, mbona usije moja kwa moja hapa karibu na madhabahu sasa, tunapoendelea kuimba. Hivi sasa, kama kuna mahali penye uchovu, kama kuna mahali, usiahirishe jambo hilo zaidi.

Nikitumaini na kuamini ya kwamba jambo hili sivyo lilivyo; lakini litakuwa, moja ya siku hizi, na huenda ikawa ni leo.

Sasa, Bwana, naru-...

168 Kwa pumzi ya pua yako karibu tu nawe! Laiti watu wa kanda wangaliona kinachoendelea nje hapa sasa hivi; wanasongamana tu wao kwa wao, wakilia, wakija kutoka kila mahali.

Hivi ono lile lingeweza, nilipokuwa mvulana mchanga, hivi saa imewadia? Huu ndio ule wakati ambapo hao wanaonekana wachovu, wenye huzuni; jehnum ikiumbwa papa hapa duniani?

Madhabahu na marefu ya kanisa, na kila kitu, vimejaa sasa. Madhabahu na marefu ya kanisa, na kila kitu, vimejaa sasa. Kama huwezi kufikia kwenye madhabahu na marefu ya kanisa, po pote miongoni mwa hawa mamia hapa; simama tu, kama ukisema, "Ninataka kusimama na kuomba, ili kwamba tu watu wajue," ama kupiga magoti, lo lote unalotaka. Loo, jamani! Sasa ni vigumu kwako kuona mtu ye yote ameketi chini. Ni watu wanaosimama kila mahali.

Naomba niseme jambo hili. Mungu na azuie, Mungu na azuie niliyosema isiwe ni sasa. Naomba nifahamu jambo hilo, kila mtu; Mungu na azuie. Kuna ... Nina watoto ambao hawajaingia. Nina binti wawili na mtoto wa kiume. Nina ndugu. Nina watu wangu ambao hawako ndani. Mungu na azuie! neema isiwe imetuacha; kwamba haya yote yatakuwa ni kujifanya tu.

Je! Kuna neema iliyosalia, Bwana? Hebu nikosee kwenye jambo hili, Bwana. Hebu iwe sivyo kwa wakati huu. Kwamba mimi, sivyo ilivyo, kwamba watu wangali wanaweza kuokolewa. Tujalie, Bwana. Ninaomba, na kukabidhi hadhira hii Kwako sasa, katika Jina la Yesu Kristo.

169 Kila mtu na aombe sasa, kama tu ... Vipi kama ilikuwa? Sasa, sijui kwamba ndivyo lilivyo, bali vipi kama ndivyo lilivyokuwa? Omba kwa namna utakavyo. Ombeni tu jinsi mnavyotaka kuomba. Vipi kama jambo hili lingekuwa ni kweli, tungefanya nini, enyi marafiki? Tungefanya nini? Nini, ni kitu gani kitakachotukia? Sasa ombeni, kila mtu. Li—lieni tu, ombeni tu jinsi mnavyotaka. Mlilieni tu Mungu, mtakavyo. Ee Mungu!

Mikono Yako ya upendo,
Ewe Bwana, nakuja nyumbani.

170 "Bwana, nilikusudia kufanya jambo hilo muda mrefu uliopita. Je! Nimengojea kwa muda mrefu sana, Bwana? Hivi, hivi imekwisha? Ee Mungu, ifungue mikono Yako ya upendo na unipokee. Jambo fulani, moyo wangu unaomba sana hilo, Bwana. Ifungue mara nyingine. Kama jina langu lilikuwa katika Kitabu cha Mwana-Kondoo, sema nami, Bwana. Hebu nilipokee sasa hivi. Tafadhali sema nami, Mungu."

Kuja nyumbani, kuja nyumbani,
Loo, kamwe, sitaweza tena, Bwana, kutangatanga tena;
Fungua kabisa mikono yako ya upendo,
Ewe Bwana, nakuja nyumbani ...

171 Biblia ilisema, wakati watakapomtambua Yesu, kwamba, "Kila mmoja atalia kama kwamba mwana wao wa pekee anauawa."

... kuja nyumbani,

Ninyi mlio nje, ninyi mlio kwenye magari yenu, kwa masafa mafupi, ninyi mnaosimama kila mahali jengoni, wengi wenu, egemeza tu kichwa chako kwenye jengo, useme, "Bwana Mungu, nirehemu.

Ninii- ...

Iweni waaminifu mno, enyi marafiki! Wazia ni wakati gani tunaishi! Tuko wapi?

... upendo
Bwana, sasa nakuja nyumbani.
Nakuja nyumbani, ...

172 Bwana Yesu, nimefanya vizuri sana nijuavyo. Nimefanya yote nijuayo. Jalia, Bwana, ya kwamba milango ya rehema ingali imefunguliwa. Kwa hawa mamia, mamia kweli wakikutafuta Wewe wakati huu, ondoa kila doa la dhambi, Bwana, kisha uwaingize ndani leo.

Na—nakusihhi, kwa moyo wangu wote, tunapona si mtu fulani tu akizungumza, lakini, Maandiko Yenyewe yakituleta kwenye saa hii. Na ono lile, la mvulana mdogo, nikiwaona watu hao katika hali hiyo; na sasa, wazieni, ya kwamba jehanim yenyewe, rehema imeondolewa duniani, na sasa jehanim yenyewe iko hapa, nao watu, Bwana, wako katika hali hii ya kuchukiza.

Ee Mwenyezi Mungu, katika Kanisa hili Teule, naomba, Mungu, ya kwamba utamwaga baraka Zako, ili kwamba wapate kupokea hu—huduma ya ushuhuda, kama aliyokuwa nayo Lutu, kama aliyokuwa nayo Nuhu, kama aliyokuwa nayo Yesu, kwa waliopotea Milele, endapo ipo; ili kwamba wao wenyewe wametiwa muhuri kuwa katika Ufalme wa Mungu, lakini wakitoa ushuhuda kwa Yesu Kristo kuwa ni yeye yule jana, leo, na hata milele. Tujalie, Bwana. Naomba upokee maombi yetu, kwa kuwa tunakusihhi katika Jina la Yesu.

173 Ombeni tu jinsi mnavyotaka kuomba sasa. Msiwe katika haraka yo yote. Msiwe katika haraka yo yote. Vipi kama wewe ndilo jina la mwisho kuingia katika kile Kitabu?

Nakuja nyumbani.
Nakuja nyumbani, nakuja nyumbani,

Ndugu Neville, nenda kule ukawaombe. Mchungaji ataomba pamoja nanyi mnapomba sasa. Nitaimba.

Fungua kabisa mikono yako ya upendo,
Bwana, nakuja nyumbani.
Nakuja nyumbani, nakuja nyumbani,
Kamwe sitangatanga tena; (Naam, Bwana.)
Fungua kabisa mikono yako ya upendo,
Bwana, nakuja nyumbani.
Nakuja nyumbani, nakuja nyumbani,
Kamwe sitangatanga tena;
Fungua kabisa mikono yako ya upendo,
Bwana, nakuja nyumbani.

[Ndugu Branham na kusanyiko waliimba wimbo huo hapo juu wakati Ndugu Neville akiomba. "Mwenyezi Mungu, Baba yetu wa Mbinguni, tuseme, leo, tuna furaha sana ya kwamba umetupa sisi, kwa mfano, wakati huu wa wakati kuweza kutafakari njia zetu mbele Zako. Mungu wangu, leo, kutoka kwenye kilindi cha nafsi zetu, tunakulilia Wewe, Bwana, kwa niaba yetu, si kwa ajili yetu wenyewe tu,

bali sisi kwa sisi. Jalia wakati huu, Mungu, uwe ndio wakati, asubuhi ya leo, Baba, wakati utakapofanya hivyo, kama Wewe bado umerefusha rehema, Baba, na iwe, kwamba hawa ambao siku hizi wameacha kiburi chao chote, vitu vya kupendeza, na mambo mengine. Bwana Yesu, leo, tunaomba ya kwamba Wewe utawajalia wale wanaopiga magoti, loo, na kuinamisha vichwa vyao kote kwenye jengo hili. Ee Mungu, hebu Sauti hiyo, kutoka Mbinguni, inene asubuhi ya leo. Toa hakikisho, Bwana. Jalia watu hawa, ambao ni wanaume na wanawake wanaokufa, Yesu, hebu tuwe na, siku hii, faraja ya Shahidi huyo akishuka kutoka Mbinguni asubuhi ya leo. Katika Jina la Yesu Kristo, tunaomba, Bwana, kama bado kuna nyongeza ya rehema kwa Damu, na iwe juu ya kila mmoja, leo, kulingana na kuja kwao. Na iwe hivyo, leo.” — Mh.]

[Ndugu Neville anaendelea kuomba. “Na jalia kila mmoja, Bwana, aridhike, siku hii, ya kwamba Wewe ni Mwenyezi Mungu. Kama hii ikiwa ni nyongeza ya rehema, na iwe kwa kila mmoja, mmoja mmoja.”] Tujalie, Bwana. [“Na iwe sasa, Baba. Na jalia amani ya Mungu, ambayo daima imepita ufahamu, na ije tena kwa mioyo inayongojea.”] Naam, Bwana. [“Hebu hii iwe ndiyo saa.”] Ndiyo. [“Tunaamini ya kwamba umesikia kutoka Mbinguni.”] Mungu, tujalie. [“Chochote kilichotulinda, kama kitakwisha, basi, Bwana, tunajua mwisho ni nini.”] Naam, Bwana. [“Lakini, kama sivyo, hebu Shahidi aje.”] Naam, Bwana. [“Hebu hawa waliokuja, na wapate amani leo,”] Tujalie, Bwana. [“Kwa njia ya Yesu Kristo. Na katika Jina Lake tunaomba. Amina.” — Mh.]

174 Bwana Yesu, ninaomba ya kwamba utawaokoa Becky na Sara na Joseph, na hao wengine, pia, Bwana. Usiache hili litukie kwa watoto wangu, Bwana. Msiliache litukie kwa ndugu zangu na marafiki zangu. Tujalie, Bwana.

Hatujui, hatujui, bali tunaona jambo fulani, Bwana. Je! Ni ishara inayotikisa sasa hivi mbele zetu? Tujalie, Bwana. Tuvute sote karibu na Wewe, upesi, Bwana. Tunakupenda na tunakuhitaji. Jalia iwe hivyo, Baba, Roho Mtakatifu atupe faraja mioyoni mwetu sasa.

Tunaomba ya kwamba tupate kuwa mashahidi Wako katika saa hii, kwa kuwa tunajua jambo hili halina budi kutukia. Limebashiriwa katika nyakati zote, nasi hatuna budi kulikabili, kwamba tuko kwenye wakati wa mwisho tunapooni ishara hizi zikitokea. Tunajua, na tumeambiwa kwa miaka mingi sasa, ya kwamba jambo hili litatukia. Sasa tunalionga moja kwa moja mlangoni mwetu, ghadhabu kubwa mno ya Mungu ikipitia kote mitaani, ikiwaondoa wasiotahiriwa. Mahali ambapo hapana Damu mlangoni, malaika wa mauti anazuru; nao wanaendelea moja kwa moja kuishi, bali wamekufa ingawa wanaishi, bila rehema, bila Mungu, wala hawawezi kamwe kuokolewa.

175 Mungu, jinsi tunavyokushukuru kwa ajili ya hawa waliookolewa! Jinsi sisi ... Ni baraka kuu namna gani kwa mioyo yetu, kuwa ndani sasa, chini ya Damu, wakati huyo malaika wa mwisho anapopitia nchini, akiwachukua wale...

Wale wasio chini ya damu, walikufa bila rehema. Huo ulikuwa mvuto wa mwisho wa Musa. Wa kwanza, ki— kijana mwanamume akizungumza na Israeli; wa pili, akashuka akaenda kuwakomboa; wa tatu, ulikuwa ndio ujumbe wa mwisho. Miujiza ilikwisha fanyika, Musa alikuwa akienda zake kwenye ile nchi ya ahadi, pamoja na waliokombolewa.

Ee Mungu, turehemu, ninaomba, katika Jina la Yesu.

176 Sasa ningetaka kuuliza jambo hili. Ninyi mnaomba, ninyi mnaojisikia ya kwamba mna rehema, na kwamba (Mungu) mnajisikia ya kwamba mmo katika Ufalme wa Mungu, mnajisikia ya kwamba—kwamba mmetiwa nanga kwa njia moja ama nyingine, ya kwamba katika Kristo mna imani ya kuamini ya kwamba ninyi ni Wakristo, mmezaliwa mara ya pili nanyi mnajua ya kwamba ninyi ni Wakristo na hamna shaka. Natamani mngesimama nyote ninyi mnaotaka jambo hilo, mnaoamini hilo, kwamba hiyo rehema imewafikia sasa, nanyi ni Wakristo, nanyi mna—nanyi mnaamini ya kwamba— ya kwamba ile Damu imetiwa moyoni mwenu, na—na—na kwamba mmesamehewa kila dhambi.

177 Jambo hili lilikuwa gumu sana kuzungumza kwenu ninyi. Ninashukuru sana, nami nawaona watu kutoka kila mahali. Nanyi, ni—nina nini hii sana...

Sijui kwamba jambo hili ni kweli, lakini halina budi kuwa namna hiyo, wakati fulani. Mnaona, haina budi kufikia hapo, na ingeweza kuwa ni sasa hivi. Mnaona? Katika kila njia, ulimwengu utaendelea moja kwa moja. Watu wangali watakuja madhabahuni, bado watapiga makelele, bali haitafaa kitu. Mnaona? Watakuwa wamekwisha, mnaona, itakuwa imekwisha. Hakutakuwa na rehema. Kumbukeni jambo hilo. “Nayo madhabahu yakafuka moshi.” “Yeye aliye mchafu, ni mchafu bado; yeye aliye mwenye haki, ni mwenye haki bado; naye aliye mtakatifu, azidi kujitakasa.” Hakuna rehema tena, wakati Mwana-Kondoo anapokichukua kile Kitabu; haya basi, ni hayo tu. Na inaonekana sana kana kwamba ingeweza kuwa ni sasa.

Labda tuna siku nyingine; labda leo ni siku hiyo. Labda kesho ndiyo ya mwi-... Labda usiku wa leo ndio usiku wa mwisho. Labda huu ni mwaka wa mwisho. Sijui, marafiki. Ninawaambia, sijui. Sitaambiwa

jambo hilo kamwe.

178 Lakini wakati Mungu atakapolichukua hilo jina la mwisho na kulikomboa kutoka kwenye hicho Kitabu cha Uzima, yote yamekwisha. Mnaona, hawawezi kuweco tena, hata hivyo. Hapawezi kuwa na mwingine, hata hivyo. Hivyo tu. Imekwisha.

Ni wangapi wanaojua ni Kweli? [Kusanyiko linasema, "Amina." — Mh.] Vema. Ni—ni Kweli. Sasa kwa kuwa tunajisikia ...

Nami ninaona kusanyiko hili ambalo nimelhubiria na kulionya, miaka hii yote, na kuona Ujumbe kama huu ambao mimi...ambao ni—nimeuleta katika hali hii isiyo kamili. Basi kumbukeni tu, ninasema jambo hilo kusudi mpate kufahamu, hali isiyo kamili; mambo mengine zaidi karibu yangewashtua kabisa, mnaona. Bali niliyaacha tu, nikasikia kufanya jambo hilo, maana sina hakika. Kama sina hakika mahali ninapokanyaga, nitakanyanga polepole, mnaona, lakini ninawaambia tu.

179 Sikilizeni. Hivi hamna furaha? Kungeweza kuwa na jambo jingine kuu zaidi, ambalo mngeweza kuwazia, mlilofanya maishani mwenu?

Vipi kama sasa wakati umekwisha? Vipi kama yote yamekwisha? "Loo," mnasema, "Ndugu Branham, labda..." Naam, najua. Wangeweza kuendelea moja kwa moja. Walifanya hivyo, kila wakati. Nimeeleza jambo hilo na kulithibitisha kwa Maandiko, mnaona, ulimwengu uliendelea kusonga mbele moja kwa moja, lakini ilikuwa imekwisha. Mnaona?

"Upumbavu wa kuhubiri huwaokoa waliopotea. Na ni upumbavu, kwa wanadamu. Ni hekima ya Mungu." Mnaona? Mungu ni Roho. Yeye hufanya kazi katika njia za kiroho, mnaona, kufanya maajabu Yake; njia za ajabu. Lakini, sisi ni wanadamu, tuna kikomo. Hatujui; tunaangalia tu yale tunayoweza kuona. Lakini kitu Fulani ndani yetu ...

180 Wakati unapotoka kwenye chumba kile hapa, kama hujaona maishani mwako, hujaona kamwe nuru ya mchana, ungejua ya kwamba ulipitia kwenye chumba hiki hapa, ukaingia kwenye nuru ya mchana ama cho chote kile. Ilikuwa na joto. Ungeweza kulihisi. Kama hakuna hisi ya mwili wako kuitangaza, ungejua, loo, hakuna hisi ya uwezo wa kuona upate kuona. Hapana njia ya kuona miti ya kijani kibichi, kuona maumbile; hukuwa na uwezo wa kuona, hakuna mtu aliyepata kuwa nao. Ungejua ungekuwa karibu na kitu fulani; kuhisi kwako kungekwambia jambo hilo. Ungejua jambo hilo. Kama ningejaribu kuwaambia, "Ni jua. Linaakisi. Linaonyesha mambo." Mnaona, mngejua kwamba lilikuweco kwa maana mngeweza kuhisi kwa hisi zenu. Hiyo ni kweli? [Kusanyiko linasema, "Amina." — Mh.]

181 Sasa, tunajua ya kwamba Kristo yupo hapa. Mnaona? Labda hammwoni kwa macho yenu. Mnaona? Labda hammwoni. Bali kwa ono, ninawaambieni, Yeye yuko hapa. Tunamsikia. Tunajua kuna Kitu Fulani hapa ambacho hisi zetu hazikitangazi. Roho ndiye anayetangaza, kwamba Kristo yuko hapa.

Ninajisikia kwamba Yeye ametukomboa. Ninajisikia ya kwamba majina yetu yamo kwenye Kitabu Chake. Ninaamini ya kwamba tumekombolewa kwa Damu ya Mwana-Kondoo.

Ninawapenda, na ninajua mnapendana.
Loo, kibarikiwe kifungo kiifungacho
Mioyo yetu katika upendo wa Kikristo;
Ushirika wa watu wenye nia moja
Ni kama wa kule Juu.

Daima inatupasa kujisikia namna hiyo mmoja kwa mwingine. Mnaona, hatuna budi, hatuna budi kujisikia namna hiyo mmoja kwa mwingine. Mnaona? Maana, tunapopendana sisi kwa sisi, tunampenda Mungu. "Je! Waweza kumchukia ndugu yako ambaye umemwona, na kusema unampenda Mungu Ambaye hujamwona?" Hatuna budi kupendana. "Hakuna aliye na upendo mkubwa kuliko mtu aliyetoa uhai wake kwa ajili ya adui Wake, wapate kuwa rafiki Zake." Loo!

182 Je! mnajua ule wimbo, *Kibarikiwe Kifungo Kiifungacho*? Si ni wa ajabu? Kibarikiwe kifungo! Waweza tafadhali kutupa sauti ya huo, dada, pale? Hebu tu uupige kwa dakika moja.

Vipi kama imekwisha? Vipi kama ule Mvuto wa Tatu, unaokuja sasa, ni kuwahubiria waliopotea? Vipi kama mifano yote itaonyesha wazi sasa? Nasi tumeingia, nasi tumeingia, je! jambo hilo halitakuwa ni zuri sana? Ni ushirika ulioje!

Loo, kibarikiwe kile kifungo kiifungacho (hii ndiyo inayosababisha jambo hilo)
Mioyo yetu katika upendo wa Kikristo;
Ushirika wa watu wenye nia moja
Ni kama wa...

183 Hiyo ilikuwa ni nini? Ushirika wa watu wenye nia moja. "Ufalme Wako na uje. Mapenzi Yako yatendeke." Mnaona?

Tunajaribu kumfanya Mungu mvulana wa kutumwa-tumwa, tarishi, ama cho chote kile, "Mungu, fanya jambo *hili*, fanya *lile*."

Yesu alisema, "Ombeni, 'Ufalme Wako na uje. Mapenzi Yako yatendeke duniani, kama huko Mbinguni.'" Basi, Mbingu imeshushwa kwetu, nasi tume—tumechukuliwa Mbinguni, na tunaketi katika Ulimwengu wa Roho sasa katika Kristo Yesu. Sote tunaamini Ujumbe huo kuwa ni Kweli, ya kwamba Yesu Kristo, Mwana wa Mungu, anatumboza.

Hebu na tufunge macho yetu sasa na tuinue mikono yetu, tunapouimba.

Kibarikiwe kile kifungo kifungacho
Mioyo yetu katika upendo wa Kikristo;
Ushirika wa watu wenye nia moja
Ni kama ... (Endelea kuucheza.)

184 Naam, kusiwe na hata tabasamu moja. Huu si wakati wa kutabasamu. Kwa unyofu sana, wakati wimbo huo unapochezwa, hebu tupeane mikono na mtu fulani aliye karibu nawe, useme, "Mungu akubariki, Mkristo," kwa unyofu.

Mungu akubariki, Ndugu Neville. [Ndugu Neville anasema, "Ubarikiwe, Ndugu Branham!" — Mh.] Umri wa miaka hamsini na tisa. ["Hiyo ni kweli."] Umekula chumvi nyingi!

Mungu akubariki, Ndugu ...?...

Sasa hebu na tumwinulie Yeye mikono yetu juu.

Tunapoachana,
Inatupa maumivu ya ndani;
Lakini bado tutaunganishwa moyoni,
Na kutumaini kukutana tena.

185 Sasa hebu tuinamishe vichwa vyetu, na, kwa pamoja, bila kujua ya kesho, kwa wakati huu, bila kujua ila kwamba imekwisha. Sijui. Siwezi kusema. Siwezi kusema. Sijui. Bali kwa sababu ya kweli ambazo tumezifunua asubuhi ya leo, hebu tuombe ombi ambalo Bwana alitwambia tuombe. Hata kama ni, "Ufalme Wako na uje. Mapenzi yako yatimizwe, Hebu na tuombe pamoja.

[Ndugu Branham na kusanyiko wanasema sala ifuatayo kwa pamoja, kutoka Mathayo 6:9-13 — Mh.]

... Baba yetu uliye mbinguni, Jina lako litukuzwe.

Ufalme Wako uje. Mapenzi Yako yatimizwe duniani, kama huko mbinguni.

Utupe leo riziki yetu,

Na utusamehe makosa yetu, kama sisi nasi tunavyowasamehe wale wanaotukosea.

Na usitutie majaribuni, lakini utuokoe na yule mwovu; Kwa kuwa ufalme ni wako, na nguvu, na utukufu, hata milele.

Amina.

186 Sasa huku mioyo yetu imeinamishwa. Biblia ilisema, "Wakaimba wimbo, wakatoka." Kumbukeni, wakati walipofanya jambo hilo katika Maandiko, ilikuwa ni kwa sababu wao walikuwa wameisulubisha huduma ya Mvuto wa Pili wa Bwana wetu, nao Mvuto wa Tatu ulikuwa tayari kuingia. Masaa machache baada ya jambo hilo, Yeye alishuka akaenda jehanam na kuwahubiri waliopotea ambao walikuwa wameikataa rehema yao.

Sauti ya *Imani Yangu Inakuangalia Wewe.*

Ima—imani yangu inakuangalia Wewe,
Ewe Mwana-Kondoo wa Kalvari,
Mwokozi wa Kiungu;
Sasa nisikie ninapoomba,
Ondoa dhambi zangu zote,
Wala usiniache ... tangu leo
Niwe Wako kabisa!
Wakati ninapopita maisha yenye utata gizani,
Na majonzi yakawa yamenizunguka,
Wewe uwe Kiongozi wangu;
Amuru giza ligeuke kuwa mchana,
Futa woga wa huzuni,
Ee, uniwezeshe tangu leo
Niwe wako kikamilifu!

187 Bwana awabariki, amfanye Mwanawe pamoja na neema iwaangazie. Na Bwana awape Uzima wa Milele, na awe pamoja nanyi hapa katika ulimwengu huu, na ulimwengu ujao baadaye. Na, Uzima wa Milele, naomba mumtumikie katika wakati usiopimika utakaokuja.

Kama huu ndio wakati, nasi tumewasili mahali pale, mimi sioni haya kwa yale niliyohubiri. Na iwapo kila mhudumu hana budi kusimama na kusanyiko lake na kuhukumiwa, kama nilivyoona kwenye lile ono, ninashukuru kwa ajili ya Injili ambayo nimehubiri, kwa kuwa ni Injili ile ile aliyohubiri Paulo na hao wengine.

Nina furaha kwa ajili yenu. Nina furaha kwamba mmempokea Kristo kama Mwokozi wenu. Mpende Yeye, na uombe.

Nami nitawaona alasiri ya leo, Bwana akipenda, saa saba, hapa kanisani. Mungu awabariki. Mmeruhusiwa.



www.messagehub.info

Mahubiri Na
William Marrion Branham
"... katika siku za sauti ..." Ufu. 10:7